



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

5950

323.1

S-31

148

2010

ԱՏՈՄ

№ 385


323.1

S-31

(140)

ԲԱՐԵՆՈՐՈԳՈՒՄՆԵՐՈՒ ՀԱՐՑԸ

- 1—ՊԵՏԱԿԱՆ ԲԱՐԵՆՈՐՈԳՈՒՄՆԵՐ
- 2—ՀԱՅԿԱԿԱՆ ԲԱՐԵՆՈՐՈԳՈՒՄՆԵՐ



ԼՈՒՍԱՂԲԻՐ

Հրատարակչական Ընկերություն

թիւ 7

18690



6690

228

ԼՈՒՍԱՂԲԻՐ

Հրատարակչական Ընկերություն

== ՕՆՆԻԿ-ՍԻՐԱՅԻ ==

Կ. Պոլիս, Ամա Ալր, Ճամր Խան Ն° 6-8



451
39

+

001



Երկու հարիւր տարի է որ Թուրքիոյ մէջ բարեկրօնութեան հարցը գոյութիւն ունի:

Այդ երկու երկար ու ձիգ դարերու ընթացքին սակայն՝ խնդրոյ առարկայ Տարաբաղդ Հարցը, անցնելով հանդերձ բազմատեսակ երեւոյթներէ և աստիճաններէ, մինչեւ այս օր ալ ո՛չ բաւականա՛ստ պարզուած, ո՛չ բաւականա՛հաստ ըմբռնուած, և ո՛չ ալ լուծուած է:

Բարենորոգումներու Հարցը սկիզբէն զուտ Պետական, և երբեք խնդիր ըլլալով, ծնունդ առած է միայն գահակալներու, երբեմն ալ անոնց հազուադէպ խորհրդակցութիւններու կամ վեզիրներու ուղեղէն և զգացուած պահանջէն—Քահը, Խալիֆայութիւնն ու Սուլթանութիւնը փրկելու անհրաժեշտութիւնէն:

Յետոյ, մանաւանդ 19րդ դարու սկիզբներէն, Բարեկարգութեան այդ խնդիրը գունափոխուելով՝ դարցեր է հպատակներու—բայաներու—իրաւասիրութեան և արտաքին միջամտութեան խնդիր, միշտ պահելով պետութեան գոյութիւնը պահպանելու հիմնական ոգին:

Անկէ վերջ դարձաւ նաեւ ազգային — ազգերու իրաւասիրութեան խնդիր, իր զանազան ձեւերովն ու երեւոյթներովը: Բարենորոգումներու Հարցը սակայն, հակառակ իր կրած ձեւափոխութիւններուն և իր հիմնական ոգիին—պահպանել Պետութեան գոյութիւնն ու ամբողջականութիւնը—նոյն այդ գոյութիւնը թէև բազմիցս վտանգուած և Պետութեան ամբողջականութիւնը բազմիցս անդամահատուած, սակայն, մինչեւ այս օր ալ, ինչպէս գիտենք, Թուրքիոյ Բարենորոգումներու Հարցը մնացած է անդոյժ, իբրև գորդեան հանգուց:

Այդ կենսական Հարցը անդոյժ է մնացած իր բարդութիւններուն, մանաւանդ՝ շահակից կողմերու համար ալ լիովին պարզուած չըլլալուն և շահերու տարհակացողութեանց պատճառով:

Իրերու և անցքերու այս դրութեան պատմական բերու-
մով ու դասաւորմամբ, Բարեկարգութեան Խնդիրը հրատապ
կերպով գոյութիւն ունի համապետական, Երջանային և ազ-
գային երեք բաժանումներով ու գոյներով միանգամայն,
որոնք մէկը միւսէն կը բղխին ու անբաժան են յորամէ:

Այդ ընդհանուր բաժանման կարգին՝ Երջանային ու ազ-
գային բարեկարգութեանց խնդրին մաս կը կազմեն նաեւ Հայ-
կական կամ Թրքահայաստանի Բարենորոգումներու Հարցը:

Ու այս խնդրին է որ իր վրայ սեւեռած է ամբողջ
Հայ ժողովուրդին ուշադրութիւնը՝ ո՛չ միայն Թուրքիոյ,
Ռուսաստանի ու Պարսկաստանի մէջ, այլ և աշխարհի չորս
մասերուն մէջ՝ ուր որ Հայ կայ:

Արդ, մեկնելով (partant) այն կէտէն թէ Հայկական
կամ Թրքահայաստանի Բարենորոգումներու Խնդիրը անբաժան
մասը կը կազմէ չրջանային ու ազգային բարենորոգումներու
խնդիրին և շաղկապուած է նաեւ համապետական բարեկար-
գութեանց հարցով, բնական ու տրամաբանական է որ Թրքահա-
յաստանի Բարենորոգութեանց Խնդիրը պարզուելու և բմբռ-
նուելու համար՝ պարզուին և բմբռնուին նախ համապետական
և ազգային բարեկարգութեանց բնովն ու հասկացողութիւն-
ները:


Դեռ մինչեւ այս օր մեր մէջ գոյութիւն չունի հարցին
այս կերպ հիմնական ու բնական ուղղութեամբ ուսումնասի-
րութիւն: Այս համեստ աշխատութեան նպատակն է ուրեմն
սկիզբը դնել այդ կարգի մեթոտիկ ուսումնասիրութեան, վեր-
լուծելով Հարցը իր պատմական ու տրամաբանական երեւոյթ-
ներովն ու պատճառներովը և ըստ այնմ այ նպատակ դիտակ-
ցական ընդհանուր բմբռնումի մը կազմութեանն ու լուծմանը:

I

ՊԵՏԱԿԱՆ ԲԱՐԵՆՈՐՈԳՈՒՄՆԵՐԸ

Ե Ի

ԱՆՈՆՑ ԾԱԳՄԱՆ ՊԱՏՄԱԿԱՆ ՀԱՅՅՈՂՈՒԹԻՒՆԸ



Այն օրէն որ մարդկային զարգացումը առաջանալով տոն-
մէն անցեր է ցեղին և ցեղէն ազգային քաղաքական ու ընկե-
րային կազմերուն և կազմակերպութիւններուն՝ կազմուելը են
պետութիւններ:

Պատմութեան ընթացքին կազմուած ու անհետացած և դեռ
գոյութիւն ունեցող պետութիւններու մէջ եղած են ու կան
տիրոջներ ու տիրապետուողներ, ճնշողներ ու ճնշուողներ: Եղած
են ու կան տիրող, ճնշող դասակարգեր, և տիրող ու ճնշող
ազգեր, ուստի և՛ տիրուող ու ճնշուող դասակարգեր և ազգեր:

Դասակարգային ու ազգային տիրապետութիւններն ու
ճնշումները զանազանուած ու կատարուած են, և դեռ կը կա-
տարուին. դասակարգերու և ազգերու աշխարհագրական, ցե-
ղային, սոսոսական, մշակոյթի առանձնայատկութիւններուն
ու աստիճաններուն համեմատութեամբ: Բնական է ուրեմն
հետեւցնել և համոզուիլ որ՝ այդ դասակարգային ու ազ-
գային տիրապետութիւնները հետեւանքն են ուժեղներու և
թուլերու փոխարարներութեանց:

Ազգի մը մէջ գտնուած ուժեղ դասն ու դասակարգը
տիրեր ու ճնշեր է նոյն ազգի թույլ ու անզօր դասերն ու դա-
սակարգերը:

Նոյն իսկ տիրող ու ճնշող դասին ու դասակարգին մէջն ևս

գոյութիւնն ունեցած են ուժերու համեմատական աստիճանա-
 ւորումներ, ուր ամենաուժեղները եղած են իշխողներ: Յե-
 տոյ, տիրողներն ու իշխողները չեն բաւականացած իրենց սե-
 փական միջավայրովն ու աշխարհագրական սահմաններովը,
 ուստի և յարձակած են ու դեռ կը յարձակին իրենց սահմա-
 նակից ու աւելի հեռուն գտնուած երկիրներու և ժողովուրդներու
 վրայ:

Եւ այսպէս՝ ուժեղները յաղթելով թույլերուն՝ ըստ այնմ ալ
 կրճատուած կամ ընդարձակուած է յաղթուողներու և յաղ-
 թողներու աշխարհագրական սահմանները:

Մարդկային ազգի կեանքը կամ ժողովուրդներու պատմու-
 թիւնը երկու երես, երկու դիմագիծ ունի—մէկը՝ ժողովուրդ-
 ներու ներքին խաղաղ աշխատանքի և մշակոյթի բարեշրջման
 ստեղծագործ կողմն է, միւսը՝ պետութիւններու, ազգերու և
 դասակարգերու միջև տեղի ունեցած կռիւններու, յաղթողներու
 ու յաղթուողներու բաժինն է:

Ժողովուրդներու ընկերային, քաղաքակրթական բարեշրջ-
 ման, խաղաղ աշխատանքներու ու ստեղծագործութեանց պատ-
 մութիւնը, համեմատաբար քաղաքականին, շատ քիչ ուսում-
 նասիրուած ու ճանչցուած է. այդ պատճառով է որ պատմա-
 գիրներու և պատմութիւններու կողմէ մեզ աւանդուածներուն
 մէջ շատ աւելի տեղ գրաւած են ուժեղներու և թոյլերու, տի-
 րողներու ու տիրապետողներու բազմադարեան պատմութիւն-
 ները: Ազգերու և պետութիւններու պատմութիւնները, մեծ
 մասամբ, այս յաղթութեանց ու պարտութեանց, այսինքն նուա-
 ճումներու և վերանուճումներու, պարտութեանց ու նահանջ-
 ներու պատմութիւնն է:

Ուժեղները յաղթելով թույլերուն, ընդարձակուելով յաղթող-
 ներու աշխարհագրական սահմանները, ու ասոր հակառակ՝ կըր-
 ճատուելով թույլերու սահմանները, երբեմն այս վերջիններու ամ-
 բողջական գերութեամբ ու բնաջնջումով, առաջ եկած են աւելի
 կամ նուազ համեմատութեամբ միատարր ու բազմատարր պե-
 տութիւններ և աշխարհագրական սահմաններ: Այս օր ամբողջ

աշխարհի վրայ հազիւ թէ գտնուի ազգ մը, պետութիւն մը՝ որ
 զուտարիւն միայն մէկ ցեղէ կամ մէկ ազգէ բաղկացած ըլլայ: Եւ
 արդէն նախապատմական ժամանակներու մէջ տարբեր ցեղերու
 կողմէ տեղի ունեցած արշաւանքներուն և նուաճումներուն չնոր-
 հիւ առաջ եկած են, ինչպէս տոհմերու՝ նոյնպէս և ցեղերու,
 ինչպէս ցեղերու՝ նոյնպէս և ազգերու խառնուրդներ, որոնք
 լուծուելով իրարու մէջ՝ կազմած են նոր ազգութիւններ:

Բազմասար և միասար բացատրութեամբ, աւելորդ չպիտի
 ըլլար աւելցնել, մենք կըմբռնենք, կազմուած ազգերէն անոնք՝
 որոնք քաղաքական անկախութիւննին կորսնցուցած են կամ
 հակառակը և կամ անոնք՝ որոնք ուրիշ ազգերու մէջ լուծուած
 են կամ ոչ:

Այսպէս, երբ Ֆրէնկ կամ Ֆրանսացի և Ֆրանսա կ'ը-
 սնենք, կը հասկնանք այն երկիրը՝ ուր կ'սպրին Ֆրանսացիները,
 պատմութեան ընթացքին իրարու մէջ լուծուած ցեղերով
 կազմուած Ֆրէնկ ազգը, այդ ազգի հայրենիքը, այդ ազգի
 հայրենիքի սահմաններուն տէր եղող ու իշխող պետութիւնը:
 Նոյնը կը հասկնանք՝ երբ Իսպիայի մասին կը մտածենք
 և կը խօսինք. այսինքն երկիր մը՝ որ Իսպայական ազ-
 գին հայրենիքն է, բնակուած՝ պատմութեան ընթացքին
 իրարու մէջ լուծուած ցեղերով կազմուած Իսպայական ազգէն
 և ուր կը տիրէ նոյն Իսպայական ազգը:

Բայց միւսնոյն ըմբռնումը չունինք Անգլիոյ, Ռուսիոյ և
 Աւստրիոյ համար, որովհետեւ գիտենք թէ Անգլիական տիրա-
 պետութեան տակ կը գտնուին Իրլանտան ու Իրլանդացիները,
 Սկոտլանտան ու Սկոտլանդացիները: Գիտենք որ Ռուս Ազգի, Ռուս
 Պետութեան տիրապետութեան տակ կը գտնուին Լեհացիներ ու
 Լեհաստանի կարեւոր մէկ մասը, Վրացիներն ու Վրաստանը,
 Հայերն ու Հայաստանի մէկ կարեւոր մասը, ևն.: Գիտենք նաև
 որ Գերմանիան անգամ միայն զուտ Գերմանացիներով և մի
 միայն Գերմանական հայրենիքով կազմուած պետութիւն մը
 չէ, այլ, օրինակ, անոր տիրապետութեան տակ կը գտնուին

Լեհացիներն ու Լեհաստանի մէկ մասը և Ալգաս-Լօրէն ֆրանսական հողամասն ու անոր ժողովուրդին մէկ մասը :

Տարբեր գաղափար և ըմբռնում ունինք Աւստրիայի մասին, որովհետև զիտենք որ Աւստրիական ազգ ու հայրենիք գոյութիւն չունի, այլ Աւստրիական սիրապետութիւնն է Գերմանական ազգի և երկրամասի մէկ փոքրամասնութեան, ու Հապսպուրկեան հարստութեան (տինաստիա), այսինքն իշխող վահակապետական տան : Գիտենք որ այդ տիրապետութեան տակ կը գտնուին սլաւոնական մեծ ցեղին պատկանող ազգեր ու երկրամասեր՝ ինչպէս Պոնեմիան, Տարմացիան, Կալիցիան, Խալաիկան հողի մէկ փոքրիկ մասը ևն. :

Ասոնցմէ զատ եղած են աւելի կամ նուազ իրարու մօտ դրացի գտնուող երկիրներ ու ժողովուրդներ՝ որոնք նուաճած ու նուաճուած են, և կամ այնպիսիներ՝ որոնք ըլլալով հանդերձ չա՛տ հեռաւոր երկիրներու ժողովուրդներ, պատմութեան ընթացքին հեռացած են իրենց բնակավայրերէն և ահագին տարածութիւններ կտրել անցնելով՝ դացած տիրած են ուրիշ աշխարհներու, ուրիշ ժողովուրդներու վրայ :

Ահա՛ այս տեսակ արշաւանքներու կամ դաղթականներու անսպառ մայր հայրենիքն է եղած Միջին կամ Կեդրոնական Ասիան :

Ասիոյ այս մասին Մոնղոլ-Թաթար ցեղերը ողողած են ամբողջ Արեւմուտքը : Բայց, որովհետև այս կարգի արշաւանքներ ու դաղթականութիւններ խաղաղ ու անբնդհատ ճանապարհորդութիւններ չեն, ատիպուէր են իրենց ճանապարհին վրայ տեղաւորուիլ, կանգ առնել, ընդհատել առաջխաղացումը և պատերազմիլ իրենց առաջգնացութեան ճանապարհին վրայ գտնուած պետութիւններուն ու ժողովուրդներուն հետ, որպէսզի հնարաւորութիւն ունենան անցք գտնելու մինչև իրենց յարմար բնակատեղի ընտրած վայրը : Բայց այդ արշաւող ցեղերը, հեռացած իրենց բնակայրերէն, կտրուած իրենց հայրենիքէն, հեռու և օտար այդ երկինքներուն տակ անգամ չեն

կրցած հեշտութեամբ ու խաղաղութեամբ հաստատուիլ : Արշաւող ժողովուրդներէն իւրաքանչիւրը հաստատուած է այն երկրին մէջ՝ որ ոչ միայն իրեն բնակութեան համար յարմարագոյն նկատած է, այլ և զէնքի ուժով յաջողած է յաղթել ու նուաճել նոյն տեղի ժողովուրդը :

Արեւմուտքի մէջ այս նուաճումները եղած են երկուութեան : Ձէնքի յաղթութիւնը շուտով տեղի տուած է պարտուած և նուաճուած ժողովուրդներու կամ երկիրներու կլիմայական, ընկերային, տնտեսական, մշակութային և թուական պայմաններուն ու ազդեցութեանց : Յաղթողները կամ լուծուած ու անհետացած են բնիկներուն մէջ, և կամ նուաճողի ու նուաճուողի խառնուրդով նոր ազգ մըն է առաջացած :

Բայց այսպէս չէ պատահած մօտաւոր Արեւելքի մէջ :

Այս երկիրներուն մէջ հաստատուող, նուաճող ու պետութիւն կազմող Թաթար-Թուրք ցեղերը՝ կտրուած ու հեռացած ըլլալով հանդերձ իրենց հայրենիքէն, ոչ ամբողջովին իրենց ցեղային ու ազգային սեփական դիմագիծը պահած են, ոչ ամբողջովին բնիկ ազգերու և ժողովուրդներու մէջ լուծուած և ո՛չ ալ խառնուրդով նոր ազգութիւն մըն են կազմած՝ ինչպէս Հունգարացիներն ու Ֆինլանտացիները :

Պաղտասի, Եգիպտոսի, Գոնիայի Սուլթանութիւնները, Ապպասիի ու Սէլճուզեան պետութիւնները, մինչև Բիւզանդական կայսրութեան վերջնական նուաճումը՝ աւելի շուտ կրօնական նուաճումներ ու իշխանութիւններ էին քան ազգային դիմագիծ ունեցող զուտ քաղաքական պետութիւններ : Ճիհատը, այսինքն կրօնական պատերազմը, ամէնամեծ դերն է կատարած յիշուած պետութիւններու կազմութեան մէջ, իսկ դանիսքը, այսինքն աւարը, գլխաւոր ազգակն է եղած յաղթական բանակներու կազմութեանն ու յաղթութիւններուն համար :

Չունենալով նահանջի յենարան—Հայրենիք—, չունենալով ազգային թուական ու մշակոյթի գերակշռութիւն կամ

հաշուի առնուելիք այլ առաւելութիւններ, ըլլալով միաժամանակ օտար, — թուրք-թաթարական պետութիւններու դրոշմն ու յենարանն է եղած իսլամութիւնը՝ ապազգային ձգտումներով:

Այս պայմաններէն առաջացած պետութիւններէն մէկն ու վերջինն է ահա՛ Օսմանեան Պետութիւնը, որ ծնունդ առաւ նախ Սէլճուզեան պետութեան քայքայման շրջանին, և որուն ապագագայնութիւնը ամէնէն աւելի դիմագծուեցաւ: Ու եթէ Սելճուզեանը տակաւին կը կրէր, իր մէջ քիչ թէ շատ թուրք-թաթարական բաղադրութիւն, Օսմանեանը իր ստացած ծաւարովն ու մեծութեամբը բոլորովին ապազգայնացուց ու ջնջեց ազգային դիմագիծն ու ոգին:

Օսմանեան Կայսրութիւնը աւելի իր հիմնադիրին, Օսման Ղազիի Տան պետութիւնը եղաւ, քան թուրք ազգին: Եթէ այդպէս չըլլար՝ Սելճուզեան քայքայուող պետութեան վերանորոգումով, իշխող Տունը կամ Հարստութիւնը (տինաստի) Ղազի Օսմանին անցնելով հանդերձ՝ պիտի մնար դարձեալ Սելճուզեան:

Չունենալով նուաճող և տիրապետող յատուկ ազգ, այս նոր պետութեան հիմնադիրները՝ յանուն կրօնական պատերազմի, անխտիր բոլոր տիրապետող ազգերէն — բայց միմիայն իսլամ ըլլալու կամ իսլամութիւնը ընդունելու պայմանով — բանակներ կազմեցին: Կրօնքը և դանիմէթը նպաստեցին արշաւող բանակներու ստուարացման, ու յաղթանակէ յաղթանակ անցնելով՝ կազմեցին ահագին կայսրութիւնը, որ իր զարգացման, փառքի օրերուն մէջ ամբողջ արեւմուտքը կը դողացնէր, և կը տիրէր Ասիոյ, Ափրիկէի և Եւրոպայի էն գեղեցիկ ու կարեւոր մասերուն:

Քանի արշաւանքներն ու յաղթութիւնները կը շարունակուէին՝ Պետութիւնը իր զարգացման ու փառքին մէջն էր, — մէկ կողմը կանգնած բանակը՝ որ ամբողջ իսլամ գանդուածը կամ իսլամացած հաւաքովն էր, միւս կողմը՝ նուաճուած ազգերն ու ժողովուրդները, անիրաւատէրները, որոնք կը կե-

րակրէին ու իրենց քրտինքին արդիւնքը կուտային բանակին, որ գոյութիւն ունեցող միակ պետական օրկանիզմը կը ներկայացնէր այն ատեն:

Եւ այսպէս՝ պետութիւնը ներսէն ու դուրսէն կատարելապէս ապահով էր:

Արշաւանքները, նուաճումներն ու աշխարհակալական պատերազմները վերջ գտնելուն պէս, սկսաւ հանգստութեան և վայելքի շրջանը, ու յարաշարժ բանակը ձեռք բերած դանիմէթի վայելքին նուիրեց ինքզինք՝ նստակեաց կեանքի մէջ:

Բնական էր որ բանակին մէջ ծնունդ առնէին նաև վարիչներու, նրամայրներու դասեր և աստիճաններ, այնպէս որ աւարները բաշխուած ու իւրացուած էին ըստ դասի և աստիճանի:

Ու վայելքի շրջանը կը բերէ իրեն ևս մէկ շրջան՝ մեղկութեան շրջանը, ի վերջոյ անոր յաջորդելով նաև Անկումի օրջանը:

Պատերազմիներու այդ դասերով ու աստիճաններով ստեղծուեցաւ տեսակ մը աւասականութիւն: Զինուորական դասի իւրաքանչիւր աստիճանաւորին, այդ նորաստեղծ աւատականներէն իւրաքանչիւրին, ըստ իր աստիճանին, աւելի կամ նուազ հողի կամ երկրամասի շրջաններ ու շրջանակներ նուիրուած էին, այդ աստիճանաւորներն ըլլալով այդ հողերուն տէրն ու իշխողները:

Ու հասաւ նաև սպառումի ժամանակն ալ: Աւարի հարստութիւնը տակաւ անհետացաւ: Բայց վայելքի, գեղիւթեան ու մեղկութեան վարժուած աւատական դասին առջեւը կը գտնուէր այս անգամ ուրիշ հարստութիւն մը ևս — տիրապետուած, ստրկացուած ընդհանրապէս մահմադական ժողովուրդներու աշխատութիւնն ու աշխատանքի արտադրութիւնն էր այդ անսպառ հարստութիւնը, ուրիշ լայնօրէն կ'օգտուէին իւրաքանչիւր շրջանի ու շրջանակի աւատականներ՝ իրենց բոլոր ստորագասեպներով միասին: Եւ եթէ գեղիւթեան ու մեղկութիւնը

աւատականացած երբեմնի յաղթական մարտիկին մէջ մէկ կողմէ կը ջնջէր զինուորականի խանդն ու խստամբեր կեանքը և անոր անմիջական սերունդին մէջ այդ խանդին հետքը կ'անհետացնէր, միւս կողմէ կը զարգացնէր անաշխատ իշխողի յաւակնութիւններն ու զեղծումները՝ հանդէպ Պետութեան:

Պարզ է որ Կայսրութիւնը կորսնցնելու վրայ էր իր յենարանը և սկսած էր անկումի ու վտանգի շրջանը:

Նոյն այդ ժամանակի Սուլթանները այդ վտանգը ակներև աւսան և զգացին անհրաժեշտութիւնը բարեկրորդութեան:

Սուլթան Օրխան և Մուրատ Խուտավէնտիկեար զինուորական բարեկարգութեան հիմը դրին Եէնիչէրիի օճախին հիմը դնելով, իսկ Գանուհի Սուլթան Սիւլէյման՝ օրէնսդրական կարգեր սահմանելով:

Եէնիչէրիի օճախը պիտի ըլլար Կայսրութեան առաջին կազմակերպուած մնայուն բանակը, ուր գլխաւորաբար կ'ընդունուէին և կը պատրաստուէին ո՛չ-մահմետականներու մահմետականացուած մանուկներն ու պատանիները:

Բայց այդ օճախն ալ շուտով դարձաւ բոլոր ազգերու վատասնուածներուն որջ, որոնք իրենց զինուորականի և առանձնաշնորհալ դասի ուժն ու ազգեցութիւնը ո՛չ միայն հպատակներն ու աշխատակորները կեղևքելու կը յատկացնէին, այլ և գահն ու գահակալները իրենց զեղի կեանքի պահանջներուն և կամայականութիւններուն ծառայեցնելու կը հետամտէին: Թշնամիի դէմ անպէտք, Պետութեան հանդէպ յաւակնոտ ու խորխտ, — այս էր նկարագիրը Եէնիչէրիութեան՝ որուն քմահաճոյքին ենթարկուած էր Սուլթաններու կեանքն իսկ: Այս պայմաններուն մէջ, բնականաբար վտանգուեցաւ Կայսրութեան երբեմնի աշխարհատասան հմայքը և արտաքին թշնամիներ սկսան համարձակութիւնը ստանալ պարբերաբար պատերազմ յայտարարելու:

Թշնամի էին երեք սահմանակից պետութիւններ—Աւրստրիան, Ռուսաստանը և Պարսկաստանը, մանաւանդ Ռուսաստանն ու Պարսկաստանը:

Պարսկաստանը՝ թէև կրօնքով իսլամ, բայց մահմետականութեան ծիլ աղանդին հետեւող, իր դաւանական հակառակութեամբն հանդերձ՝ առաւել ևս վրէժիւնդրութեամբ և քաղաքական շահերով կ'առաջնորդուէր: Վրէժիւնդիր էր, որովհետև Օսմանեան Կայսրութեան յարձակումները շատ կրած էր և իր տիրապետած սահմաններէն—Վրաստանէն ու Հայաստանէն—ահագին տարածութիւններ, ամբողջ շրջաններ զիջեր էր Օսմանեան յաղթական բանակներուն: Եւ սակայն Պարսկաստանն ալ անուանապէս Պարսկական պետութիւն էր: Հոն իշխանութեան գերակշռող տարրն ու գահակալներն անգամ թաթար-թուրք ցեղերուն կը պատկանէին: Այն գլխաւոր տարբերութեամբ որ՝ Պետութիւնը հիմնուած էր պարսկական հայրենիքի հողին վրայ և իշխանութեան գերակշռող տարրերն ալ կը նոյնանային պարսկական մէջ: Հոս ալ ստեղծուեր էին զինուորական ու կրօնական աւատապետութիւններ: Հոս ալ մեղկութեան, վատասեման բոլոր ախտաւոր յատկութիւնները դարգացած ըլլալով՝ սկսեր էր անկման օրջանը:

Հաշուի առնուելիք միակ պետութիւնը կը մնար Ռուսաստանը, որ մէկ կողմէն Պարսկաստանի և միւս կողմէն Օսմանեան Կայսրութեան կը սգաւնար և որոնց հետ պատերազմները դարձեր էին պարբերական:

Օսմանեան Կայսրութեան արտաքին թշնամիներուն և վտանգներուն հետ տակաւ սկսան յայտնուիլ նաև ներքին վտանգները:

Կայսրութեան մահմետական երկիրներն ու ժողովուրդները, Սփրիկէն կամ Թունուզն ու Սփրիկեան Տրիպոլիսը, Եգիպտոսը, Սուրիան, Արաբիան, Ալպանիան, Միջագետքը, մինչև Պաղատա-Պարա ու անկէ մինչև Քովէյթ կիսանուած երկիրներ ըլլալով՝ անոնց վրայ Կայսրութեան տիրապետութիւնը անուանական էր աւելի: Եւ ասիկա այն պարզ պատճառով որ Պետութիւնը կամ Կայսրութիւնը ստեղծուած էր յանուն իսլամութեան, և տիրապետող, նուաճող բուրժուազգը

միւստւումանական այդ երկիրներուն մէջ մուտք ու հաստատութիւն չէր ունեցեր, որով Պետութեան պատերազմներուն առաջնորդական շրջանը անցնելէն յետոյ՝ իսլամ բայց ո՛չ-քուրժ ժողովուրդները թէ զինուած ըլլալու և թէ իրենք զիրենք հպատակ չնկատելու պատճառներով՝ Կայսրութեան մէջ առանձնաչնորհեալ դիրք էին գրաւեր, ու չնորհիւ իրենց աւատապետներուն ու չէյսերուն, ստանալով կիսաանկախ վիճակ՝ հպատակութեան ընդհանուր պարտաւորութիւններէն—տուրքէ և պարտադիր զինուորութենէ—ազատ էին մնացած ու մեծ մասամբ կը մնան դեռ մինչև այսօր:

Ասոնցմէ մանաւանդ մէկմէկ թագաւորութիւն արժող թունուէն ու Եգիպտոսը կիսահարկատու, կամ աւելի ճիշդը՝ անուանական հարկատու ինքնավար իշխանութիւններ կազմեք էին, մէկը՝ Թունուզի Պեյուրիւն, և միւսը՝ Եգիպտոսի խսիվի տիւղոսներով: Եգիպտոսի իտիվութիւնը կամ Փոխարքայութիւնը իր ապստամբութեան միջոցին մինչև անգամ Եգիպտոսական սահմաններէն դուրս գալով Կայսրութեան սահմաններն էր անցեր իւր բանակովը, ու միայն եւրոպական միջամտութեան չնորհիւ էր որ ամբողջ Սուբիան ու Կիլիկիան գրաւելով իր տիրապետութեան չէր կցեր:

Ասդին՝ Ռուսաստանը հետզհետէ կը յառաջանար և կը գրաւէր Պարսկաստանի ու թուրքիոյ միջեւ կուռածաղիկ դարձած ու յաջորդաբար իրարմէ գրաւուած Գովկասը, Վրաստանն ու Հայաստանի մէկ մասը:

Դանուբի ափերուն վրայ ալ Ուլաճ-Պուղտանը միշտ յուզումնայից. անդին Յունաստանը վաղուց ապստամբած և 19րդ դարու սկիզբներուն արդէն անկախութեան տիրացած: Ուլաճ-Պուղտաններն ու սլաւ Սերպերը, ինչպէս նաև Յունական կղզիները ևս Յունաստանի օրինակին կը հետեւէին:

Ու եթէ քրիստոնեայ Յոյներու և Սլաւոններու կամ Բուլղարներու ետեւը Աւստրիական ու Ռուսական էնդրիկները պակաս չէին, ո՛չ նուազ, գուցէ և աւելի ևս դեր ունէին

մահմետական: Թունուզի, Եգիպտոսի ձգտումներուն մէջ Յրանսական և Անգլիական մտաւոր կամ հեռաւոր դիտումները:

Այս ամէնուն պատճառը արդէն բացատրեցինք: Կայսրութեան տկարացումը՝ որ բնական հետեւանքն էր զինուորական ուժը կազմող բազմաբղէտ տարրի բացարձակ այլասեռումին և տիրող ու ղեկավար ազգի չգոյութեանը: Ակներեւ էր Կայսրութեան վերջնական քայքայումին անխուսափելիութիւնը՝ եթէ դարման չտարուէր:

Կարելի է ըսել որ Սուլթան Մահմուտ Բ. եղաւ այն երկրորդ Կայսրը, որ տեսաւ վտանգը և ըմբռնեց անմիջական դարմանումի անհրաժեշտութիւնը՝ ազատելու համար իր անձն ու գահը եէնիչէրիական ամէնօրեայ սպառնալիքներէն ու յարձակումներէն:

Եէնիչէրին ջնջուելով՝ առաջին անգամը ըլլալով, եւրոպականացումի ձեւով զինուորական նոր կազմակերպութեան ձեռնարկուեցաւ և Կայսրութիւնը կառավարելու համար վարչական նորութիւններու հետամտութիւն ցոյց տրուեցաւ:

Բարեկարգութեան պատմական ծնունդին վերաբերեալ այս չափազանց ամիռփի վերնայեցողութիւնը բաւական է, կը կարծենք, ապացուցանելու որ Բարենորոգումներու Խնդիրը հպատակներու և քրիստոնեաներու խնդիր կամ պահանջ ըլլալէ առաջ՝ եղած է գերազանցապէս Սուլթանութեան և Կայսրութեան ապահովութեան խնդիր:



ԲԱՐԵԿԱՐԳՈՒԹԻՒՆՆԵՐՈՒ ԵՐԿՐՈՐԴ ՇՐՋԱՆԸ

ԲԱՐԵԿԱՐԳՈՒԹԻՒՆՆԵՐՆ ՈՒ ՎԻՃՈՒՄՆԵՐԸ

Մենք դիտմամբ ծանրացանք ու կանգ առինք Օսմանեան Պետութեան բարեկարգութեան սկզբնական ծագման պատմական պատճառներուն վրայ :

Ինչպէս կ'երեւայ, պատմական վերջիչողութեանց, բարենորոգումներու սկզբնական ծագման պատմական պատճառներուն և յետագային մէջ արուած մեկնութեան ու ժամանակակից բմբռնումներուն մէջ մեծ տարբերութիւններ, թիւրիմացութիւններ և ըսենք նաև՝ նախապաշարումներ կան :

Անյո՛ժ մնացող Բարենորոգումներու խնդիրը ճշգիւ ըմբռնելու և բարենորոգումներու բնովն ու նպատակը որոշելու և ըստ այնմ ալ խնդիրը լուծելու համար՝ անհրաժեշտ է պարզել նախ այդ թիւրիմացութիւնները և ջնջել նախապաշարումները :

Ինչպէս տեսնւք, պետական գոյութեան դէմ սպառնացող սկզբնական վտանգը կազմեր են նախ միմիայն մահմետականները—բանակն ու մահմետական շրջանները :

Բայց սկսուած բարենորոգումները ո՛չ Ե՛հնիչէրիներու կազմութիւնը և ո՛չ ալ ջնջուած չի զօրեցին չարքը դարմանելու :

Ե՛հնիչէրիները կազմուեցան ճիշդ այն պատճառով՝ որ սիրող ազգ գոյութիւն չունէր :

Օսմանեան Կայսրութիւնը չստեղծուեցաւ այն ժամանակ՝ երբ Միջին Ասիայէն Թուրք-Թաթար ցեղեր կ'արշաւէին դէպի Արեւմուտք : Այդ արշաւանքը շատոնց դադրած էր : Սէլճուգեան Պետութեան Գոնիայի շրջանէն դուրս հազուադէպ էին թուրք կամ թաթար տարրերը : Կայսրութեան տիրապետութեան տակ անցած երկիրներուն մեծագոյն մասը ո՛չ-թուրք մահմետական ազգեր ու երկիրներ էին, կարեւոր

մաս մըն ալ այլ ազգեր : Պալքանեան երկիրներու, Եգէական ծովի կղզիներու, Բիւզանդական մայրաքաղաքին և շրջականերուն մէջ, Սեւ ծովի ափերէն՝ մինչև Վրաստանն ու Կովկասեան լեռները, ամբողջ Հայաստանը, և անկէ մինչև Միջագետք՝ բնակչութիւնը գրեթէ ամբողջովին քրիստոնեայ ազգերէ կը բաղկանար : Այնպէս որ՝ Սէլճուգեան Պետութեան Գոնիայի շրջանի Թուրք-Թաթար ազգաբնակչութիւնը եթէ ամբողջովին գաղթելով ցրուէր իսկ՝ Կայսրութեան քրիստոնէաբնակ վերջիչեալ երկիրներուն մէջ դարձեալ ամէնաշնչին փոքրամասնութիւն մը պիտի կազմէր :


Ափրիկէի, Սուրիայի, Արաբիայի, Եգիպտոսի, Միջագետքի մահմետական ժողովուրդներէն ու երկիրներէն դուրս ուրեմն, կը կրկնենք, Կայսրութեան բացարձակ տիրապետող ու աշխատող տարրը քրիստոնեայ ազգերն էին : Ու կրկնենք անգամ մըն ալ որ, քրիստոնեայ ազգին մէջ՝ մեծ մասամբ ո՛չ թէ Թուրքեր, այլ մահմետականներ մուտք ունեցան ու հաստատուեցան՝ երբ նուաճումի պատերազմները վերջացան, երբ հանգստանալու, նուաճուածը պահելու և Կայսրութիւնը կազմակերպելու շաջանն սկսաւ :

151
3

Յաղթողի և յաղթուողի պայմաններն ու յարաբերութիւնները պատմութեան ընթացքին տարբերած են ըստ ժամանակի, տիրողներու և տիրապետողներու քաղաքակրթութեան աստիճանին և ներկայացուցած ուժերուն համեմատութեամբ :

Կար ժամանակ՝ ուր կը գերէին ամբողջ ժողովուրդներ, յաղթողը կը տիրէր յաղթուողի երկրին ո՛չ միայն վեհապետական իրաւունքներուն՝ այլ և ժողովուրդներու անհատական կեանքին ու ինչքին : Կար ժամանակ՝ ուր անձնատուրներու կեանքը կը շնորհիւ յաղթողին նկատուէին գերիներ :

Օսմանեան Կայսրութեան ժողովական պատերազմներու ընթացքին, տիրող ժողովական համաձայն, գործ դրուած



են զանազան միջոցներ ու պարտադրուած խառն պայմաններ: Կրօնական պատերազմի անունով, Օսմանեան յաղթական բանակը իրաւունք ունէր սրէ անցնելու՝ դիմադրելու յանդգնութիւն ունեցող և յաղթուող ո՛չ մահմետականները, և կամ անոնց կեանքը չնորհել՝ եթէ հաւատքնին փոխելով մահմետականութիւնն ընդունէին:

Բայց կարելի է ըսել որ Օսմանեան աշխարհակալութիւններու ժամանակ, քրիստոնեայ շրջաններու համար կոտորածները չէն գործադրուած իբրև միակ և առաջին միջոց. ընդհակառակը մեծ մասամբ խնայուած է քրիստոնեայ ազգաբնակչութեան կեանքը ո՛չ միայն մահմետականութիւնը ընդունելու պարագային, այլ նոյնիսկ այն պարագային՝ երբ քրիստոնեայ ազգաբնակչութիւնը շարունակած է մնալ իր պաշտամունքին մէջ: Կոտորածի տեղ դիմուած է սովորաբար աւարի և հողային գրաւումներու, որոնք կը բաշխուէին յաղթող բանակի զօրավարներուն. այս պարագային անգամ ազգաբնակչութիւնը առանց սեփականազուրկ ընելու:

Օսմանեան յաղթականներու այս վերաբերմունքը հանդէպ քրիստոնեայ ազգաբնակչութեանց և ժողովուրդներու՝ շատ բնական էր: Իր կրօնքին պինդ փաբած ու իր կեանքի գնով իսկ կրօնափոխ չկողող ու է ժողովուրդէ անոր կեանքը և կամ կրօնափոխութիւնը պահանջին ու իրագործելը՝ ամբողջ Անատոլիան ամայացումը պիտի նշանակէր:

Աշխարհակալ Օսմանեան Կայսրներու համար սակայն՝ ամայացած երկիրներ պէտք չէին, որովհետև կոտորուող ու բնաջնջուող ժողովուրդներուն փոխարինելիք թիրող ազգ զուլութիւն չունէր: Անհրաժեշտ էր որ ապրէր բնիկը իր սեփական կեանքովը, բայց ստրուկ և իրաւազուրկ՝ աշխատելու և յաղթողները ապրեցնելու համար:

Տարաբաղատաբար, երբ ~~աշխարհակալ~~ պատերազմները վերջացան ու ամէն ազգէ խառնարդ բաժնիկը սկսաւ տեղաւորուել աւարի բաժին ստացուած քրիստոնեայ շրջաններու մէջ, երբ այդ կերպով կազմուած զինուորա-կրօնական աւատական-

ները մեղկութեան ու շուայտութեան մէջ իյնալով՝ կայսրութեան անկման դարազուլիւր սկսաւ և աշխարհակալ կայսրներու խմաստութիւնն ու քաղաքականութիւնը ըմբռնող սերունդ չմնաց, մանաւանդ՝ երբ իբր բարեկարգութիւն կազմակերպուած եկեղեցիական բանակն այլ շուտով հասաւ վատասեման գագաթնակէտին, ահա՛ ճիշդ այդ ժամանակներուն է որ սկսաւ նաև բնիկ քրիստոնեայ ժողովուրդներու բռնի կրօնափոխութեան ու կոտորածներու շրջանը:

Աւելի քան երկու հարիւր տարի է որ Կայսրութեան անկման շրջանն սկսած է ու այդ ժամանակներէն ի վեր Կայսրութեան պատմութեան էջերէն անպակաս են կոտորածներն ու բռնի կրօնափոխութիւնները:

Կազմուած նախապաշարունմն ու թիւրիմացութիւնը հոն է որ, կ'ենթադրուի թէ Կայսրութեան անկման պատճառը հպատակ քրիստոնեայ ժողովուրդներու պարբերական ապստամբութիւններն ու քրիստոնեայ պետութեանց միջամտութիւններն են: Սխալ ու բացարձակապէս հակառակ պատմական փաստերուն:

Յոյց տուինք արդէն որ Կայսրութեան անջատողական գլխաւոր տարրերը և երկիրները եղած են աւելի շուտ իսլամ հպատակ ազգերն ու երկիրները:

Ճիշդ է որ հպատակ համարուած իսլամ ազգերը նպաստած ու դործակցած են կայսրութեան աշխարհակալութիւններուն, բայց ճիշդ է նաև այն որ, անոնք՝ իբրև իսլամ, երբէք ղրխաթափ չէին եղած և երբէք ամբողջովին չեն նուաճուած: Անոնք միշտ ունեցեր են անջատողական ձգտումներ: Ու քանի՛ Կայսրութիւնը տկարացած է՝ նոյն համեմատութեամբ այլ ուժեղցած է նաև այս կամ այն շրջանի իսլամ ցեղերու մէջ անկախութեան կամ անջատողական ձգտումները: Այս ճշմարտութեան համոզուելու համար բաւական է աշխարհացոյց քարտէսին վրայ աչք պտայնել, ուր պիտի տեսնուի որ կայսրութեանէն բաժնուած և օտար ազդեցութեան կամ արիւսպետութեան

ենթարկուած մահմետական երկիրները անհամեմատ մեծ ու լայնածաւալ են՝ քան քրիստոնէայ երկիրները :

Կայսրութեան անկման է՛ն գլխաւոր պատճառները եղած են , ինչպէս ըսինք , իրող ազգի չգոյութիւնը ու մահմետականացողներու ապագայնացումը :

Կայսրութեան պահպանութեան , զարգացման ուժը պիտի կազմէին մշակոյթը , մտաւոր ու տնտեսական զարգացումը և զինուորականութիւնը : Այդ երկու ուժերն է որ կամ բնիկ և կամ եկեւոր պիտի ըլլային , մինչդեռ այդ երկուքն ալ ո՛չ թէ զարգացան՝ այլ սպառեցան :

Կայսրութեան ստեղծումի և աշխարհակալութեան շրջանին՝ բազմատարր իսլամ բանակին մէջ գտնուող թուրք կամ թաթար տարրերը—չատոնց եկած Միջին Ասիայէն—իրենց հետ ոչ մէկ քաղաքակրթութիւն չէին բերած : Անոնք խաշնարած , վրանաքնակ ցեղեր էին , որոնց բերած ու պահած միակ ուժն էր՝ բիրտ ուժը : Բայց այդ բիրտ ուժն անգամ բաւական չէր Կայսրութիւն մը հիմնելու համար . այնպէս որ յաղթական բանակը կազմուած էր բնիկ մահմետական ազգերէն և ո՛չ—մահմետական ազգերու մահմետականացած անհատներէն , որոնց կրօնափոխութեան և պատերազմափրութեան ամբողջ հրապոյրն էր աւարը , զանխմէթը : Աշխարհակալութեան էական պայմանը միմիայն գէնքի ուժն ու յաղթութիւնը չէ՛ . անհրաժեշտ է նաև տիրել նուաճուած երկիրներու տնտեսական կեանքին , և տիրապետել մանաւանդ՝ սեփական մշակոյթով և առանձնայատկութիւններով :

Անվիճելի է որ առանց քաղաքական ու քաղաքացիական որոշ իրաւունքներու և ազատութեան՝ կուլտուրական և տնտեսական կեանքը չի կրնար զարգանալ : Զինուորական ուժով տիրապետողները՝ չունենալով սեփական մշակոյթ , չունենալով սեփական տնտեսական հարստութիւն , ո՛չ միայն կուլտուրապէս կամ տնտեսապէս տիրապետելու ոչինչ ունէին՝ այլ և ո՛չ—մահմետական իրենց հպատակները զրկելով քաղաքական ու քաղաքացիական իրաւունքներէ՝ կանգ առնել տուած են տիրապետուած բնիկ ազգերու սեփական մշակոյթն ու տնտեսական զարգացումը :

Բնական էր որ զինուորական ուժին ու նուաճումին շրջանը վերջանալով՝ զար նուաճուածը կառավարելու , օգտագործելու , պահպանելու իրական կեանքի շրջանը : Եւ հենց որ այս շրջանը սկսաւ , Կայսրութիւնը զգաց իր անզօրութիւնը , որովհետև չունէր տիրապետողէ մը պահանջուած կառավարելու , օգտագործելու և պահպանելու անհրաժեշտ եղած կուլտուրական և տնտեսական ուժը :

Ո՛չ միայն այդ ուժը գոյութիւն չունէր , ո՛չ միայն նուաճուած տարրերու մշակոյթն ու տնտեսական զարգացումը կանգ էր առեր , այլ և տիրապետող զանգուածը սպառելով աւարը՝ հետամուտ եղաւ ոչընչացնել իրաւազուրկներու մնացորդ մշակոյթն ու հարստութիւնը :

Ու այդ ալ եզու Կայսրութեան երկրորդ անկման Երզանք ու Բարեկարգութեանց վիժման Երզանք միանգամայն :

Միայն Օսմանեան պետութեան մէջ չէ՛ որ փոքրամասնութիւն մը տիրապետած և իշխած է միլիոնաւոր մեծամասնութիւններու վրայ . այս իսկ պատճառով ալ տիրապետութիւնը իբրև փոքրամասնութիւն մեծամասնութեան վրայ տկարութեան ու անկման պատճառ չպիտի ըլլար , եթէ այդ տիրապետութիւնը բացառիկ պայման չհերկայացնէր : Գրեթէ բոլոր Մեծ Տէրութիւնները ծովերէն ու ցամաքներէն անցնելով հազարաւոր փարսախ հեռաւորութեամբ կ'երթան տիրապետելու միլիոնաւոր բնակչութիւններու և ահագին տարածութեամբ երկիրներու վրայ՝ զորս գաղութ , գաղթավայր են անուանած . և այս տիրապետութիւնը՝ նոյնիսկ համեմատաբար շատ փոքրաթիւ բնակիչներու ուժով :

Ինչո՞ւ :— Նախ որ մեծ ու փոքր Պետութիւնները— ինչպէս են Անգլիան , Ֆրանսան , Գերմանիան , Իտալիան , Պելճիզան , Հոլանտան , Սպանիան , Փորթուկալը—գաղթային աշխարհակալութիւններ ընելով հանդերձ՝ ունին իրենց Մայր

Հայրենիքն ու Պետութիւնը . երկրորդ՝ որ անոնց բոլոր գաղթա-
վայրերը կը գտնուին իրենցմէ անհամեմատ ստուար կուրտուրական
աստիճաններու վրայ և անդարգացած դրութեան մէջ : Մեծ ու
փոքր Պետութիւնները ո՛չ միայն իրենց զինուորական ուժովը
կը տիրապետեն հեռուոր գաղթավայրերու վրայ , այլ մանա-
ւա՛նդ իրենց մշակութովը , գիտական ու անտեսական առաւել-
լութիւններովը : Գաղթային աշխարհակալութիւն ունեցող Պե-
տութիւններու համար՝ գաղթավայրերը միայն իրենց Մայր
Հայրենիքի յաւելեալ ազգաբնակչութիւնը գաղթեցնելու յատ-
կացուող երկիրներ չեն , այլ մանաւանդ շուկաներ եւ սեփա-
կան դրամագլուխի , արդիւնաբերութեան ու շահագոր-
ծումի :

Եւրոպայի ու Եւրոպական սահմաններու մէջ՝ ո՛ր և է
աղբի ու պետութեան սահմանային քարտէսի փոփոխութիւն-
ները այլ քաղաքականութեան և ուժի հետեւութիւններ ու-
նին . իսկ Եւրոպայէն դուրս կատարուած գաղութային աշ-
խարհակալութիւնները՝ բոլորովին այլ պատճառներ ու հետե-
ւութիւններ ունին : Ռուսաստանն անգամ , որ Եւրոպայի
փոքր ու մեծ պետութիւններու հետ համեմատելով կուրտու-
րական ու անտեսական աւելի ցած աստիճաններու վրայ է
կանգնած , միւսներու նման ոստումներով գաղթային քաղա-
քականութիւն ու աշխարհակալութիւն չէ՛ հետամտած երբեք :

Ռուսաստանի աշխարհակալութիւններն ալ զինուորական
տիրապետութիւններ են աւելի՛ քան կուրտուրայի և աղն-
տեսական . բայց Ռուսիան իր նուաճումները կը կատարէ
առանց իր սահմաններէն հեռանալու . թէ՛ Մայրագոյն , թէ՛ Մի-
ջին և թէ՛ մօտաւոր Արեւելքի և Եւրոպայի մէջ՝ Ռուսիոյ
առաջխաղացութիւններն ու տիրապետութիւնները տեղի կ'ու-
նենան սահմաններու ընդլայնումով :

Օսմանեան տիրապետութիւնը սակայն բոլորովին հակա-
պատկերն է ասոնց : Ահա թէ ի՛նչպէս ,—

ա. Թուրք-Օսմանեան տիրապետութիւնը կտրուած է
Մայր Հայրենիքէն—Միջին—Ասիայէն :

բ. Թուրք-Օսմանեան տիրապետութիւնները Մայր Հայ-
րենիքի գաղթավայրերը չեն :

գ. Թուրք-Օսմանեան օտարերկրիայ կայսրութիւնը չունի
Մայր Հայրենիքի յինարան պետութիւնը :

դ. Թուրք-Օսմանեան տիրապետողները սեփական մշա-
կոյթ չեն ունեցեր և գերազանցապէս ցած աստիճանի վրայ
են գտնուած՝ քան տիրապետուած երկիրներու ժողովուրդները :

ե. Թուրք-Օսմանեան տիրապետութիւնն ու բանակը
չեն ունեցած ազգային դիմադիժ , ընդհակառակը կրած են
սպառգային—կրօնական բնոյթ :

Տիեզերքի մէջ ոչինչ կայ որ շարունակական շարժման ու
բարեշրջման ենթակայ չըլլայ : Այդպէս և պետութիւններու ու
ժողովուրդներու կեանքի մէջ՝ պատանկութեան , երիտասար-
դութեան , հասունութեան , մինչև իսկ ծերութեան շրջաններ գո-
յութիւն ունենալով հանդերձ՝ վերապրելու համար անխուսափելի-
օրէն կարօտ են վերածնուելու , վերանորոգուելու . կարճ խօսքով՝
բարեշրջման ենթարկուելու : Այսպէս՝ Օսմանեան Պետութիւնը ևս
իր զինուորական կեանքի երիտասարդութիւնը անցնելէն և
հասունութեան տարիքը մտնելէն յետոյ՝ չուտով ծերացած
յայտնուեցաւ : Եւ որպէս զի այդ ծերութիւնը իր գոյութեան
մասամբ վերջ չի դնէ , վերապրուելու համար պէտք ունէր
վերանորոգուելու , վերածնուելու և բարեշրջման ենթար-
կուելու :

Այդ վերածնունդն է որ տեղի չունեցաւ և գրեթէ ան-
շարժ մնաց :

Ինչպէս տեսանք , Սուլթանները իրենք է որ զգացին
վերանորոգումի անհրաժեշտութիւնը , որ սակայն վիժեցաւ :

Այս քայքայումէն բնականաբար պիտի օգտուէին զար-
գացող , բարգաւաճող պետութիւնները :

Իրտե՛նք արդէն որ Օսմանեան Պետութեան անկումէն
օգտուիլ ցանկացող ու ամենէն աւելի հետապնդող պետու-
թիւնն է Ռուսիան , որուն նուաճած ամէնաբնորոշակ երկիր-

ները Օսմանեան Կայսրութենէն՝ դրեթէ մահմետական բնակչու-
թեամբ լեցուած են: Այս քաղաքականութիւնը հետեւողա-
կանօրէն առաջ վարելու համար՝ Ռուսիա քրիստոնեաներու
պաշտպանութեան անունն առաւ իր վրայ:

Չնայելով ասկայն որ քրիստոնեայ ըսելով Ռուսիան աչքի
առաջ ունէր *orthodox*, այսինքն յունադաւան *orthodox* եայ
ազգերը և մանաւանդ՝ պալքաններու պաւլոնական ցեղերը.
չնայելով որ Ասիայի մէջ իբր քրիստոնեայ ժողովուրդ գլխա-
ւորաբար Հայերը կային ու փոքրաթիւ Յոյներ, չնայելով որ
Եւրոպական Թուրքիոյ քրիստոնեայ ժողովուրդներու յու-
զումներն ու ըմբոստացումները աւելի 19րդ դարուն կը պատ-
կանէին, մինչ Ասիոյ քրիստոնեաներու կողմէն ո՛ր և է ապստամ-
բական շարժում տեղի չէր ունեցած, կրկին Կայսրութեան
սպառնացող վտանգին պատճառ նկատուեցան առհասարակ
քրիստոնեաները և իւրաքանչիւր պատերազմի ու ձախողու-
թիւններու առիթով՝ ամբողջային տրամադրութիւնն ու մոլե-
ռանդութիւնը առաջ բերին անխտիր քրիստոնեաներու կո-
տորած և կամ բռնի մահմետականացում: Այս կոտորածներն
ու բռնի մահմետականացումները ծնունդ տուին Եւրոպական
ու Ասիական Թուրքիոյ մէջ ապագային մահմետական զան-
գուածներ՝ որոնք իբրև թէ պիտի դառնային Կայսրութեան յենա-
րանը, մինչդեռ ընդհակառակը ծառայեցին Կայսրութեան անկման
և պատրուակներ ստեղծեցին Ռուսական միջամտութեան, որով-
հետև հետամտեցան նուազեցնել քրիստոնեայ ազգաբնակչու-
թիւնները և անոնց անտեսական-կուրտուրական ուժը, որ
Կայսրութիւնը սնուցանող ուժն էր միանգամայն:

Այս պատճառներով ալ, եթէ մինչև 19րդ դարու սկիզբ-
ները, մինչև Ելնիչէրիներու ջնջումը, Բարենորոգումներ իրա-
դրծելու ձեռնարկները կզան լոկ Պետութեան սպառնացող
ներքին վտանգը դիմագրաւելու և պետութիւնը ներքնապէս
փրկելու անհրաժեշտութենէն թելադրուած ներքին ինքնակամ
պահանջ, այնուհետև ստացեր է արտաքին միջամտութեան
հանգամանք՝ դառնալով ո՛չ-մահմետական հպատակներու իրա-

ւատիրութեան հարց և պետութիւններու միջազգային պահանջ:

Եւ իրօք, Ռուսաստանի հետ պարբերական պատերազմ-
ներով՝ Օսմանեան Կայսրութեան պարբերական անդամահա-
տումներն ու Ռուսիոյ առաջխաղացումները, Ռուսական Կայս-
րութեան հիմնադիր Մեծն Պետրոսի աշխարհակալական ծրա-
գիրն ու կտակը, Օսմանեան Կայսրութեան աշխարհագրական
դիրքն ու Օսմանեան Պետութեան ստացած «Հիւանդ Մարդ» ու-
յատկորոշումը՝ պետութիւններու համար առաջ բերած էին
նաև այս Պետութեան գոյութեան հարցը, որ ընդհանուր առ-
մամբ յորջորջուեցաւ Արեւելեան Հարց:

Այսպէսով թէ՛ Օսմանեան Պետութեան գոյութեան, թէ՛
հպատակներու և թէ՛ բարենորոգումներու իրարմէ բղիտող և
իրարմէ անբաժան հարցերը ստացան միջազգային բնաւո-
րութիւն:

Վոսփորն ու Տարտանէլը Ասիայէն դէպի Եւրոպա այն-
պիսի անցքեր ու մուտքեր էին՝ որոնց տէր եղող ու է օւժեղ
պետութիւն կրնար հռովմէական նոր աշխարհակալ մը դառ-
նալ: Ռուսաստանը կ'առաջանար դէպի Վոսփոր, ուր հասնելու
և անարգել դէպի Տարտանէլ անցնելու հաւանականութիւնը
կը սպառնար եւրոպական պետութիւններու գոյութեանն իսկ:
Ուստի՝ կամ Օսմ. Պետութիւնը վերակազմելով Ռուսիոյ առաջ-
խաղացումը արգիլելու և կամ «Հիւանդ Մարդ» ու ժառանգը
միայնակ Ռուսիոյ բաժին չի ձգելու անհրաժեշտութիւնն ու
երկնտրանքն էր մէջտեղ ցցուած:

Ու Պետութիւնները աւելի շուտ Ռուսիոյ առաջխաղա-
ցումը արգիլելու գաղափարին շուրջ կարող էին համաձայնիլ՝
քան ժառանգութեան բաժանումի գաղափարին:

Ըսենք ու չեչտենք անգամ մըն ալ թէ՛ բնութեան մէջ
ոչինչ կայ որ շարունակական շարժման ու բարեշրջման են-
թակայ չըլլայ: Մահը անշարժութիւնն իսկ է: Բարեշրջման օրէն-
քէն չօգտուողները կը զրկուին գոյութեան իրաւունքէ: Քա-
ղաքակրթութիւնը այնպիսի ուժ մըն է, որ ինչքան ալ արհա-
մարհուի ու հալածուի, ի՛նչքան ալ խաչուի ու նահապտուկուի,

արեան ծովերու, բոցերու և աւերակներու մէջէն անգամ իր անմահ գլուխը կը բարձրացնէ. անիկա նահատակուածներու կրօնաքններէն, խանձուածներու մոխրակոյտներէն նոր մարմիններ կը կազմուարէ, նոր կեանքեր կը ստեղծէ, և իրեն հետ գահերէն ու թագերէն վեր բարձրացնելով ինքն ալ իր կարգին կը տապալէ ու կը փչրէ անընկճելի համարուած գոյավիճակներ ու իշխանութիւններ՝ ասոնց բոլորին ալ վրայ դրոշմելով իր յաւիտենական տիրապետութեան կնիքը:

Յարատեւ շարժման և վերանորոգման այս պահանջներն ու պայքարները ուրեմն՝ ամբողջ տիեզերքի մէջ գոյութիւն ունենալով, առաւելապէս իրենց դերը կը կատարէին Եւրոպայի ցամաքին վրայ, ուր Ֆրանսական 1789ի Մեծ Յեղափոխութիւնը՝ ո՛չ միայն Ֆրանսան էր յեղաշրջած, ո՛չ միայն թագաւորական գահն էր տապալած, ոչ միայն մարդկային իրաւունքներու նոր աւետարանն ու Ֆրանսական Ազգի միութիւնն ու վեհապետութիւնն էր յայտարարած, այլ և Եւրոպայի բոլոր միապետներու գահերն էր սասանեցուցած. յեղափոխութեան փոթորիկներու մէջէն ծնած Նոր Կեսարի—Նարոլէճի—առաջնորդութեամբ արշաւող ֆրանսական բանակը Եւրոպայի քարտէսը վեր ի վայր չըջելով՝ պետական, ընկերային, ազգային իրաւունքներու նոր ըմբռնումներ, նոր նշանաբաններ էր ստեղծեր:

Եթէ քիչ վերը յիշուած միջազգային պայմաններն ու պատճառները չըլլային իսկ, հինգ ամբողջ դարեր բոլորող, ծերացած, կազմալուծման մօտեցած և կեանքի ու մահուան մէջ տարուբերող Օսմանեան Պետութիւնը իր գոյութիւնը պահելու համար վերակազմուելու, վերածնուելու, բարեշրջուելու անխուսափելի անհրաժեշտութեան առջեւ կը գտնուէր:

Եւ արդէն Թուրքիոյ աշխարհագրական դիրքին և Եւրոպայի ու Եւրոպացիներու հետ մշտական չլիման պատճառով՝ Ֆրանսական Յեղափոխութեան փոթորիկներու ալիքները բնականաբար հասեր էին մինչեւ Արեւելք, որոնց ազդեցու-

թիւնը միանալով Օսմանեան Կայսրութեան քաղաքական պայմաններուն՝ այս երկրին մէջ ալ ստեղծեր էին բացառիկ դէմքեր:

Այս բացառիկ դէմքերը որոշ չափով ըմբռնած էին կաթոլիկ Պետութիւնը և զգացած՝ դարմանումի անհրաժեշտութիւնը: Ու եթէ դահի բարձրութենէն Սուլթան Մահմուտ Բրդ. և Ապախը Մէճիտ էին վերանորոգչի կարիւռուն դէմքերը, այդ վեհապետներու առաւելութիւնը նաև անոր մէջն էր որ՝ գիտէին իրենց շուրջը հաւաքել իրենց ձգտումներուն և նպատակներուն համապատասխան խորհրդակիցներ. ու գործակիցներ: Խոսրէյ, Բաշիտ, Ալի, Ֆուատ փաշաներու նման հազուադէպ դէմքերը եղած են ամենաազդեցիկ դերակատարները՝ որոնք առաջնորդեցին Կայսրութիւնը վերակազմութեան ու վերանորոգման նոր շրջանի մը մէջ:

Անոնց վերանորոգչական ձգտումները այնքան լուրջ ու հիմնական էին որ՝ երբ Ռուսիան Խրիմի պատերազմը մղելու սկսաւ, իրեն դէմ գտաւ ո՛չ միայն Օսմանեան՝ այլ և Եւրոպական Հինգ Պետութիւններու միացեալ բանակը: Օսմանեան Պետութեան այն ժամանակի վերանորոգչական վարիչ անձնաւորութիւնները կարողացան վստահացնել գլխաւորաբար Անգլիական ու Ֆրանսական պետութիւնները թէ՛ Բարենորոգումներու ձանապարհով պիտի ազատեն Պետութիւնը թէ՛ ներքին յուզումներէ և դժգոհութիւններէ և թէ՛ արտաքին միջամտութեանց շարժառիթ պատճառներէ:

Այս վստահութիւնը կանգնեցուց Եւրոպան Ռուսիոյ դէմ որ պարտուելով՝ ստիպուեցաւ ստորադրել 1855ի Բարիզեան հուշակառու դաւանագրութիւնը, որուն չնորհիւ Օսմանեան Պետութիւնը ևս կը դատուէր Եւրոպական Մեծ Պետութեանց շարքին ու թուակարգին մէջ:

Նոյն այդ դաշնագրութեամբ Օսմանեան Պետութիւնը յանձն կ'առնէր նաեւ ո՛չ-մահմուտական հպատակներուն հաւասար իրաւունքի տիրացումը մահմուտականներու հետ և բարեկարգութեանց գործադրութիւնը: Այս դաշնագրային յանձնառութիւնը նուիրագործուեցաւ Կիլիսիանի անունով և

հոչակաւոր Թանգիւմարի Ֆերմանով, որուն յաջորդեց յետոյ Իսլահարի Ֆերմանը :

Տարաբաղդաբար հիասթափումները շուտով վրայ հասան և բարեկարգութեանց իրական ջանքերը մեռան իրենց հեղինակներուն մահուան հետ :

Բարենորոգումները յայտարարուած օրէն իսկ մատնուած ու դատապարտուած էին անդիմադրելի արգելքներու և վիժման : Բարենորոգումները իրագործելու կոչուող նախարարական, պետական բորձրագոյն շրջանակներուն մէջ անգամ հակառակորդներ կային : Եթէ պետական վարիչներու հազուադէպ ողջներուն համար բարենորոգումներու գործադրութիւնը նպատակ էր՝ մեծամասնութեան համար միմիայն դիւանագիտական խաղերու միջոց էր :

Անկասկած որ շատ բարենորոգումներ իրագործուեցան, — պետական կազմը՝ իր վարչական, դատաստանական, ոստիկանական, ղինտորական ևն. բաղմաթիւ ճիւղերով ու եւրոպական սիսդէմով կազմակերպուեցաւ, եւրոպականացաւ, ստեղծուեցաւ կազմակերպուած պատկառելի բանակ ու նաւատորմ. եղան միլիոններու փոխառութիւններ և պետական պարտքը հասաւ հարիւրաւոր միլիոններու : Բայց այդ ամէնքը արտաքին, ձեւական էին և բովանդակութեան մէջ ո՛չ մէկ կենսականութիւն չկրեցին : Այդ ամէնը ծառայեցին միայն միտումի, սպառումի, պաշտօններ ու պաշտօնատուներ ստեղծելու՝ առանց պաշտօններու կոչումն ունեցող անհատներ ունենալու :

Ու այս բոլորին իրր հետեւանք՝ վերստին ներքին խռովութիւններ : Ուլահ-Պուղտանական, Սերպիական, Սեւ-Լեւոնեան, Հէրսէք-Պոսնիական, Պուլկարական ասպտամբութիւնները ծայր սուլին և Ռուսական ու Եւրոպական միջամտութիւնները վերստին կրկնուեցան :

Աղէտը անդարմանելի էր : Ու բարենորոգումներու նոր առաքեալ մը յայտնուեցաւ յանձին Միթհատ փաշայի, որ ենթադրելով թէ բարենորոգումներ չիրագործուելու և երկիրը

դէպի կործանում առաջնորդելու պատճառն ու հեղինակը Ապտիւլ-Աղիզ Կայսրն է, յաջորդեցաւ պետական հարուածով գահակէց ընկ և ազատամիտ համարուած գահաժառանգ Մուրատը գահ բարձրացնել, որուն շուտով յաջորդելով Ապտիւլ-Համիտը՝ հրատարակուեցաւ Միթհատեան անունով հոչակ ստացած Օսմանեան Սահմանադրութիւնը :

Ապտիւլ-Համիտի կողմէ Միթհատեան Սահմանադրութիւնը հրատարակուելով՝ կարելի է ըսել որ Օսմանեան Պետութեան բարեկարգութեանց երկրորդ օրջանը փակուեցաւ ու նոր երրորդ օրջան մը սկսաւ :

×

Նպատակ և յաւակնութիւն չունիմ Օսմանեան Պետութեան պատմութիւնը գրելու : Եթէ Բարենորոգմանց Խնդրին հետ կապուած պատմական իրադարձութեանց վրայ ընդհանուր գծերով ծանրանայու պէտք կը զգամ՝ անոր համար որ այդ բոլորը անհրաժեշտ կը նկատեմ Հայկական Բարենորոգումներու կամ Հայկական Հարցին կարենալ մօտենալու և հիմնական եզրակացութիւններ ընելու համար :

Շարունակելով ուրեմն մեր պատմական գծերու վերլուծումը՝ նկատենք որ Բարեկարգութիւններու Երրորդ Շրջանը աւելի տխուր սկզբնաւորութիւն և չարաբատտիկ վերջաւորութիւն ունեցաւ : Մինչև 1875ը՝ Կայսրութեան Բարենորոգմանց մահու և կենաց գործը այնպիսի յետադարձ ուղղութիւն չէր ստացեր՝ որպիսին տեղի ունեցաւ Միթհատեան Բարեկարգութեան և Սահմանադրութեան Շրջանի սկզբնաւորութենէն յետոյ : Ու այդ յետադարձութեան առաջին գոհն եղաւ ինքը Միդհատ փաշան՝ իր փոքրաթիւ գործակիցներով :

Սահմանադրութիւնը ո՛չ բարենորոգումներ մտցուց, և ո՛չ ալ Կայսրութիւնը նոր անդամահատութիւններէ և երկիրը նոր աղէտներէ ու սրածութիւններէ փրկեց : Ընդհակառակը, բռնապետութեան լուծը աւելի անգթօրէն, աւելի կազմակեր-

պուած, աւելի սանձարձակ կերպով տարածուեցաւ դէպի վերջնական քայքայում դիմող Կայսրութեան վրայ:

Ու շատ բնական էր այդ:

Շատ բնական էր, նախ որովհետեւ Սահմանադրութիւնը կամ ըէժիմի ձեւական փոփոխութիւնը ինքն ըստ ինքեան ո՛չ մէկ բարիք չի կրնար արտադրել և գուցէ նոր չարիքներու պատճառ դառնայ՝ եթէ ծնունդ չէ ան կեանքի բնական բարեշրման: Սահմանադրութիւնը միապետական իշխանութեան դէմ ժողովուրդի, նոյն իսկ տիրապետող ազգի, ըմբոստացումներով նուաճուած ժողովրդապետութիւնն է: Եւ որդէսգի այս նուաճումը տեղի ունենայ, բնական է որ նախ իր ըմբոստացումներովը նուաճող ազգը գոյութիւն ունենայ, այդ ազգը վեհապետելու աստիճան գիտակցութեան հասնի ու իր այդ գիտակցութեամբը միապետութեան դէմ մղած պայքարին մէջ վերջապէս յաղթանակէ:

Արդ, ինչպէս արդէն առիթը ունեցանք վերլուծելու և յոյց տալու, տիրապետող ազգը գոյութիւն չունէր, այլ կար ապագագային մահմետական տարր՝ որ ոչ գիտակցութիւն, ոչ մշակոյթ և ոչ իսկ այլ միապետութեան դէմ պայքարի և ըմբոստացման ըմբռնումն ունէր. ընդհակառակը այդ տարրը վեհապետական իրաւունքներու և Սահմանադրականութեան գաղափարն ու տարրական ըմբռնումն իսկ չունէր:

Երկրորդ և վատթարագոյնը այն է որ Կայսրութիւնը բազկացած ըլլալով մէկ կողմէ ապագագային մահմետական տիրապետող տարրերէ և միւս կողմէ՝ մահմետական ու ո՛չ-մահմետական հպատակ ազգերէ, ատոնց մէջ քրիստոնէայ ազգերն էին միայն որ իրենց իրաւագուրդ ըլլալու գիտակցութեանն հասնելով՝ իրաւասիրութեան, հաւասարութեան, արդարութեան պայքարն ու կռիւր կը մղէին: Այդ պայքարն ու կռիւր, մինչև Միթհատ փաշայական մտայնութեան հրապարակ գալը, նախկին բարենորոգչականներու օրով, Թանդիմաթի ու Իսլահատ ֆէրմաններու արդերով թէև որոշ չափով բաւականութիւն կը ստանային, բայց ըստ էութեան կը հա-

կադրուէին թէ՛ միապետական և թէ՛ մահմետական-կրօնական ըմբռնումներուն: Բացատրենք:—

Միապետութեան աչքին՝ ժողովուրդը, նոյնիսկ տիրապետող ազգը իրաւատէր չի՛ կրնար ըլլալ: Միապետին իշխանութիւնը և ժողովուրդին վրայ տիրապետելու իրաւունքը աստուածատուր է, և հետեւաբար այդ իշխանութեան սահմանափակումի ամէն մէկ դադափար սճիր է: Իսկ յաչս իսլամին՝ ո՛չ-իսլամը չի՛ կրնար իրաւատէր ըլլալ: Ո՛չ իսլամը իր կեանքովն ու գոյքովը հաւատարիմ հպատակ, բայց ըլլալու պայմանով միայն իսլամի հովանաւորեալը, իսլամի հովանաւորութեան նեթարկուած աւանդը կրնայ ըլլալ: Հետեւաբար այս տեսակէտէն ևս՝ Կայսրութեան քրիստոնէայ հպատակներու իրաւատէր ըլլալու, — իրաւատէր ժամանակակից իրաւական ըմբռնումներու համեմատ —, և քաղաքացիական հաւասար իրաւունքներ վայելելու ձգտումն ու պահանջը սճիր է և ապստամբութիւն: Այս կրկնակ պատճառներով, ո՛չ միայն Միապետութիւնն էր հակառակորդ անհատ հպատակներու մարդկային բնական ու քաղաքացիական իրաւունքներու գաղափարին իսկ, որ «զսպողական» միջոցներու կը դիմէր այդ գաղափարը յղացողներու դէմ, այլ և մահմետականութեան մտայնութիւնն ու նախապաշարումները դէմ կը կանգնէին քրիստոնէայիներու մէջ զարթող այդ գաղափարին ու ձգտումներուն, ուստի և ամէն անգամ առիթը ներկայացած ատեն՝ մասնակի ու ընդհանուր կոտորածներով, թալաններով կաւերուէին քրիստոնէայ ազգաբնակչութիւն ունեցող շրջաններ:

Այս իրողութիւնը կ'ապացուցանէ որ Կայսրութեան մահմետական ժողովուրդները ո՛չ միայն ժողովրդապետութեան կամ Սահմանադրութեան գաղափարն ու պահանջը չէին զգար՝ այլ և ըլլալով հակառակորդ այդ գաղափարին, պաշտպան էին բացարձակ Միապետութեան: Միւս կողմէ մահմետական ժողովուրդները դեռ ամբողջովին հպատակուած չըլլալով Կայսրութեան ընդհանուր օրէնքներուն և քաղաքացիական պարտականութիւններուն, իրենց կիսասանկախ, կիսաթափառական ու-

աւատական կենցաղին մէջ միաժամանակ մահ ու աւեր սփռող գործիքներ էին քրիստոնեայ տարրերուն դէմ:

Միթհատ փաշա իրապէս անկեղծ հայրենասէր ու վերանորոգիչ մը թէև, սակայն վերանորոգութեան նպատակին հասնելու համար իր ընտրած միջոցներն ու սկզբունքները անհաշտ էին թէ՛ ժամանակակից քաղաքակրթական-իրաւական ըմբռնումներուն և թէ՛ Կայսրութեան ընկերային, քաղաքական, ազգագրական ու կուլտուրական պայմաններուն և մտայնութեանցը:

Միթհատ փաշայի ըմբռնումով՝ չարիքը երկու պատճառներու արիւնք էր.— միսպէտոսթիւնն ու ազգութիւններ՝ առանց տիրապետող ազգի: Հետեւաբար, Կայսրութիւնը փրկելու համար, ըստ Միթհատ փաշայի, պէտք էր վերցնել այդ երկու չարիքները, որով և իրագործել Կայսրութեան վերածընունդն ու բարենորոգումները:

Միթհատ փաշա ենթադրեց որ բաւական է միապետութեան դէմ Սահմանադրութիւնը յայտարարել, իսկ ազգերու դէմ՝ Օսմանցիութիւնը: Ազգերը ըստ Միթհատ փաշայի, պիտի ձուլուէին Օսմանցիութեան մէջ և այդպէսով պիտի ստեղծուէր Օսմանցի սզգը, որ կասկած չկայ, պիտի տար նոր թրքութիւնը: Արդէն ապագային մահմետական խաւերէն առաջ եկած էր որոշ չափով մտաւորական սերունդ մը՝ որ պետական լեզուին ու կրօնքին մէջ զարգանալով՝ տակաւ կը կազմէր թէ՛ տիրող բիւրոկրասին և թէ՛ նորաստեղծ թրքութիւնը:

Խնդիրը հոն է որ այդ բիւրոկրասին, մտաւորականութեան ստուար մեծամասնութիւնն այլ անընդունակ էր Սահմանադրական սկզբունքները մարսելու և իրաւունքի ու արդարութեան սկզբունքներով կառավարելու: Իսկ ազգերը կարելի չէր ձուլել ընաւ Օսմանցիութեան աւազանին մէջ, որովհետեւ ո՛չ միայն ձուլիչ ազդակները կը պակսէին այլ եւս, այլ ընդհակառակը, ազգութեանց զաղափարը քաղաքակրթական նոր հոսանքներով զարգացած ու ամրապնդուած էր ժամանակի ընթացքին:

Ապտիւլ Համիտ ժամանակաւորապէս տեղի տուած էր Միթհատեան գաղափարներուն՝ իբր քաղաքական աքտ Եւրոպան հրապուրելու և Բարենորոգութեանց Խնդիրը վիժեցնելու համար: Ու ճիշդ է որ Բարեկարգութեան գործը վիժեցաւ, բայց ո՛չ այն պատճառով որ Սահմանադրութեան յայտարարութեանն Եւրոպան խարուեցաւ: Ռուսաստան վերըստին դիմեց սուրին ու պատերազմ յայտարարեց: Վրայ հասաւ Չախլախիչ պարտութիւնը: Պուլկարիոյ և Յունաստանի ջարդերը չփրկեցին Կայսրութիւնը: Այս անգամ ալ Սերպիան, Սև Լեւը և Ուլահ-Պուղտանը Ռուսմանական միացեալ Պետութիւնը կազմած՝ վերջնականապէս բաժնուեցան Կայսրութիւնէն և անկախ թագաւորութիւններ եղան. ստեղծուեցաւ նաև Պուլկարական Իշխանապետութիւնը և Արեւելեան Ռումէլի անունով առանձնահնորհեալ նահանգը. ի լրումն այս ամէնուն՝ Հէրսէք-Պոսնան գրաւուեցաւ Աւստրիոյ կողմէ, Թունուդը թեւարկուեցաւ Ֆրանսայէն ու շատ չանցած Անգլիան մուտք գործեց Եգիպտոս:

Խաղաղութեան դաշինք կազմուեցաւ և ստորագրուեցաւ Պոսոյ արուարձանին՝ Սան Սթէֆանօի մէջ: Այս դաշնագրութիւնը յետոյ փոխարինուեցաւ Պերլինի դաշնագրութիւնով, որուն մէջ մտաւ Մակեդոնիոյ և Հայաստանի բարեկարգութեանց հարցը:

Ապտիւլ-Համիտ ո՛չ միայն իբրև քաղաքական-դիւանագիտական ժամանակաւոր աքտ՝ անպէտք դարձած Սահմանադրութիւնը պատուեց, այլ և միապետական իշխանութիւնը սահմանափակելու յաւակնութիւնն ունեցող ուժը, Միթհատ փաշան ու անոր բուռ մը հետեւորդները, ջնջեց:

Ու այսպէս փակուեցաւ Բարեկարգութեանց երկրորդ օրջանն ալ:



II

ՀԱՅԿԱԿԱՆ ՀԱՐՑԸ

ԵՒ

ԲԱՐԵՆՈՐՈԳՈՒՄՆԵՐՈՒ ԵՐՐՈՐԴ ՇՐՋԱՆԸ

Պերլինի դաշնագրութեամբ վաւերացուած եղաւ Պալ-քաննեբու մէջ և Ափրիկեան հիւսիսային եզերքներուն վրայ կատարուած գրաւումներն ու սահմանի փոփոխումները . և եթէ հաշուի առնուին նաև Անատոլի կողմէն—Սեւ ծովու ափերէն և Մեծ Հայքէն—Ռուսիոյ գրաւած ու միացուած երկրամասերը՝ ակներեւ է որ Օսմանեան Կայսրութեան սահմաններէն ահագին տարածութիւններ պակսած և անդամահատուած են , որոնք ինքնին նոր Կայսրութիւն մը կազմելու չափ ընդարձակութիւն ունէին : Այդ անդամահատութիւններէն զատ՝ նոյն վայրերէն ահագին թիւով մահմետական ազգաբնակիւթիւն գաղթեց դէպի Կայսրութեան նոր սահմանները :

Մահմետական ազգաբնակիւթեան այս կերպ գաղթումը նոր չէ և առանձնապէս բնորոշ : Օսմանեան Կայսրութեան անդամահատութեան թուականներէն սկսեալ այս գաղթականութեան հոսանքը գոյութիւն ունեցած է : Ճիշտ հակապատկերն է այս՝ ուրիշ երկիրներու և ժողովուրդներու մէջ պատահածին : Գաղթային քաղաքականութեան ու աշխարհակալութեան հետեւող Պետութիւններն ու ազգերը իրենց բնիկ երկրի ազգաբնակիւթեան յաւելեալ մասն է որ կը ձաւթեն դէպի գաղթավայրերը . Թուրքիոյ մէջ կը լքեն այն երկիրը՝ որուն հետ իբրև թէ նիւթական , հոգեկան ո՛չ մէկ կապ ու առնչութիւն գոյութիւն ունեցած չլլայր : Դիտելի է որ այս գաղթականութիւնները տեղի կ'ունենան առ հասարակ մահմետական—ապագ-

գային միջավայրերէն , գիրէ ու գրականութենէ զուրկ , և տակաւին տոմային կազմ ունեցող կիսավայրենի ցեղերու կողմէ : Իսկ մահմետական այն ժողովուրդները՝ որոնք իրենց ազգային ինքնուրոյնութիւնը պահած են և կ'ապրին իրենց հայրենիքի բնավայրին մեջ , հոն ալ կը մնան ամուր : Գաղթերը տեղի կ'ունենան երկու ձևով . կամ պատերազմական նահանջի ժամանակ՝ նահանջող բանակն է որ իրեն հետ կը գաղթեցնէ , կամ պատերազմը վերջանալէն յետոյ կառավարութեան կողմէ ցոյց տրուած դիւրութիւններէն հրապուրուելով կը գաղթեն :

Ու գաղթականները յաճախ կը հաստատուին այսպիսի միջավայրերու մէջ՝ ուր բնիկ ազգաբնակիւթիւնը աղքատութեան ու թշուառութեան մէջ , կեանքի ու գոյքի անապահովութեամբ , վարչական ու աւատական հարստահարութիւններով կը տանջուի :

Գաղթականութեան տեղաւորումը այսպիսի շրջաններու մէջ՝ նպատակ ունի քրիստոնեայ ազգաբնակիւթիւնը շրջապատել մահմետականներով , կազմելու համար մահմետական մեծամասնութիւն , որպէս զի ո՛չ—մահմետականները ո՛ր և է հակապետական շարժման ու ձգտումներու համար անկարող դառնան : Իսկ գաղթողներու հոգեբանութիւնը ուրիշ բանով չի բացատրուիր , բայց եթէ այն բանով որ՝ հայրենիքի ու ազգային գաղափարներէ զրկուած ըլլալով , անոնք կապուած են միայն Պետութեան ու Կրօնքին հետ , ուստի և կ'երթան , կը նահանջեն հոն՝ ուր Պետութիւնը կ'երթայ և ուր իր պաշտած Կրօնքը կ'իշխէ :

Կարելի է ըսել որ Ապտիւլ—Համիտ ապագային մահմետական տարրերու հետ նաև իրենց ազգային զրոյշմը պահպանող մահմետական ժողովուրդներու կրօնական մոլեռանդութիւններն ու հակասահմանադրական հակումները , ինչպէս և առհասարակ մարդկային հոգեկան տկարութիւնները , ազգային հակամարտ շահերը ըմբռնող ու շարաշահող տաղանդ մըն է եղած :

Շնորհիւ իր այդ ըմբռնումին և գիտնալով բացակայու-
թիւնը տիրող ազգի ու կուլտուրայի, զուրկ ըլլալով մարդկա-
յին բարձր զգացումներէ և քաղաքակրթական լայն հայ-
եացքներէ, անկարող միաժամանակ ծրագրելու և կերտելու
իրաւական պետութեան հիմքերն ու կառուցուածքը՝ համա-
ձայն պատմութեան ցուցմունքներուն, Ապտիւլ-Համիտ առա-
ջին օրէն և եթ հետապնդեց երեք նպատակ.—

- 1) Ամրապնդել իսլաիֆա-Միսպետութիւնը՝ իր բացարձակ սանձարձակութեան աստիճանին հասցնելով զայն:
- 2) Ապահովել իր անձնական սանձարձակ միապետու-
թիւնն ու անձը:
- 3) Կայսրութեան սահմաններուն մէջ տեղի չտալ իսլամ աղ-
գերու ազգային վերադարձումին՝ վերագրգռելով միայն անոնց
մէջ կրօնական մոլեռանդութիւնը, առանց ազգային գաղափարի,
և Կայսրութեան սահմաններէն դուրս հետապնդելով համիտ-
լամական միութիւն՝ աւելի՛ բարձրացնելու համար իսլաիֆա-
յական ազգեցութիւնը:

Հետապնդելով այս երեք նպատակները, Ապտիւլ Համիտ
կանգ չառաւ ո՛չ մէկ միջոցի առջեւ: 1876էն սկսեալ մինչև
1908, երեսուներեք տարիներու ընթացքին, Ապտիւլ Համիտ
զբաղեցաւ բարեկարգութիւններով, ջնջելով սակայն բարեկար-
գութեան բոլոր սաղմերը:

Ապտիւլ Համիտ ո՛չ միայն ջնջեց Սահմանադրութիւնն ու
սահմանադրականները՝ այլև իրապէս իշխանութիւնը կեդրո-
նացուց իր անձին վրայ և կայսերական պալատին մէջ, վե-
րածելով Բ. Գուռն ու Նախարարութիւնը կառավարական
խրոտիլակի, իրեն կամակատար անբան մեքենայի: Ապահո-
վելու համար իր անձն ու սանձարձակ միապետութիւնը՝ անիկա
ո՛չ միայն հալածեց ու ջնջեց քննադատութիւնը, այլ և
խորհող միտքը: Ստեղծեց պալատական քամարիլլան ու նա-
խարարութեանն սկսեալ մինչև կայսրութեան յետին պաշ-
տօնեայի ընտրութիւնն ու գոյութիւնը ենթարկեց պալատին
ու քամարիլլային:

Ապտիւլ-Համիտ ո՛չ միայն ստեղծեց լրտեսական ահազին
բանակ՝ այլ և քամարիլլայէն և նախարարութեանն սկսեալ մին-
չև պետական բոլոր հիմնարկութիւններն ու պաշտօնեաները
վերածեց լրտեսական ցանցի մը, մէկզմէկ լրտեսող դաւադիր-
ներու և մրցակիցներու: Ապտիւլ-Համիտ անզօրութեան
դատապարտեց ուժեղ անհատականութիւնները, հին աւատա-
կանները և ստեղծեց նոր աւատականներ՝ քաջալերելով գա-
կանները և ստեղծեց նոր աւատականներ՝ քաջալերելով գա-
նոնք ոճիրներու և աւարներու մէջ: Ու հալածելով հանդերձ
ազգային գաղափարը՝ անիկա գրգռեց սակայն ազգային հա-
կամարտութիւնները և կրօնական մոլեռանդութիւնները: Մնօ-
րինակ կերպով քաջալերեց իսլամական տարրերու ներգաղթը.
«Մուհաճիբէյն քոմիսիօնը» դարձաւ Կայսրութեան էն կարևոր
հիմնարկութիւնը:

Համիտեան ուժերի ու կեանքի փաստերն ու մանրա-
մասնութիւնները տալով չէ որ պիտի զբաղուինք: Ապրող
սերունդը այդ շրջանի ծնունդն է, և հետեւաբար կարօտ չէ
փաստերու և վկայութիւններու: Բնորոշող գծերը յիշելով և
վերլուծելով՝ նպատակ ունինք հետեւողականօրէն հասնիլ
Հայկական Հարցին:



Հայկական Հարցը նորութիւն չէր: Կայսրութեան մէջ
ապրող Հայ Ազգ մը կար և հետեւաբար պիտի ըլլար և՛ անոր
գոյութեան հարցը:

Հայաստան՝ գտնուելով աշխարհագրականօրէն հեռու Եւ-
րոպայէն և հետեւաբար արտաքին աշխարհին հետ անմիջական
յարաբերութեան դիւրութիւններէ և միջազգային ազդեցու-
թիւններէ զրկուած, նոյն համեմատութեամբ ալ պիտի մնար
անուշադիր և նուազագոյն ենթական քաղաքական բարե-
չրջումին:

Գրեթէ մեկուսացած արտաքին աշխարհէն, չունենալով
նաև ցեղային ու կրօնական առնչութիւն անոր հետ՝ Հայաս-

տանն ու Հայերը միջազգային պաշտօնական ուշադրութեանց առարկան չէին եղած

Այս այսպէս ըլլալով հանդերձ, Կայսրութեան անկման շրջանի սկիզբէն իսկ՝ անկման բնորոշ երեւոյթներուն ու պայմաններուն գերազանցօրէն ենթակայ եղած երկիրն ու ժողովուրդը Հայաստանն ու Հայերն էին:

Հայաստանն ու Հայերը ո՛չ միայն աշխարհագրականօրէն Եւրոպական քաղաքակրթութեան անմիջական ազդեցութեանն ու յարաբերութեան դիւրութիւններէն զուրկ ըլլալու բերմունքով, ո՛չ միայն իրենց ցեղային ու կրօնական ինքնուրոյնութեան կամ մեկուսացած առանձնայատկութիւններովը, այլ և շրջապատուած ըլլալով թափառաշրջիկ ու զինուած ցեղերով, ամէնէն աւելի ենթակայ էր, իբրև անիրաւատէր ժողովուրդ, վատթար վարչութեան կեղեքումներուն ու շրջապատող ու կենակից մահմետական ցեղերու և աւատակալութեան արհաւիրքներուն:

Հայութիւնը պարբերաբար կը ջլատուէր ու կը սպառուէր. բայց՝ այս ստառապանքն ու յոշոտուած վիճակը անծանօթ կը մնար ո՛չ միայն արտաքին աշխարհին՝ այլ և Մայրաքաղաքի, Կայսրութեան զանազան մասերուն մէջ գտնուող Հայերուն և Եւրոպայի հետ շփում ունեցող հայ գաղթավայրերուն:

Միայն Մեծ-Հայքէն ներս Ռուսիոյ պարբերական առաջխաղացումն է՝ որ Անգլիոյ առանձին ուշադրութիւնն էր գրաւեր:

Հայաստանը՝ իբրև դէպի Պարսկաստան ու Պարսկական Ծոցը և դէպի Հնդկաստան տանող, ու Տաւրոսի և Փոքր Հայքի միջոցով մինչև Միջերկրական ծով առաջնորդով ճանապարհը՝ բնական է որ վերջ ի վերջոյ պիտի դառնար Միջազգային շահերու և ուշադրութեան առարկայ:

Սկրտիչ վարդապետ Խրիմեանն է՝ որ առաջին անգամ Տարօնի մէջ հաստատած իր մամուլովն ու վարժարանովը Կովկասեան Հայերու և Թուրքիոյ Հայ գաղթավայրերու ուշադրութիւնը կը հրաւիրէ Մայր Հայաստանի վրայ և դարձեալ Խրիմեան Եպիսկոպոս Պատրիարքն է որ 1870ին Պոլսի

պատրիարքութիւնը վարելու սկսելէն անմիջապէս յետոյ՝ Բ. Դրան կը ներկայացնէ Հայաստանի հարստահարութեան հարցն ու հարստահարութեանց պարբերական ցանկերը:

Մինչև վերջին Ռուս-Թրքական պատերազմը մտքերը բաւական հատուցներ և պատրաստուել էին Հայաստանի վիճակը Միջազգային հարց դարձնելու համար: Ազգային Սահմանադրութիւնն ու այդ շարժումը ստեղծող սերունդը դեռ կ'ապրէր՝ երբ Սան-Սթէֆանօ, Տատեաններու տան մէջ սկսած էր հաշտութեան բանակցութիւնը Օսմ. Պատուիրակներու և Նիքոյայ Մեծ Դուքսի միջև:

Ներսէս Վարժապետեան, նոյն ժամանակի Պատրիարքը, շրջապատուած Խրիմեանով և Սահմանադրութեան հեղինակներովն ու գործիչներովը, մղուեցաւ Հայաստանի վիճակը դաշնագրութեան առարկայ դարձնել:

Ռուսական հայեացքներուն ձեռնտու էր ստեղծել Հայկական Հարցը: Ուստի հեշտութեամբ իւրացնելով Հայաստանի սպահովութեան առաջարկը, Սան-Սթէֆանօյի Դաշնագրութեան 16րդ յօդուածով պաշտօնական ծնողն եղաւ Հայկական Միջազգային Հարցին: Ռուսիան պիտի փրցնէր Մեծ Հայքէն այնքան՝ որքան կարող էր, իսկ մէկ մասին մէջ ալ իր բանակէն մաս մը պիտի մնար հսկելու և գործադրել տալու համար բարեկարգութիւնները: Սլաւոն պալքաններու Սլաւոն ազգերէն յետոյ՝ Անատոլի Հայերն ու Հայաստանն էր որ Ռուսական պաշտօնական պաշտպանութեան տակ պիտի անցնէր:

Ու ճիշդ այդ պարագան էր որ պատճառ եղաւ Անգլիական մրցումին:

Սթափեցաւ Անգլիան, որուն գլխաւոր հոգերէն մէկն ալ եղաւ ազատել Հայաստանը Ռուսիոյ թաթէն: Պատերազմի սպառնալիքով Անգլիան արդէն արգելէր էր Ռուսական յաղթական բանակի մուտքը Կ. Պոլիս, կանգնեցնել տալով զայն Սան-Սթէֆանօյի առջև: Այս անգամ Գերմանիոյ օժանդակութեամբ Անգլիա ենթարկեց նաև Սան-Սթէֆանօյի դաշ-

նագրութեան քննութիւնը՝ Պերլինի մէջ գումարուող վեհա-
ժողովին, ուր պիտի վերաքննուէր անշուշտ նոյն դաշնա-
գրութեան 16րդ յօդուածը:

Մինչև Անգլիոյ հետ գաղտնի համաձայնութիւն կայացնելը՝
Համբար, դիւանագիտական խոր նրբութեամբ, քաջայե-
րեց և դիւրութիւններ ընծայեց Ներսէս Վարժապետեանին,
որպէս զի դիմէ Եւրոպական Դաշինքներուն և Պերլինի վեհա-
ժողովին՝ Հայկական Հարցը ձեւակերպելու խնդրանքով:

Այս դիւանագիտական նրբութեան նպատակն էր՝ մէկ
կողմէ 16րդ յօդուածին վերաքննութիւնը նոյնիսկ Հայերու
միջոցով դիւրացնել, միւս կողմէ ազատուիլ Ռուսական գոր-
ծօն միջամտութենէն և փրկել Հայաստանը ժամանակաւոր և
մասնակի գրաւումէ:

Եւ հասաւ նպատակին:

Ու այսպէս՝ մէկ կողմէ՝ Հայերու դիմումներով, միւս
կողմէ՝ Կիպրոսի գաղտնի դաշնագրով համաձայնած Անգլիոյ
հետ՝ վեհաժողովին մէջ ջնջուեցաւ 16րդ յօդուածը՝ ծնունդ
տալով 61րդ յօդուածին, որով Ռուսական գործօն միջամտու-
թեան ու հսկողութեան փոխարէն՝ Հայաբնակ Գաւառներու
մէջ Օսմ. Կառավարութեան կողմէ գործ դրուելիք բարեկար-
գութիւնները Պետութիւններուն պիտի հաղորդուէր զեկուցումով:

Ապտիւլ-Համիտ յանձնելով Կիպրոսը Անգլիոյ՝ Հայաստանի
մէջ բարենորոգումներ մտցնելու պայմանով, ստացաւ Անգլիոյ
պաշտպանութեան յանձնառութիւնը Ռուսիոյ դէմ՝ Անատոլի-
անձեռնմխելութեան վերաբերմամբ:

Եւ Ռուսական բանակը քաշուեցաւ: Վտանգը անցած էր:

Անկէ վերջ Ապտիւլ Համիտ սկսաւ բարեկարգութեան
գործին, դիմելով հետեւեալ միջոցներուն.

1) Միատեմաթիկ կերպով Հայերը արիւնաքամ ըրաւ և
անյուր հայածանքներու ենթարկեց:

2) Հայկական սեփականութիւնները քիւրտ և այլ միւ-
թէզալիսպէսներու կողմէ յափշտակել տուաւ:

3) Կովկասէն բերուած գաղթականներ Հայկական Շրջան-

ներուն և Հայերու սեփական հողերուն վրայ տեղաւորել
տուաւ:

4) Վիլայէթներու նոր բաժանումներով քիւրտ ու մահ-
մետական չրջաններու հետ խառնեց և կոտորակեց Հայե-
րու թիւը:

5) Հայերուն արտագաղթը քաջայերեց և նոյն իսկ
հարկադրեց զանոնք գաղթելու:

Պերլինի Դաշնագրութեան 61րդ յօդուածով և Կիպրոսի
Դաշնագրութիւններով ստեղծուած Հայկական Միջազգային
Հարցի լուծման—ըստ վաղեմի մտայնութեան և սխառտմի—
հատու միջոցն ու եղանակն էր այս.—լուծել Հայկական Հարցը
Հայերու բնաջնջումով: Եւ մենք արդէն հետեւողական վեր-
լուծութեամբ պարզեցինք այս քաղաքականութեան դրդիչ
պատճառները:

Իսկ Հայերը բնաջնջուելի չէին ցանկար: Ընդհակառակը,
իր սպառուող գոյութեան դարման որոնող ժողովուրդը՝ ի տես
այս աւելի վտանգաւոր դրութեան, պիտի յուզուէր ու բո-
ղոքի ձայն բարձրացնէր:

Եւ իրօք, այս դժնդակ կացութիւնը, ապրելու անջն ու
գիտակցութեան զարթնումը տեղի տուաւ բողոքի, ստեղծեց
յեղափոխական տարր, յեղափոխական կազմակերպութիւններ՝
որոնք բողոքի ձայն բարձրացուցին՝ յեղափոխական միջոցներով:

Այդ ժամանակ միայն Պետութիւնները յիշեցին որ՝ Հա-
յաբնակ գաւառներու մէջ գործադրուելիք բարեկարգութեանց
մասին պարբերաբար տեղեկութիւններ ստանալու դաշնագրական
իրաւունքը ունին. թէեւ՝ անմիջականօրէն չահագրգռուող Անգ-
լիական և Ռուսական Պետութիւններուն հակամարտ շահերու
մրցումը արգելք էր որ համաձայնութիւն կայանար թէ՛ բարե-
կարգութիւններու էութեանն ու ծաւալին և թէ՛ տեղեկու-
թիւններ ստանալու ձեւին ու աստիճաններուն մասին:

Այդ յեղափոխական շարժումներն էին որ հետզհետէ

աճելով ու տարածուելով գրեթէ Թուրքիոյ Հայաքնակ Գաւառներու մեծ մասին և գլխաւորաբար՝ Կայսրութեան Մայրաքաղաքին մէջ, ստիպեց Պետութիւնները ո՛չ միայն յիշել իրենց դաշնագրական իրաւունքը, այլ և այդ իրաւունքը գործ դնելու, մտցուելիք Բարենորոգումները ծրագրելու հարցերով զբաղուելու:

Եւ որովհետեւ անմիջական կերպով շահագրգռողներն ու մրցակիցները Անգլիան և Ռուսիան է որ կը ներկայացնէին որովհետեւ այդ թուականին Գերմանիան իր աղղեցութեան ու ձգտումներու սահմանները տակաւին հրապարակ չէր բերած, բարեբաղդ զուգադիպութեամբ մը, այն ժամանակի Հանօթօներու Ֆրանսայի, Կ. Պոլսոյ դեսպանն էր որ, իր լայն հայեցողութիւններով հանրածանօթ Պ. Քամոնը, որ իր անձնական ներկայութեամբ և իրերու պայծառ տեսութեամբ կարողացաւ իր Կառավարութեան հաւանութիւնն ստանալ նախաձեռնութեան գործին համար, դառնայով նաև միութեան օղակ՝ Անգլիական և Ռուսական կառավարութեանց միջև համագործակցութեան:

Այդ համագործակցութեան արդիւնքը եղաւ ահա՛ 1895ի Մայիսեան Ծրագիրը, որուն թարգմանութիւնը կը գետնդնէր հոս երկրորդական կէտերու աննշան յապաւումով մը միայն:



Ն Ա Խ Ա Գ Ի Ծ — Ծ Ր Ա Գ Ի Ր

ՀԱՅԱՍՏԱՆ ՆԱՀԱՆԳՆԵՐՈՒ ՄԷՋ ՆԵՐՄՈՒԾԵԼԻ ԲԱՐԵՆՈՐՈԳՈՒՄՆԵՐՈՒՆ

Գ Լ ՈՒ Խ Ի

ՆԱՀԱՆԳԱՊԵՏ (ՎԱԼԻ)

Յօդուած 1.— Նահանգապետները պիտի ընտրուին Պետութեան բարձրագոյն աւագանիներէն, առանց կրօնի խտրութեան, որոնք կը ներկայացնեն իմացականութեան, կա-

րողութեան ու փորձառութեան մեծագոյն երաշխիքները: Հետեւաբար պիտի զգուշացուի նահանգապետութեան պաշտօնին կոչել այնպիսի անձնաւորութիւններ՝ որոնց անուանումը հասարակական ու քաղաքական տեսակէտով, յայտ ընդհանրութեան կարծիքին, անպատեհութիւններ կը ներկայացնէ:

Բ. Դուռը՝ համոզուած ըլլալով որ այս ծրագրով որոշուած բարենորոգումներու արդիւնաւէտ գործադրութիւնը կախուած է էապէս նահանգներու վարչութեան գլուխը դրուելիք անձնաւորութեանց բարձր յատկութիւններէն՝ իրեն համար պարտք պիտի համարէ հսկել որ Կառավարութեան նշանակել մտադրած պաշտօնեաները ունենան պահանջուած կարողութիւնները:

Յօդուած 2.— Այս կերպով ընտրուած նահանգապետները չպիտի կրնան պաշտօնանկ ըլլալ կամ փոխուիլ բաց կթէ այն պարագային՝ որ օրինապէս հաստատուի և ճանչցուի օրէնքի հակառակ վարմունքներ ունենալին:

Նահանգապետները պիտի ընտրուին հինգ տարուայ համար և կարող են վերընտրուիլ,

Յօդուած 3.— Նահանգապետները օգնականներ (մուսավին) պիտի ունենան, որոնք քրիստոնեայ պիտի ըլլան՝ երբ նահանգապետը մահմետական է, ու մահմետական պիտի ըլլան՝ երբ վալին քրիստոնեայ է:

Օգնականներն ալ, նահանգապետներու նման, պիտի նշանակուին Սուլթանէն:

Օգնականները մասնաւորաբար Վալիի կողմէն պիտի փոխանորդուին նահանգի ազգաբնակչութեան խնդրագրերը ընդունելու, փոխի և բանտերու վրայ վերահսկելու և տուրքերու գանձումը քննիթով ընելու համար:

Օգնականները՝ ի բացակայութեան Վալիին՝ պիտի փոխանորդեն անոր:

Նահանգապետները պիտի ունենան Նահանգային Կեդրոնական Ժողով մը, որուն անդամները պիտի ընտրուին որոշուելիք պայմաններով և որոնց պարտականութիւնը պիտի

ըլլայ հաղորդակցութեան ճանապարհներ հաստատել, երկրագործական վարկի մատուցներ կազմակերպել, երկրագործութիւնը, վաճառականութիւնը, և արդիւնագործութիւնը զարգացնել և հանրային օգտին վերաբերեալ նման նիւթերու մասին խորհրդակցել:

Գ Լ ՈՒ Խ II

ԿԱՌԱՎԱՐԻԶ (ՄԻԻԹԷՍԱՐԸՅ)

Յօդուած 4.— Սանճագի գլուխը դրուած Միւթէսարըֆը պիտի նշանակուի Սուլթանէն: Իւրաքանչիւր նահանգի մէջ որոշ թիւով միւթէսարըֆի պաշտօններու պիտի կոչուին քրիստոնեաներ: Քրիստոնեայ միւթէսարըֆներ պիտի նշանակուին այն սանճագներու մէջ՝ ուր ամենաշատ թիւով քրիստոնեաներ կան: Այն նահանգներուն մէջ՝ ուր միայն մէկ միւթէսարըֆ կայ՝ այդ մէկը պէտք է որ քրիստոնեայ ըլլայ եթէ նահանգապետը մահմետական է:

Միւթէսարըֆը պիտի ունենայ օգնական մը, որ քրիստոնեայ ըլլալու է՝ եթէ միւթէսարըֆը մահմետական է, և հակադարձը: Օգնականը միւթէսարըֆին բացակայութեանը պիտի փոխանորդէ անոր:

Գ Լ ՈՒ Խ III

ԳԱՌԱՎՊԵՏ (ԳԱՅՄԱԳԱՄ)

Յօդուած 6.— Յամենայն դէպս, քրիստոնեայ միւթէսարըֆներու և գայմագամներու թիւը նահանգի մութէսարըֆներուն և գայմագամներուն ընդհանուր թիւին մէկ հրորոգէն պակաս թիւով չպիտի ըլլան:

Գայմագամը՝ միւթէսարըֆին նման օգնական մը պիտի ունենայ, որ քրիստոնեայ պիտի ըլլայ՝ եթէ գայմագամը մահմետական է, և հակադարձը:

Միւթէսարըֆներու և գայմագամներու հետ՝ նահանգային ժողովներու նման ժողովներ պիտի գտնուին:

Գազային ժողովը պիտի ընտրուի Գիւղախուժերու ժողովներէն, Սանճագին ժողովները Գազաներու ժողովներէն և Նահանգներու ժողովները՝ պիտի ընտրուին Սանճագներու ժողովներէն:

Ո՛չ մէկ պաշտօնեայ այս ժողովներուն չկրնար անդամակցել:

Վային, մութէսարըֆը և գայմագամը պիտի նախագահեն իրենց համապատասխան ժողովներուն:

Ժողովները պիտի բաղկանան, բացի նախագահէն, չորս անդամներէ, որոնց երկուքը մահմետական և երկուքը քրիստոնեայ պէտք է ըլլան:

Գ Լ ՈՒ Խ IV

ԳԻԻՂԱԽՈՒՄԲԵՐ (ՆԱՇԻՅԷ)

Յօդուած 7.— Իւրաքանչիւր Գազա պիտի բաժնուի մէկ քանի գիւղախուժերու:

Իւրաքանչիւր Նահիլէի շրջանը՝ ըստ կարելոյն այնպէս պիտի գծուի որ միւսնոյն կրօնքին պատկանող գիւղերը համախմբուին միւսնոյն Նահիլէին մէջ:

Ընդհանուր առմամբ հաշուի պիտի առնուին ազգաբնակութեանց պայմաններն ու յարմարութիւնները:

Գիւղախուժը պիտի բովանդակէ առնուազն 2000, առ առաւելն 10,000 բնակիչ:

Յօդուած 8.— Իւրաքանչիւր գիւղախուժը պիտի կառավարուի մէկ միւտիրով, իրեն խորհրդակցի ունենալով ժողով մը՝ բաղկացած առնուազն չորս և առ առաւելն ութը անդամներէ, որոնք պիտի ընտրուին ազգաբնակութեանէն:

Ժողովը իր անդամներէն պիտի ընտրէ միւտիրն ու օգնական մը: Միւտիրը պէտք է ըլլայ ազգաբնակութեան մեծամասնութենէն և օգնականը՝ փոքրամասնութենէն: Ժողովը պիտի ունենայ նաև քարտուղար մը:

ԳԼՈՒԽ V

ՓՈԼԻՍ

Յօդուած 18. — Փոլիսները պիտի ընտրուին գիւղախումբերու ժողովի կողմէն՝ առանց կրօնքի խտրութեան և Նահիլէի աղագանակութեան մէջէն, պետքերուն և նահանգի ժամտարմըրի ծառայութեան բաւականութիւն տալիք թիւով:

Նահիլէի փոլիսները պիտի գտնուին միւտիրներու հրամանին տակ: Իրենց գլխաւոր պիտի ունենան պետեր՝ որոնք չափուշի կամ ծնպաշի նման պաշտօն պիտի կատարեն: Անոնց ուսուցիչները պիտի անցնին Նահիլէի պիւտօնէին մէջ: Ասոնք իրենց ծառայութենէն դուրս պիտի կարողանան սեփական աշխատանքներով պարապիլ:

Քրիստոնեաներէն փոլիսի ծառայութեան մէջ գտնուողները իրենց ծառայութեան ամբողջ տեւողութեան ընթացքին պետէլը սաքէրիլէի տուրքէն ազատ պիտի մնան:

ԳԼՈՒԽ VI

ԺԱՆՏԱՐՄՐԻ

Յօդուած 21. — Իւրաքանչիւր նահանգի մէջ յատուկ հրահանգի համաձայն, պիտի կազմակերպուի նահանգային ժամտարմըրի մարմին, որուն ղինուորներն ու սպաները պիտի ընտրուին Կայսրութեան բոլոր կարգի հպատակներէն:

Ժամտարմըրին երկու երրորդը, Նահիլէի փոլիսներուն մէջէն կէսը մահմետական և կէսը ոչ-մահմետական ըլլալու պայմանով, միւս մէկ երրորդը բաղկանալու է չափուշներէ և պաշ չափուշներէ՝ որոնք պիտի առնուին կանտաւոր բանակի ամէնէն կարողներէն:

Կարգապահութեան և հրահանգներու համար՝ ժամտարմըրին ենթակայ է Պատերազմական Նախարարութեան: Ժամտարմըրին ուսուցիչներն ու ծախքերը վիլայէթին հաշուին են: Սպաներու ուսուցիչները պակաս չպիտի ըլլան կանտաւոր բանակի համապատասխան աստիճան ունեցող սպաներու ուսուցիչներէն:

ԳԼՈՒԽ VII

ՆԱԽՆԱԿԱՆ ՔՆՆՈՒՅԵԱՆ (ԱՆՔԷԹ) ԿՈՄԻՏԵՆԵՐ

Յօդուած 23. — Վալիները Նահանգներու և Սանճագներու կեդրոններուն մէջ պիտի կազմեն Նախնական Քննութեան Կոմիտէներ՝ բաղկացած մէկ նախագահէ և երկու անդամներէ (մահմետական և ոչ-մահմետական):

Այս կոմիտէներու պարտականութիւնը պիտի ըլլայ իմանալ ժամտարմաներու միջոցով բանտարկուածներու բանտարկութեան պատճառները, հրամայել որ անմիջապէս կատարուին անոնց հարցաքննութիւնները և սահմանել պատիժներ՝ եթէ օրէնքով պատժուող յանցաւորներ են և անմիջապէս արձակել փոլիսներու հսկողութեան տակ՝ եթէ վարմունքնին օրէնքով պատժի ենթակայ չէ, հսկել որ առանց անհրաժեշտութեան ոչ ոք բանտը չպահուի ապօրէն կերպով: Պիտի այցելին բանտերը և պիտի քննեն բանտարկեալներու վիճակը:

ԳԼՈՒԽ VIII

ՔԻԻՐՏԵՐՈՒ ՔՕՆՅՐՈԼԸ

Յօդուած 24. — Վաչկատուն քուրտերը կառավարելու համար, իւրաքանչիւր նահանգի մէջ նահանգապետը պիտի ունենայ հրամանին տակ «աչիրէթ մէմուրի» մը: Այս պաշտօնեան իրաւունք պիտի ունենայ աւազակները ու այլ չարագործները ձերբակալել և զանոնք յանձնել սովորական դատարաններուն: Պաշտօնեան իր հրամաններուն տակ պիտի ունենայ բաւարար թիւով ղինուորներ, բացի այդ՝ պիտի կարողանայ տանալ տեղական փոլիսի աջակցութիւնը:

ԳԼՈՒԽ X

ՀԱՄԻՏԻՅԷ ՇԵՄԵԼԱԶՕՐՆԵՐ

Յօդուած 25. — Տիրող կանոններով սահմանուած մարզանքի ժամանակներէն դուրս՝ Համիտիլէ ձիււորներու ծառայութիւնը պետք տեսնուած պարագային, միմյայն կա-

նոնաւոր բանակի գունդերուն հետ կարող են գործածուիլ և գիւղական շրջաններուն մէջ բանակակցելու . Համիրայէներու թիւը չկրնար կանոնաւոր բանակի մէկ երրորդէն աւելի ըլլալ :

Սովորական ժամանակներէն և ծառայութենէն դուրս , Համիրայէ ձիաւորները պէտք չէ կրեն ո՛չ համազգեստ և ո՛չ զէնք . հակառակ վարուողները սովորական դատարաններու պիտի յանձնուին՝ պատժուելու համար , ինչպէս որ սահմանուած է Համիրայէներու յատուկ կանոնագրի մէջ , որոնք համաձայն են ըջտիֆներուն յատուկ կանոնագրի տրամադրութեանց :

ԳԼՈՒԽ XI

ՍԵՓԱԿԱՆԱԳՐԵՐՈՒ ԽՆԴԻՐ

Յօդուած 26. — Յատուկ քօմիսիօններ , բաղկացած նախագահէ մը և երկուական մահմետական ու քրիստոնէայ չորս անդամներէ , պաշտօն պիտի ստանձնեն ստուգելու սեփականագրերն ու սեփականութեան իրաւունքները և ուղղել իրենց հաստատած անկանոնութիւնները : Յատուկ քօմիսիօն մը պիտի մշակէ արձանագրութեան այն ձեւը՝ որ ամենէն աւելի յարմարն է ապագային ապահովելու համար սեփականութեան իրաւունքները :

ԳԼՈՒԽ XII

ՏԱՍՆԱՌՐԴԻ ԳԱՆՁՈՒՄԸ

Յօդուած 27. — Բոլոր տուրքերը , տասանորոն ալ միասին , պիտի գանձուին ուղղակի միւտիրի տեսչութեան տակ և Գիւղայիսումրի ժողովէն նշանակուած հարկահաւաքներու կողմէ : Նահիյէի բոլոր բնակիչները տուրքերու ամբողջական վճարման համար միմեանց փոխադարձ երաշխաւոր են :

Տասանորդի և աշխատանքի կապալառութիւնը ջնջուած է : Նահիյէն սկսած , իւրաքանչիւր վարչական կեդրոն իր

գանձած տուրքերէն պիտի վերցնէ իր վարչական ծախքերուն համար պէտք եղած գումարը՝ համաձայն կազմուած և կառավարութենէն վաւերացուած պիւտձէին :

Նոյնպէս , Նահանգի Վարչութիւնը՝ Նահանգին տուրքերու ընդհանուր գումարէն պիտի վերցնէ իր նահանգին վարչութեան ծախքերուն համար պէտք եղած գումարը , որուն մէջ պիտի հաշոււէին հանրային շինութեանց և կրթութեան ծախքերը :

ԳԼՈՒԽ XIII

ԱՐԴԱՐՈՒԹԻՒՆ

Յօդուած 29. — Իւրաքանչիւր Նահիյէի կեդրոնին մէջ պիտի գտնուի մուխթարի կողմէն նախագահուած Ծերերու ժողով մը , որուն պարտականութիւնը պիտի ըլլայ տեղական բնակչութեան մէջ առաջ եկած վէճերը հաշտութեամբ կարգադրել :

Յօդուած 30. — Իւրաքանչիւր Գաղայի մէջ՝ Նահիյէներու թիւին համեմատութեամբ բաւարար թիւով հաշտարար դատաւորներ պիտի ըլլան , որոնք պիտի ընտրուին դատական գործերու նախարարութենէն նահանգապետի կողմէն ներկայացուած ցուցակով : Անոնցմէ մէկը բնականաբար Գաղայի կեդրոնին մէջ պիտի պաշտօնավարէ : Հաշտարար դատաւորներու մէկ երրորդը քրիստոնէայ պիտի ըլլան : Քրիստոնէայ դատաւորները պիտի տեղաւորուին ամէնէն աւելի քրիստոնէայ բնակչութեան համախմբուած կեդրոններուն մէջ :

Ինչպէս կը տեսնուի , այս ծրագրին մէջ աչքի զարնող իրական ու հիմնական ոչինչ կայ գրեթէ : Դատական , ոստիկանական , գիւղախմբական և այլ գլուխներուն մէջ յիշուած տրամադրութիւնները արդէն մօտաւորապէս Կայսրութեան մէջ տիրող օրէնքներուն նման են :

Նորութիւնը , կամ արդէն գոյութիւն ունեցող օրէնքներէն չեղումը՝ միւտիրներու , փոլիաներու , ժանտարմաներու ընտրութեանց ձեւերն ու հաշտարար դատաւորներու թիւին

ու բաժանումներուն վերաբերեալ մասերն են, որոնց փոխարէն ալ սակայն՝ գիւղախմբային—վարչական, մանաւանդ ոստիկանական—վարչական ծախքերը բեռցուած են ամբողջովին տեղական ազգաբնակչութեան վրայ: Ուրիշ տարբերութիւն մը՝ որ իր ժամանակին հրապուրիչ կը թուէր—նահանգապետներու, կառավարիչներու, գաւառապետներու, միւտիրներու օգնական ստեղծուիլն է, որոնք, ինչպէս և նահանգապետները, գաւառապետները, գաւառակապետները, ըստ ազգաբնակչութեանց թիւի, պիտի ըլլային մահմետական կամ քրիստոնեայ:

Եթէ համեմատութեան դրուի այս ծրագիրը 1880ին Մակեդոնիոյ համար պետութիւններու մեակած ծրագրին հետ՝ ակնհայտ կը տեսնուի որ Մայիսեան Ծրագիրը Հայկական Նահանգներու բարեկարգութեան համար գրեթէ ոչնչութիւն մըն է:

Մեր աշխատութեան ծաւալը թոյլ չտուաւ որ տարբեր ժամանակներու մէջ ևս մշակուած ծրագիրներու բովանդակութիւնը զետեղենք հոս, որպէս զի համեմատութիւնը աչքառու և տարբերութիւնը մէկ անգամէն պարզ ըլլար: Միայն այսօր քանը ըսենք որ, 1880ի Մակեդոնական ծրագրով կը հիմնուէր Նահանգային Ընդհանուր Ժողով՝ պիւսնէի վերաբերմամբ օրէնքադրական իրաւունքներով: Նահանգային Ընդհանուր Ժողովները Կայսրութեան նահանգային չգործադրուած օրէնքներով անգամ սահմանուած էին, բայց Մայիսեան Ծրագրին մէջ այդպիսի ժողովի մը յիշատակութեան հետքն անգամ չկայ:

Այս խեղճուկ ծրագիրն է ահա՛, որ տարիներով շատերու համար երազի ու փայտայանքի առարկայ է եղած: Յամենայն դէպս՝ էականը աւելի կամ նուազ փայլուն օրէնքներու խումբագրութիւնն ու հրատարակութիւնը չէ, այլ գլխաւոր անհրաժեշտութիւնն այն է, որ ստեղծուէին օրէնքները ըմբռնելու, գործադրելու ընդունակ, բարեխիղճ պաշտօնեաներ և օրէնքէն օգտուելու հնարաւորութիւն:

Կարեւորը հոն է որ այսքան աննշան ծրագրի մը գործադրութիւնն անգամ չընդունուեցաւ. չընդունուեցաւ նաև այս ծրագրին հետ մատուցուած Դեսպանական Յիշատակագրի

մէջ յայտնուած ցանկութիւնը՝ որ Նահանգապետներու ընտրութիւններ կատարուին անպատճառ կերպով դեսպաններու հետ կայացուած համաձայնութեամբ մը:

Այս ծրագրին փոխարէն, 1895 Հոկտեմբեր 7/26ին, Օսմանեան Կառավարութիւնը հրատարակեց օրէնք մը՝ Արեւելեան Նահանգներու անունով:

Կարելի է հետեւցնել թէ ինչպիսի կրճատումներու և փոփոխութիւններու ենթարկուած և կմախքի վերածուած ըլլալու է Մայիսեան Ծրագիրը՝ որպէսզի օրէնքի կարգ անցնէր: Եւ այդ կմախքին մէջ պահուածն էր միայն նահանգապետներու, գաւառապետներու, միւտիրներու և անոնց օգնականներու մահմետական և քրիստոնեայ ըլլալու ծանօթ պայմանները: Ասոր հետ միասին՝ նահանգային ու անոր ստորաբաժան չըրջանները, ինչպէս արդէն ըսած ենք՝ վարչականօրէն՝ այնպիսի կոտորակներու և բաժանումներու ենթարկուած էին որ, ոչ մէկ նահանգի, ոչ մէկ գաւառի մէջ հայկական մեծամասնութիւն չէր ցոյց տուեր, հետեւաբար՝ ոչ մէկ տեղի համար իբրև մեծամասնութիւն, նայ նահանգապետ, հայ կառավարիչ (միւլթէսարըֆ) նշանակելու պարտադրութիւնը առաջ չէր դար: Ամբողջ բարեկարգութիւնը կայացաւ ուրեմն՝ մէկ քանի օգնական կառավարիչ, գաւառակապետ նշանակելուն մէջ. ուրիշ ոչինչ: Իսկ եթէ մէկ քանին հայեր գիւղախմբապետ նշանակուած են, անոնք ալ մեծ մասամբ առանց թոշակի ըլլալով հանդերձ՝ անոնց ընտրութեանց պայմանները և անոնց պաշտօնատեսակներու դառն փորձը ցոյց տուաւ որ յաճախ այդ պաշտօնավարութիւնը աւելի չարիք բերած է Հայ Ժողովուրդին քան բարիք: Որովհետև քրիստոնեայ և մանաւանդ հայ պաշտօնեաները կը նշանակուէին ընդհանրապէս այնպիսի անձեր, որոնք ըէժիմի ուղղութեան համակերպող և կամակատար գործիք ըլլալու ընդունակութիւն ցոյց կուտային: Հայ պաշտօնեան եթէ վատասեռուած իսկ չըլլար, հալածանքի ու զրպարտութեանց չենթարկուելու և իր պաշտօնը պահպանելու համար ստիպուած էր չափազանց զգուշաւոր և համակերպող ըլլալ: Քրիստոնեայ

և մանաւանդ հայ պաշտօնեան՝ իբրև տիրապետուած, իրաւազուրկ ազգի անդամ, ինքզինքը ստիպուած կը զգար իր ստորադասեալին առջեւ իսկ ստրուկի, հպատակի վերաբերմունք ցոյց տալու. անիկա կասկածանքներէ ազատ ըլլալու համար՝ կը ձգտէր դէպի քրիստոնեան, մանաւանդ դէպի հայր անբարեացակամ, մինչև իսկ թշնամական վերաբերում ցոյց տալ: Իխտուած է որ, ցորչափ կը տիրէ ներքին ճնշիչ աշխարհավարութիւն և խտրական ոգին, քրիստոնեայ և մանաւանդ հայ պաշտօնեան Հայկական Շրջաններու համար աւելի չարիք կը դառնայ:

Հայկական Վեց Նահանգներու անունով առանձինն օրէնք հրատարակելու պարագան անգամ անհանդուրժելի եղաւ Համիտեան Բէթիմին համար, այնպէս որ օրէնքի հրատարակութեան հետ միասին արդէն նախապատրաստուած կոստանդնուփոստական Երուսաղէմի կեդրոնէն, պատրուակ բռնելով Յեղափոխական Շարժումները:

Կանգ չպիտի առնեմ, նոյն իսկ համառօտ կերպով, 1895-1896 թուականներու ընդհանուր կոտորածներու պատմութեան վրայ, որովհետեւ աղէտը արդէն իւրաքանչիւր հայ անհատի սրտին վրայ դրօշմուած է արիւնոտ և խոր զծերով: Միայն՝ աւելորդ չըլլար գուցէ յիշել և նկատել տալ որ, պատմական այդ անօրինակ ոճիրը անպատիժ գործելու համար Ապտիւլ-Համիտ կանխաւ Եւրոպայէն ապահովութիւն ստացած ըլլալու էր:

Գաղտնիք չէ Ռուսիոյ այն ժամանակուայ դեսպան Լօպանօֆի յայտարարութիւնը՝ իբրև բնորոշում Ռուսիոյ նոյն ժամանակի քաղաքականութեան դէպի Հայկական Բարենորոգումները— «Հայաստան առանց Հայերու»: Ու մինչ ասդին, մայրաքաղաքի փողոցներուն մէջ Հայկական Իրակներու հոտը չէր անհետացած՝ Գերմանիոյ Կայսրը կուգար այցելել Ապտիւլ Համիտին և իր մտերմութեան ու պաշտպան բարեացակամութեան հաւատարմութեան յայտնել ինչպիսիք:

Այսպէս ուրեմն՝ Հայկական Գաւառներու մէջ քիչ թէ

չատ տանկի կեանք մը ստեղծելու փոխարէն՝ իրագործուեցաւ Հայութիւնը բնաջնջելու քաղաքականութիւնը:

Բայց այս բոլորին հակառակ՝ Պանք Յիթմանի դրաւում, Զէյթունի Ապստամբութիւն, Խանասորի Արշաւանք, Պապը Ալին օղը հանելու անյաջող փորձ՝ ծառայեցին միմիայն մէկ վկայութեան, այն որ՝ օրհասականի գայարումներուն դատապարտուած Հայութիւնը այնու ամենայնիւ անկենդան դիակի վերածուող ժողովուրդ չէ: Մահուան դէմ պայքարող ափ մը Հայ ժողովուրդին դերմարդկային այդ ձիգերն ու գայարումները սակայն՝ պաշտօնական Եւրոպայի խղճին վրայ ո՛չ մէկ ազդեցութիւն ունեցան, այլ քսաներորդ դարու սեմին վրայ կատարուած ոճիրները և հռչակիւնները ծերունի Կլատթոններու չրթունքներովը անպաշտօն Եւրոպայի խիղճը միայն կրցան վրդովեցնել: Բարձրացած բողոքի բուռն ձայները, այնու ամենայնիւ, անզօր մնացին դիւանագիտութեան ուղղութիւնը փոխելու տեսակէտով:

Եւրոպական դիւանագիտութիւնը այլ մտահոգութիւններով տարուած էր...: Արեւելքի կրկէսին վրայ երևեցած Վիլհէլմ Բ. Կայսեր քաղաքական արշաւանքներուն յաջողութիւնները կը մղէին Պատմութիւնները նոյն ուղղութեամբ զծելու նաև իրենց գործելակերպը՝ ի պաշտպանութիւն իրենց վտանգուող շահերուն: Գերմանիա իր հովանաւորութեան փոխարէն կը ստանար Պաղտատի երկաթուղիի շինութեան մենաշնորհը: Ռուսաստանի նոյն առեւի դիւանագէտները գոհ էին «Հայաստան առանց Հայերու», իրենց ցանկութեան իրագործումը տեսնելով, բայց սարսափած գերմանական յաջողութիւններէն՝ հազիւ յաջողէր էին ստանալ Ապտիւլ-Համիտի պայմանական մի յանձնառութիւնը Մեծ Հայքի չրջանին մէջ երկաթուղիներու մենաշնորհը միմիայն ուսական դրամագլուխին վերապահելու մասին: Ֆրանսա կ'աշխատէր Սուրիոյ մէջ ամրապնդուելու և գերմանական ձեռնարկին մէջ ֆրանսական դրամագլուխին մասնակցութիւնը ապահովելու: Միայն Անգլիան էր որ չէր զիջած ձիւղային այս խաղե-

նուէրներովն ու պաշտօններովը վերադառնալու համար: Եւ արդէն Արտասահմանեան Օսմանեան դեպանատուները այդ սակարկութիւններուն համար յատուկ պարտականութիւններ ունէին:

Այսպէս թէ այնպէս, Երիսասարդ Թուր ըսուած նոր դաս մը կազմուած էր, որոնց մեծ մասը պաշտօնեաներ, ուսանողներ և կամ զինուորականներ էին:

Անոնք բաժնուած ըլլալով խմբակցութիւններու՝ առաւել-լապէս աչքի կ'իյնային Իթթիհաս Թեքագգըլի (Ահմէտ Բիզա պէյի հետեւորդներ) ու Սապահէտտին պէյի Ապակեդրոնացման և Նախաձեռնութեան հետեւորդները: Մէկը Մեքվեթեքն ունէր օրկան, միւսը Թեքագգըն:

Այս երկու թերթերն ալ, ըլլայ Մեքվեթեքը կամ Թեքագգըն, առանց չափազանցութեան, կարելի է ըսել որ զուրկ էին փիլիսոփայական դաւանանքէ: Երկուքն ալ, ըստ էութեան, հիմնապէս միեւնոյն քաղաքական նպատակն ունէին, — Սահմանադրական կառավարութիւն: Մէկը կուսակից կեդրոնացումի, միւսը պաշտպան՝ վարչական ապակեդրոնացումի: Բայց Թեքագգըլի կամ Սապահէտտինի շուրջը հաւաքուածները աւելի անհատական խմբակներ էին՝ քան կուսակցութիւն: Իթթիհաս Թեքագգըն էր որ իր կազմակերպական ծրագրովն ու կազմովը ի վիճակի էր մասամբ իրեն յարողներու և համակրողներու շարքերով կուսակցութիւն մը կազմել, որ սակայն երկար տարիներ դէմ է եղած յեղափոխական շարժման ու թաքթիքին, ըլլալով նաև դէմ՝ Հայկական ու Մակեդոնական Շարժումներուն:

Առանց յեղափոխութեան Միթհատեան Սահմանադրական կարգերը վերահաստատել տալու տարիներու ամուլ ջանքերը, ինչպէս նաև Հ. Յ. Դաշնակցութեան փրփակմանն ու յաճախակի փորձերը՝ բոլոր սահմանադրական-քաղաքական և յեղափոխական կուսակցութիւններու և խմբակներու միջև համերաշխ գործակցութեան մը առաջնորդելու համար, 1907—1908ին համոզեցին Մէշվէթեքականներն ու Թեքագգըլականները՝ թէ յեղա-

փոխական ու համագործակցութեան ճանապարհէն դուրս ճանապարհ չկայ: Կայացաւ Բարիզի Միջկուսակցական Բոնկրէն. որուն կասկածանքով վերաբերուեցան ու չմասնակցեցան Մակեդոնական կուսակցութիւններն ու Հնչակեանները. բայց Բոնկրէն յաջող վերջաւորութիւնն ու Յայտարարութիւնը կոչուած էին Թուրքիոյ համար նոր դարագլուխ մը բանալու, եթէ սակայն նոր անակնկալներ դէպքերուն նոր ուղղութիւն տուած չըլլային:

Բարիզի Բոնկրէն համագործակցութիւնը որոշելով հանդերձ՝ որոշեր էր նաև Միջկուսակցական Խորհուրդ մը կազմել, որ պիտի մշակէր ծրագիրը՝ միացեալ ուժերով կատարուելիք աքտերու: Հազիւ կուսակցութիւններու նշանակած լիազօրները մեկնելու վրայ էին Խորհուրդին համար նշանակուած վայրը և անա՝ Թուրքիոյ մէջ տեղի ունեցող անակնկալ դէպքեր եկան վերի վայր չըջել կուսակցութեանց նախապատրաստութիւնները:

1908 Յուլիս 10/23ին, Ապտուլ-Համիտ Միթհատեան Սահմանադրութիւնը վերայտարարելով՝ Քիւլիկ Սայիտ փաշան վերստին Սատրազամութեան կոչեց:

Մեծ Համրը, տարիներու ծանր տառապանքին տակ քամուած ժողովուրդը, առանց ցեղի ու կրօնի խտրութեան, լեզու էր ելած: Պոլսոյ բանտերու դռները բացուեցան՝ բոլոր քաղաքական բանտարկախներու առջև, այդ թոյլտուութենէն օգտուելով նոյն իսկ հասարակ ոճրագործներ: Բռնապետութեան աւագանին գործէ և իշխանութենէ քաշուեցաւ. ոմանք փախուստի դիմեցին, ոմանք ալ բանտարկուեցան: Պոլսոյ և Գաւառներու մէջ ժողովրդական ցոյցեր է որ տեղի ունեցան: Ժողովուրդը՝ Բռնապետութեան Ռէփուի օրով ծայրայեղութիւններ գործ դնող պաշտօնեաներու օձիքէն բռնելով՝ իրենց պաշտօնատուներէն դուրս կը քէն: Եւ անա նաև աքսորականներու կարաւանը, որ շարան-շարան կը վերադառնար: Յեղափոխական շունչ մըն էր որ կը փչէր ու ամբողջ Թուրքիան ազատութեան այիքներուն մէջ կը ծփար:

Ինչ հրաշք էր պատահածը:

Ինչպէս ըսինք, Մակեդոնական կարկտան Բարենորոգչական Վարչութիւնը անգիտակցաբար դիւրութիւններ ստեղծեց երկրի այդ մասին մէջ Իթթիհատ-Թէրազգըյական փրփականտը մղելու և կազմակերպելու: Անկախ Արտասահմանի միջկուսակցական նախապատրաստական աշխատութիւններէն, Երկրի այդ մասին մէջ գտնուած Իթթիհատական անդամները՝ տէրօրիատական քայլերու սկսան դիմել. ու երկու զինուորական սպաներ ըմբոստանալով, յանուն իրենց զօրախումբերուն, պահանջեցին Պալատէն Սահմանադրութիւնը վերջայտարարել, հակառակ պարագային սպառնալով քաղել Մայրաքաղաքին վրայ:

Ու Ապտիւլ-Համիտ տեղի տուաւ այդ սպառնալիքին: Միթէ 33 տարի ազատ միտքը մարտիրոսացնող և Երկիրը դժոխքի ու աւերակի վերածող Բռնապետութիւնը այդքան շուտ և դիւրութեամբ տեղի տուեր էր: Միթէ՞ այդ անօրինակ բռնապետութեան համար բաւական էր սոսկ սպառնալիք մը՝ որպէս զի Սահմանադրութիւնը վերահաստատուէր և իրական ազատութիւնը մուտք գտնէր այս երկրին մէջ:

Եւ սակայն իրականութիւնն այն էր որ ժողովրդական ընդհանուր ցոյցերն ու արտայայտութիւնները կը փառաբանէին Յեղափոխութիւնն ու Յեղափոխական Կուսակցութիւնները: Շարաթներով Թուրքիան տեղի ունեցած անակնկալով արբեցած ու յափշտակուած՝ յեղափոխական յաղթանակը կը տօնէր:—Ազատութեան, Արդարութեան և Միութեան գաղափարն էր յաղթանակողը:

Մակեդոնական ու Հայկական յեղափոխական կազմակերպութեանց մարտական խումբերը զինաթափ եղան: Անոնք հաւատացին Սահմանադրական նոր Թուրքիոյ վերածնութեանն ու ազգերու իրաւանց պաշտպանութեանը: Ասով ապացուցուեցաւ այն ճշմարտութիւնը թէ Հայ յեղափոխականներու էութեանն ու նպատակին մէջ բնա՛ւ անջատողութիւն չկայ:

Բայց արբեցութեան օրերն ու մեղրալուսնի ամիսը

չըրացած՝ հետզհետէ յայտնուեցաւ որ Ազատութիւնը, Սահմանադրականութիւնը, Օսմանցիութիւնը, ինչպէս նաև Արդարութիւնն ու Ազգային Իրաւունքները Իթթիհատը տարբեր կերպով կը հասկնար ու կ'ըմբռնէր, հպատակ ազգերը՝ տարբեր:

Իթթիհատը՝ որ Բարիզի մէջ դաշնակցած կուսակցութեանց ու տարբերու հետ համագործակցութիւն ստեղծելու յանձնառութիւնն ունէր, զրութեան տէրը դառնալէ յետոյ բռնուեցաւ կարծես մենատիրութեան ակտով: Ու թէև իր վարիչները նախարարական պատասխանատուութիւն չէին ստանձներ՝ այդ պաշտօններուն հրաւիրելով Համիտեան դպրոցին ծառայածներ, բայց իսկական իշխանութիւնը իրենց էր վերապահուած:

Կատարուեցան փարլամենթական առաջին ընտրութիւնները. հպատակ ազգերը իրենց համեմատական ներկայացուցչութեան իրաւունքի հարցը դրին մէջտեղ, բայց լսելի չեղան. ընդհակառակը Հայկական Շրջաններու մէջ մինչև իսկ զանազան սպառնալիքներ չըջան ըրին, որոնք այս կարգի պահանջները լռեցնել տալու նպատակն ունէին:

Քիւչիւկ Սպիտ փաշան բաւականաչափ սահմանադրական չնկատուելով՝ անոր յաջորդեց ծագումով Կիպրոսցի Քիւսմիլ փաշան, որ իր դահլիճին մէջ ունեցաւ իբր ներքին գործերու նախարար՝ Հագգըր փաշան, նախկին րէժիմի պաշտօնատարներէն, որուն հովանիին տակ կատարուեցան ընտրութիւնները:

Ընտրուած պատգամաւորներուն մէջ իրենց անցեալով ու գործերով ծանօթ աւատապետներու և միւթէղալիպէներու—ըլլան հոգեւորական թէ աշխարհական—ներկայացուցիչները ջախջախիչ մեծամասնութիւն կը կազմէին, որոնցմէ շատ մը ոչ-Իթթիհատականներ երբ Մայրաքաղաք ոտք կը դնէին՝ Իթթիհատի հաւատարիմ մնալու խոստումը ընելով կ'ընդունուէին անոր շարքերուն մէջ:

Որոհարարներ բացուեցաւ, բայց խոստում տուողներէն կարեւոր մաս մը չուտով բաժնուելով՝ նոր կուսակցութիւն մը կազմուեւ հետամտեցաւ:

Սապահէտտինը չէր կրցած ասեմ մերեկգիյեքի կուսակցութիւնը կազմել: Իթթիհատը չէր ուզէր նոյնիսկ լսել վարչային ապակեղորոնացման խօսքը, ու չէր կրնար հանգուրժել թուրք տարրեր կուսակցութեան մը գոյութեան:

Պահ մը Սապահէտտին ձուլուած նկատուեցաւ Իթթիհատի հետ, բայց այդ ձուլումն ալ շուտով վիժեցաւ: Այդ ձուլումն առաջացնելու և ազգայնական-չըջանային պահանջներուն բաւականութիւն տուած ըլլալու կանխամտածումով՝ Իթթիհատը ստեղծեց քեվսիի մեզունիյեքի կարգախօսը: Թէ ի՞նչ բանի մէջ կը կայանար ասեմի մերեկգիյեքի և քեվսիի մեզունիյեքի մէջ գտնուող տարբերութիւնը, — ինձի կը թուի թէ երկու կողմերուն համար ալ պարզ չէր ու չէր կրնար ըլլալ:

Սապահէտտինը ասպարէզէն քաշուեցաւ, բայց մահմետական ազգայնականներու առաջնորդութեամբ կազմուեցաւ Ահրար կուսակցութիւնը, որ Իթթիհատէն ոչինչով կը տարբերէր և ընդհակառակը աւելի բազմաբղէտ դժգոհներու համախմբակցութեան տպաւորութիւնը կը թողուր: Այս խմբակցութիւնն ալ աթոռի, իշխանութեան հասնելու ձգտումներէ թեկադրուած՝ բնականաբար առաջ բերաւ ամենատուր պայքար մը և թշնամական վերաբերմունք՝ երկու կուսակցութիւններու մէջ: Երկու կողմն ալ մէկզմէկ տապալելու համար միջոցներու մէջ խորութիւն չըրին, բայց աւելի ցաւալին՝ Ահրարը իր անհաւասար ուժին իսկ բերումով դիմեց մահմետական հոգեւորականութիւնն ու մոլեռանդութիւնը գգուելու և մասսայական յուզում առաջ բերելու մեթոտին, որմէ ծնունդ առաւ Մուհամմէսիյէ յետադիմական խմբակցութիւնը:

Ընդհանուր այս յուզումին մէջ անտես առնուեցան Կայսրութեան վերակենդանացումի, ազատութեան ամրագնդումի, վարչական, տնտեսական, ընկերային բարեկարգութեանց նման բազմաթիւ ու կենսական հարցերն ու պահանջները: Այս կացութենէն կօզտուէին սակայն յետադիմականները: Միակ քաղաքական կուսակցութիւնը՝ որ Սահմանադրութեան ու Ազատութեան,

գուցէ և Երկրի բաղդին սպաննացող վտանգը տեսնելով՝ չէր թերանար իր հայրենասիրական-քաղաքացիական պարտականութիւնը կատարել և զգուշացնել մէկզմէկ յոշոտող խելակորոյս կողմերը, այդ կուսակցութիւնն ալ եղաւ Հ. Յ. Գաշնակցութիւնը: Ինչպէս ի դուր անցան եղած յորդորները: Վրայ հասաւ 1909 Մարտ 30ի յետադիմական Պետական Հարուածը:

Զօրանոցներուն մէջ «խալմուլութիւնը փրկելու» համար կատարուած փրօփականանքը իրենց արդիւնքը տուին: Մայրաքաղաքի զօրքը ապստամբեցաւ: Իթթիհատական երիտասարդ սպաններէն շատեր սպանուեցան: Փարլամենթը պաշարուեցաւ և նախարարութիւնը տապալեցաւ: Ու Երլուզը կրկին կ'երեւար յաղթական:

Անդին, Գաւառն ալ անմասն չմնաց այս հարուածին ազդեցութիւնէն: Մայրաքաղաքի այս հակասահմանադրական ու հակահայրենասիրական վէճերու և պառակտումներու ժամանակ՝ Կիլիկիոյ մէջ ալ իսայտաբղէտ տարրեր, զանազան կարգի և գոյնի հրապարակագիրներ և թերթեր, որոնց մէջ Իթթիհատականներ ալ, ինչպէս նաև հոգեւորականներ, Համիտականներ ու միւլթէզալիպէներ՝ հակահայկական փրօփականաւ կը մղէին: Հայերը սահմանադրութեան, հաւասարութեան և արդարութեան գաղափարներով գինովցած էին, իրաւունքի գիտակցութեան նշաններ ցոյց կուտային — ապստամբներ էին ուրեմն և արժանի՝ պատժուելու: Ու ի՞նչ աւելի յարմար ժամանակ՝ քան Մարտ 30ի Պետական Հարուածին յաջորդող անիշխանութեան օրերը: Եւ չէ՞ որ նոյն իսկ 1905—1906ի ընդհանուր կոտորածներուն ժամանակ Ատանան իր չըջաններով ազատ էր մնացեր ընդհանուր աղէտէն: Ու կատարուեցաւ տմէնէն անաւոր աղէտը այդ նահանգի Հայերու գլխուն ևս: Յիշեցի միայն չոր իրողութիւնը, կարեւոր պատմութեան համար, նպատակ չունենալով նոյնիսկ այդ տխուր դէպքերուն ընդհանուր պատկերը տալ:

Եւ մայրաքաղաքին մէջ ո՛չ մէկ դիմադրութիւն այս Ձինուորական Ապստամբութեան ու Պետական Հարուածին դէմ:

Վտանգուած Սահմանադրութիւնն ու ազատութիւնը պաշտպանելու քաղաքացիական պարտականութեան ոչ մէկ ժէսթ ու անձնագոհ չարժուած: Այդ պարտականութիւնը կատարելու համար Հ. Յ. Դաշնակցութեան կոչերն ու նախաձեռնութիւններն ալ դրական հետեւանքի չհասան: Իթթիհատական ղեկավարները հաղիւ կարողացան անրեւութանալ և իրենց կեանքը վտանգէ ազատել: Ու տիրապետող ազգը, մտաւորականութիւնը, ամբողջ պատճառ էր ընդունելու նոր րէժիմ մը՝ ինչ տեսակի ալ որ ըլլար անիկա:

Այս անգամ ալ փրկութեան ձեռքը Մակեդոնիայէն հասաւ: Հոն գտնուած բանակի Սահմանադրական-Իթթիհատական սպաներն էին որ շտապեցին արշաւել Պոսոյ վրայ և յաջողեցան ազատել վտանգուած Սահմանադրութիւնը: Արշաւող բանակին միացան Մակեդոնական և Հայ յեղափոխական կուսակցութեանց ղինակիրներ: Այս քայլով երկրորդ անգամ ըլլալով ու իրենց կեանքին գնովը ապացուցին Հայերն ու Մակեդոնացիները թէ անբաժանելի կերպով կապուած են Սահմանադրական թուրքիոյ:

Եկաւ Ազատարար Բանակը, ինկան զոհեր՝ բայց փրկուեցաւ Սահմանադրութիւնը: Մայրաքաղաքը՝ որ ապստամբ ղինւորները կը ծախահարէր քանի մը օր առաջ՝ մեծ թափով ծափահարեցնաւ և մուտքը Ազատարար Բանակին: Խորհրդարանը՝ որ երկու օր առաջ հպատակած էր ապստամբներու պահանջներուն, ի լուր աշխարհի յայտարարելով որ Ապստամբութեան ու Պետական Հարուածին մէջ Սահմանադրութեան դէմ ուղղուած ոչինչ չէր գտած, նոյն Խորհրդարանը այս անգամ Ազատարար Բանակի հովանաւորութեան տակ գումարուելով՝ գահընկեց հռչակեց Ապսիւլ-Համիթ:

Ու ներքին տագնապի այդ ժամանակամիջոցին՝ Երբեակ Զինակցութեան անդամ Աւստրիան էր որ իր առկախ մէկ հաշիւը մաքրեց՝ Պերլինի Դաշնագրով ժամանակաւորապէս իր գրաւման յանձնուած Հէրսէք-Պոնան վերջնականապէս կցելով իր հողամասին:

Համիտի դահընկեցութեամբ փոխուեցաւ արդեօք դրութիւնը: Ելլալովն էր արդեօք միակ որրանը Յետադիմական Շարժման: Երեւոյթները դրական ոչինչ կը յայտնեն:

Այս արիւնալի անցքերէն յետոյ՝ պաշարման վիճակ յայտարարուեցաւ, ղինուորական դատարաններ հիմնուեցան, մարդկային մարմիններ ձօճեցան կախաղաններու վրայ, բայց յետադիմութեան վախն ու կասկածը չի վերցաւ, առանց վերնալու նաև պաշարման դրութիւնը. ընդհակառակը աւելի քան չորս տարիներէ ի վեր պակաս չեղան անոր տեսակսնունութեան նպաստող դէպքեր:

Ազատական Յաղթական Բանակին հետ վերադին իրենց նախկին դիրքերուն վերադարձան Իթթիհատի ղեկավարները: Ըսենք որ նախ քան Մարտ 30ի Պետական Հարուածը՝ իրենց վերապահումներէն դուրս գալով Իթթիհատի ղեկավարները՝ մէկ կողմէ Սահմանադրութիւնը վերաքննութեան ենթարկեցին և Գահին բոլոր հաւանական սոսնձագութիւններէն պաշտպանուող Ազգային-Վեհապետական, տեմոկրատական սկզբունքներու վրայ հիմնուած բարեփոխութիւններ մտցուցին Սահմանադրութեան մէջ, միւս կողմէ՝ հետզհետէ նախարարական աթոռներ գրաւելով՝ ստանձնեցին կառավարութեան պաշտօնական պատասխանատուութիւնը:

Բայց այդ սահմանադրական բարեփոխութիւնները չէին որ պիտի կազմէին անհրաժեշտ բարեկարգութեանց օրէնսդրութիւնը, ներքին աշխարհավարութեան ուղեգիծը: Ժողովրդական Վեհապետական սկզբունքին վրայ հիմնուած Սահմանադրութիւնը կարող էր գուցէ ղեկավար ըլլալ սահմանուելիք կարգերուն և աշխարհավարութեան տրուելիք ուղեգիծին, բայց ինքնապիտան քեան այդ ուղեգիծը չէր անմիջականը:

Կարեւորը կը պակսէր:—

Ո՛ւր էր Ժողովրդավետական իրաւանց համոզումներով տոգորուած, այդ իրաւունքները ձեռք բերելու համար պայքարած ու յաղթանակած Տիրապետող Ազգի Ժողովուրդը:

Ո՛ր էին այդ ժողովուրդի նիւթական ու բարոյական ցաւերովը տանջուած, այդ ժողովուրդի ծոցէն ծնած ու ապրած և անոր շահերու պաշտպանութեանը նուիրուած ներկայացուցիչները :

Ընդհակառակը, ժողովրդական ներկայացուցչի աթոռները գրաւած էին մեծ մասամբ անոնք՝ որոնք կուսակցական ի՛նչ պիտակի տակ ալ ապաստանէին, իրենց դասակարգային շահերովն ու կեանքովը ամբողջովին հակառակ էին նոյն ժողովուրդի կենսական շահերուն :

Ժողովրդական ներկայացուցչական աթոռները գրաւող այս նոյն տարրերն էին տեմոկրատական-ժողովրդապետական սահմանադրութեան տրամադրութիւններ ու սկզբունքներ քուէարկողները, որոնց դէմ առաջին հարուածը իրենք պիտի տային առիթն ու հնարաւորութիւնը ներկայացած ատեն :

Ահա այս իսկ պատճառներով ալ ներքին վերակազմութեան և վերածնունդին համար օրէնսդրական հիմնական ու իրական աշխատութիւններ չկրցան կատարուիլ : Փարլամէնդական աշխատութիւններու սկիզբէն իսկ՝ Սահմանադրական-Տեմոկրատական ազատութիւնները սեղմուեցան ընկերակցութիւններու օրէնքով, որուն 4րդ յօդուածով արգելք կը դրուէր ազգային կազմակերպութիւններու կազմութեան, իբրեւ թէ Թուրքիոյ մէջ զանազան ազգեր գոյութիւն չունենային և օրէնսդրական հրամանով մը հնարաւոր ըլլար ազգային անհատականութիւններն ու անոնց բնականոն զարգացման ընթացքը կանգնեցնել :

Հակառակ ընկերակցութեանց այս օրէնքին, հակառակ կախադաններու և պաշարման դրութեան ու զինուորական դատարաններու, Փարլամենթի ծոցին մէջ իսկ առաջ եկան նոր համախմբումներ : Քայքայուած Ահրարին յաջորդեց Իթիլաֆի կուսակցութիւնը, որ ճիւղաւորուելով ու անուններ փոխելով, առանց դաւանանքի փոփոխութեան, «ժողովրդական», «տեմոկրատական», «ազգայնական», և այլ պիտակներով սկսաւ գործել. կազմուե-

ցան նաև ազգային խմբակցութիւններ՝ որոնք կը ներկայացնէին Իթիֆիատի ընդդիմադիր բանակը :

Ներքին բարեկարգութեան փոխարէն՝ Մակեդոնիոյ և Ալպանիոյ մէջ ազգային ակներև հալածանքն է որ ծայր տուաւ : Հալածուեցաւ մակեդոնական Սերպ, Յոյն, Պուլկար ազգերուն պատկանող ուսուցչութիւնն ու այդ տարրերու ազգային դաստիարակութիւնը : Պոսնա-Հէրսէքէն կը բերուէին իսլամ գաղթականներ և կը զետեղուէին Մակեդոնական ո՛չ-իսլամ ժողովուրդներու շրջաններուն մէջ, տեղի տալով միջազգային կռիւններու և իրաւացի դժգոհութեանց : Ազգային հողի վրայ գործ դրուած այս հալածանքն անմասն չմնաց Ալպանական ազգը—մահմտական թէ քրիստոնեայ—որ ազգային գրի ու գրականութեան վերածնունդի նոր շրջանին մէջ մանկ կը փորձէր՝ արարական գրերու փոխարէն լատին սառերը իւրացնելու իր ձգտումներով և ազգային կրթութեան հիմը դնելու իր աշխատանքով :

Հայաստանի մէջ ակներև հայահալած քաղաքականութիւն չկար : բայց Համիտեան Բէթիմի ղոհներուն—Հայերուն—ձայնը չէր լսուեր՝ որոնք արդարու քիւն միայն կը խնդրէին, որովհետեւ սեփականութեանց յափշտակութիւնները չէին վերադարձուեր, Համիտեան Բէթիմի ժամանակ իսկ դատապարտուած ոճրագործները ներման կ'արժանանային, սպանութիւններ և առեւանգութիւններ յաճախադէպ կը դառնային, անոնց հեղինակները մնալով առանց պատիժի. նոր յափշտակութիւններ կը կատարուէին նոյն իսկ՝ առանց արդարադատութեան :

Ազգահալած քաղաքականութեան այս անհուատես վազքը մինչև հոն հասաւ, ուր ինքնակամօրէն զինաթափ եղած մակեդոնական հրոսակները վերստին զէնքերնին առնելով՝ սկսան իրենց նախկին յեղափոխական գործունէութեան վերադառնալ : Ալպանացիք զինեալ ապստամբութեան դիմեցին : Ու այս բոլորին դէմ բնականաբար զսպիչ բանակներ կար շառուէին :

Միայն իսլամ Ալլահնիան չէր ըմբոստ : Իսլամ Արարիան ,
Եճմէնը , նւս չէր դադրէր կիսանկախութեան կռիւ մղելէ :

Եւ մինչ հակազգային քաղաքականութիւնը այս վիճակին
հասած էր , Մայրաքաղաքին մէջ , Խորհրդարանէն ներս թէ
դուրս՝ իշխանութեան շուրջը կուսակցական պառակտումներն
ու քայքայումները աւելի ևս սաստկացան , այնպէս որ ո՛չ
ժամանակ , ո՛չ ալ ընդունակութիւն կար օրկանական աշխա-
տանք կատարելու , Պետութեան սպրած անձկութեան վրայ
լուրջ ուշադրութիւն դարձնելու ու գործուած սխախտելն
ըմբռնելու և ուղղելու :

Այս վիճակէն օգուտ քաղեց դարձեալ Երբեակ Զինակ-
ցութեան անդամ Իտալիան , որ առանց նոյնիսկ ո՛ր և է ձեւա-
կան արդարացուցիչ պատճառի , առանց դիւանագիտական
միջադէպեր ունենալու — «գլուն չես կրնար Ափրիկէն օգտա-
գործել , այն տեղ իմ շահերս չեն պաշտպանուիր , ես իմ քա-
ղաքակրթիչ դերս պիտի ստանձնեմ» ըսելով , քսաննչորս
ժամեայ վերջնագրէ մը յետոյ , գնաց արշաւել Ափրիկեան Տրի-
պոլիսի և Պէնակզիի վրայ : Իտալական այդ յիլուզակային
պատերազմին հետեւանքն ալ յայտնի է :

Ու մինչ այս պատերազմը կը մղուէր , անդին մէկ կողմէ
Մակեդոն-Ալլանական շարժումները մտահոգիչ աստի-
ճաններու կը հասնէին ևւ միջազգային բնաւորութիւն կը
ստանային՝ բարդութեանց ու միջամտութեանց տեղի տալով ,
միւս կողմէ Իթիթիատը ալ ևս Գահին կողմէ վտանգ չտես-
նելով , ընդհակառակը վտանգը Փարլամենթին մէջ թագ-
նուած ըլլալու համոզումով Սահմանադրութեան նոր վերա-
քննութեան և մէկ քանի յօդուածներու բարեփոխութեան
խնդիր կը յարուցանէր՝ Ժողովրդավետութիւնը Գահին ստո-
րադասել տալու համար :

Այդ ձեռնարկը առաջ բերաւ Իթիթիատական նախա-
բարութեան ապալումը :

Իշխանութիւնը անցաւ հակառակորդներու ձեռքը :

Մինչև օրս ալ դեռ գաղտնիք կը մնայ , կամ գէթ

որոշապէս պարզուած չէ՛ թէ ղինուորական դասի և ղինուորա-
կան շահերու պաշտպանութեան ո՞ր խմբակն էր և ի՞նչ ուժ էր
այն՝ որ ստիպեց Իթիթիատը ժամանակաւորապէս տեղի տալու :

Որովհետեւ Իթիթիատի պատմութիւնը գրել չէ մեր նպա-
տակը , դէպքերը կը շօշափենք այն չափով՝ ինչ չափով որ
անհրաժեշտ կը դատենք Բարենորոգմանց Խնդրի զանազան
ծալքերը պարզելու համար : Այսքան ըսենք որ , ըստ մեզ ,
Դահլիճի փոփոխութիւնները , իշխանութիւնը Իթիթիատական
կամ ոչ-Իթիթիատական ձեռքերու անցնելը՝ առանձնապէս
կարեւոր փոփոխութիւններ չբերին ներքին աշխարհավարու-
թեան մէջ : Տարբերութիւնը կը կայանար ոչ-Իթիթիատական-
ներու յատուկ եղող կորովի ու յանդգնութեան պակասութեան
մէջ միայն :

Պալքանեան փոքր Պետութիւններն ու Ազգերը , դըր-
դուած ազդեցութեան ու նուաճումներու մասնաւոր շահերէ ,
տարիներով իրարու դէմ մահացու թշնամութիւն սնուցանելէ
և իրար բղկտելէ յետոյ՝ անակնկալ կերպով իրարու մօտե-
նալով դաշնակցեցան և Մակեդոնական Բարեկարգութեանց
հարցը հաւաքաբար ձեռք առին :

Պալքանեան Պետութիւններու միջամտութեան խառ-
նուցան նաև Մեծ Պետութիւններու միջամտութիւնները : Ու
այս անգամ ալ , ինչպէս աւանդականօրէն եղած է , Օսմ. Կա-
ռավարութեան պատասխանը եղաւ այն՝ թէ ամբողջ Կայսրու-
թիւնն է որ բարեկարգութեան կարօտութիւնը կը զգայ և թէ
այս նպատակով ալ հարկ եղածը պիտի գործադրուի՝ 1880ին
Մակեդոնիոյ համար Պետութեանց համաձայնութեամբ մշակու-
ուած Բարեկարգութեանց Երազրի հիման վրայ , շրջանակէն
բաժանումներով և ինքնաբերաբար , առանց սակայն օտար
միջամտութեան պէտքն զգացուելու :

Այս աւանդական քաղաքականութիւնը , ինչպէս յիշուած է
յանգեցաւ արիւնալի և պատմութեան մէջ քիչ անգամ հիշուելով

իւր յուսադամ միայն
յիւր թիցն ըսալ

տեսնուած ծանօթ Պալքան Պատերազմին, որուն հաշուեյարդարութիւնը դեռ մինչև օրս լիովին վերջացած չէ թէև, և սակայն՝ այդ պատերազմի սկզբնաւորութեամբը փակուեցաւ նաև Թուրքիոյ Բարենորոգումներու չորրորդ օրջանը, դեռ 1912 տարին չբոլորուած. այսինքն՝ Օսմ. Սահմանադրութեան վերջայտարարութեան թուականէն հազիւ չորսուկէս տարի յետոյ:

ԲԱՐԵՆՈՐՈԳՈՒՄՆԵՐՈՒ ՀԻՆԳԵՐՐՈՐԴ ՇՐՋԱՆ



Եթէ 1878—1895 և 1895—1908ի Համիտեան Շրջանին ո՛չ ընդհանուր Թուրքիոյ և ո՛չ ալ մասնաւորապէս Թրքահայաստանի—Սրբեւելեան Նահանգներու, ինչպէս կը սիրեն անուանել թուրք հայրենասէրները խորշկերով պատմական անունէն—Բարեկարգութիւնը ոչ միայն տեղի չունեցաւ, այլ և լրացուեցաւ այն ամէնը՝ ինչ որ անհրաժեշտ էր երկիրը անտեսապէս քայքայելու, բարոյապէս մնանկացնելու, զինուորականապէս անպէտ դարձնելու և քաղաքականապէս ոչնչութեան վերածելու համար—այդ դեռ հասկնալի էր: Հասկնալի էր՝ որովհետև արդէն բացատրեցինք թէ բռնապետութիւններու գլխաւոր հոգածութիւնն է իրենց սեփական իշխանութիւնը, անձնական անպահովութիւնը՝ որուն համար պատրաստ են զոհուլ ամէն ինչ: Մենք տեսնք որ Սպարիւլ—Համիտ այդպէս ալ վարուեցան: Չկար այլևս բարեկարգութեամբ Կայսրութիւնը փրկել ցանկացող դահակալը, չկային այլևս բարեկարգութեամբ Հայրենիքն ու Պետութիւնը ակներեւ վտանգէն ազատելու նուիրուած աւանգանիներ ու պետական անձնաւորութիւններ, չկային նաև վարէն, տիրող ժողովուրդէն, բարեկարգութիւն պահանջող և այդ պահանջը ըմբոստացուով պարտադրող դասակարգեր: Այս այդ պատճառով ալ Բարեկարգութիւնը ո՛չ միայն հնարաւոր չէր, այլ անոր խօսքն ալ կարելի չէր ընել:

Բայց մի՞թէ նոյն հոգեբանութիւնն ու նոյն արամադրու-

թիւնները կը ներկայացնէին 1908 Յուլիս 10ի Պետական Հաւուածը առաջացնող Երիտասարդ Թուրքերը: Ինչո՞ւ չիրագործուեցաւ Բարեկարգութիւնը. ինչո՞ւ ամուլթեան դատապարտուեցաւ Սահմանադրութիւնը:— Ոչ մէկ կասկած չկրնար ըլլալ որ Երիտասարդ Թուրքերը անկեղծօրէն բարեկարգութեան ցանկացող և զայն իրագործելու բաղձանքով տագորուած հայրենասէրներ չըլլան: Եթէ Միթհատ փաշայի օրով տասնեակներով միայն կը հաշուուէր բարենորոգականներութիւր, ներկայիս՝ զինուորական ու քաղաքացիական բիւրոկրատիայէն հարիւրներով Երիտասարդ Թուրքեր կարելի է հաշուել:

Բայց ուրիշ բան է բաղձալը, ուրիշ բան է կարենալը: Երիտասարդ Թուրքերը անկարող էին և ե՛ն իրենց ցանկացած Բարեկարգութիւնը ծրագրել և իրագործել: Տակաւին հասած չեն դարգացման, բարեշրջման այդ աստիճանին:

Ըսինք ու կը կրկնենք որ, Թուրքիան բաղկացած ըլլալով աշխարհագրականապէս, տնտեսապէս, կուլտուրապէս, ծագումով ու պատմութիւնով մէկզմէկէ տարբեր երկրամասերով ու ժողովուրդներով, անհար է միեւնոյն օրէնքին ու պայմաններուն ենթարկել ամբողջ Թուրքիոյ երկրամասերը՝ իրենց ժողովուրդներով: Նոյն իսկ միեւնոյն շրջանի, միեւնոյն երկրամասի մէջ գանուող բնակակից ժողովուրդներ կան, ինչպէս օրինակ Հայաստանի մէջ՝ ուր Քիւրտ, Հայ և Թուրք արգաքնակութիւնները բոլորովին կը տարբերին իրենց մշակութիւնը ու ընկերային, կրօնական, քաղաքական ըմբռնումներովը, իրենց բարքերովը ու ընդունակութիւններովը: Քիւրտը՝ պատմութենէ, գրէ ու գրականութենէ զուրկ, կիսաթափառական—կ'ապրի Կայսրութեան մէջ ցեղային—աւատական կազմով ու կիսանկախ: Անհար է որ այդ ժողովուրդը կառավարուի գրով ու գրականութիւնով, պատմութիւնով ու աւանդութիւններով, նատակեաց ու քաղաքակրթութեան որոշ աստիճանի հասած Հայ ժողովուրդին պատշաճօր օրէնքներով:

Պալքանեան Պատերազմէն յետոյ՝ Թուրքիոյ մնացած

գլխաւոր երկրամասերն են Հայաստանը, Կիլիկիան, Միջագետքը, Պաղեստինը, Սուրբան, Արաբիան և Եէմէնը: Այս երկրամասերուն մէջ ամենաընդարձակ ու առաւելագոյն մասերը գրեթէ միատարր են, արար ժողովուրդով բնակուած, Սուրբան, Արաբիան, Եէմէնը, Միջագետքը, մինչեւ Պաղեստինն ու Պարսից ծոցը: Այս ժողովուրդի մեծագոյն մասը կ'ապրի կիսանկախ, ու հասած ըլլալով ազգային որոշ գիտակցութեան՝ կը պահանջէ իր ազգային մշակոյթի ազատ զարգացման և Կայսրութեան մէջ քաղաքականապէս իր արժանի դիրքը գրաւելու իրաւունքը:

Անհար է այլևս կանգնեցնել այդ գիտակցութիւնը և կառավարել այդ ժողովուրդները Հայաստանի, Կիլիկիոյ և Անատոլուի մէկ քանիայլ նահանգներու վրայ հաւասարապէս գործադրել ցանկացուած օրէնքներով:

Հետեւաբար, Թուրքիոյ համապետական բարեկարգութիւնն ու վերածնունդը պայմանաւորուած է շրջանային ու զգային բարեկարգութիւններով եւ վերածնունդով:

Եւ ճիշտ հոս է որ Թուրք բիւրոկրատիայի փոքրամասն բարեկարգիչ տարրը չկրնար հաշտուիլ, որովհետեւ իրեն մէջ ալ ազգային գիտակցութիւնը զարթած ու զարգացած է և ակներև կը տեսնէ թէ մահմետական ու ոչ-մահմետական հպատակ ազգերու թիւին համեմատութեամբ՝ քուրք համարուած տարրը փոքրամասնութիւն կը կազմէ: Չկրնար հաշտուիլ, որովհետեւ Օսմանեան Կայսրութիւնը պատմական ի՛նչ պայմաններու մէջ և ապազգային ի՛նչ բանախնդրով ալ հիմնուած ընդունուի, յամենայն դէպս, ի դիմաց Մեծն Օսմանի և իւր հետեւորդ Տոհմի ու Տաճիկներու՝ Թուրք Կայսրութիւն մըն է: Ուստի՝ Թուրք ազգային գիտակցութիւնը, Թուրք հայրենասիրութիւնը կը թելադրեն պահպանել ու ամրապնդել Թուրք տիրապետութիւնը. մինչդեռ չըջանային-ազգային օրէնքներով Կայսրութիւնը վերակազմուելու, բարեկարգութիւնները այդ ոգիով ու սկզբունքով իրագործուելու պարագային, ըստ այդ հայրենասէրներու սահմանափակ ու չովէն տեսութեան, Թուրք

տիրապետութիւնը կը վտանգուի և Թուրք Կայսրութիւնը իր դիմագիծով կ'այլափոխուի:

Թուրք հայրենասէրներու հայեցողութեամբ, Թուրք տիրապետութիւնը պահպանելու և ամրապնդելու, Թուրք Կայսրութիւնը իր նախկին ուժին ու փառքին հասցնելու համար անհրաժեշտ պայմաններ են՝

ա. Քրիստոնեայ հպատակները չեզոքացնել՝ մահմետական զանգուածին մէջ խառնելով ու պարփակելով:

բ. Ապազգային մահմետականներէն ստեղծել Թուրք Մեծ Ազգութիւնը:

գ. Իրենց ազգային դիմագիծը պահող մահմետական ազգերուն մէջ ուժեղցնել Կրօնքի ու Սալիֆայի ազդեցութիւնը, և մէկ կողմէն կրօնքի, միւս կողմէ՝ դէնքի ազդեցութեամբ պարտադրել համակերպութիւնը՝ Թուրք տիրապետութեան,

դ. Վերածել ազգութիւնները բացարձակապէս կրօնական հմայքներու և նոյնացնել անոնց ազգութիւնները Օսմանցիութեան հետ, այսինքն իրագործել իւրատեսակ ճուղում:

Առանց այս պայմաններուն՝ ամէն մէկ բարեկարգութիւն—, որ իր մէջ կը պարունակէ շրջանային ու ազգային պահանջներուն բաւականութիւն տալու սաղմը, յայտ Թուրք հայրենասէրներու—Յրիտասարդ-Թուրքերու—վտանգ է Թրքութեան և Թուրք Կայսրութեան համար:

Այդպէս է արդեօք:— Դժուար է պատասխանելը:

Քաղաքակրթութեան բոլորաստիճաններուն վրայ գտնուած երկիրներու մէջ ալ այս կարգի հարցերու վերաբերմամբ տիրողներու և տիրապետուողներու, իշխողներու և հպատակներու մէջ հոգեբանօրէն կը տարբերին տեսութիւններն ու դատողութիւնները:

Այս այսպէս ըլլալով հանդերձ՝ բացառութիւններ պակաս չեն և գիտութեան ցուցմունքները կուզան այդ տարբերութիւնները ջնջելու:

Փաստը այն է սակայն որ ընդհանուր առմամբ, աւատական ու պուրժուական դասակարգերու, բիւրոկրատական ու

հոգեւորական դասերու մէջ այդ տարբերութիւնները գոյութիւն ունին: Աւելին: Այդ տարբերութիւնները գոյութիւն ունին ո՛չ միայն տիրապետող ազգերու հոգեբանութեամբ, այլ և տիրապետուածներու մէջ իսկ: Անհնար է պնդել ևհա ստատել որ Արաբ, Քիւրտ, Ալպանացի, Յոյն և Հայ հպատակ ազգերը, իբրև տիրապետուածներ, միեւնոյն կերպով կ'ըմբռնեն, միեւնոյն հոգեբանական ձգտումներն ունին:

Ու որովհետև մեր գլխաւոր նպատակն է կարելի եղածին չափ ուղիղ եղբակացութիւններու հասնիլ, այդ պատճառով ալ այս հարցին ուսումնասիրութեան մէջ միշտ աշխատած ենք երեւոյթները դիտել չափազանց առարկայական կերպով, որպէսզի կարողանանք մեր անաչառութիւնն ու անկողմնակալութիւնը պահպանել:

Արդ, մեր առաջադրած հարցին լուծման մօտենալու համար, պէտք է խոստովանիլ որ Մակեդոնական, Եէգէական քրիստոնեայ Յոյներու, Պուլղարներու, Սերպերու, Բուսնիներու ձգտումներն ու հոգեբանութիւնները ամբողջովին այնպէս չէին կրնար ըլլալ, ինչպէս Հայունն է: Մահմետական Ալպանացիի ձգտումն ու հոգեբանութիւնը այն չէր ըլլար ինչ որ է Քիւրտինը, ինչպէս և՛ Արաբինը, Եէմէնցիինը կամ Սուրիացիինը:

Գաղտնիքներ չէին Մեծ-Յունաստանի, Մեծ-Պուլղարիայի, Մեծ-Սերպիայի իտէպնները: Մակեդոնական և Ալպանական ինքնավարութեանց ձգտումները քաջալերուեցան և մոռնդ ստացան փոքրիկ բայց յաւակնոտ Յունաստանէն, աւելի ինքնավաստահ Պուլղարիայէն, ինչպէս նաև Սերպիայէն, Աւստրիոյ և Իտալիոյ յայտնի և անյայտ պաշտպանութիւնէն ու դժբախտութիւնէն:

Այս պայմաններուն մէջ՝ Երիտասարդ-Թուրքերը կամ Թուրք հայրենասէրները բոլորովին մեղադրելի չեն՝ եթէ կատարեալ վտահոլութիւն չէին տածեր դէպի այդ ազգութիւնները:

Թուրք տիրապետութեան տեսակէտէն՝ Թուրք հայրենա-

սէրներու, — Երիտասարդ-Թուրքերու — տեսածն ու դիտածը, և անոնց մտահոգութեան առարկայ եղած հարցը ճիշտ էր: Փաստի և իրականութեան մասին չէ որ պիտի տարբերինք կողմնակալութեամբ և վիճելի համարենք: — Ո՛չ:

Մեր դիտողութիւնն ու տարբերութիւնը երեւոյթները ամբողջովին չդիտուելուն, պատմութեան ու գիտութեան դասերուն ուշադրութիւն չդարձուելուն և նախազգչութեան համար ձեռք առնուած միջոցներուն մասին է:

Նախ, ըսենք որ հպատակ ազգերու մէջ Հայը ուրիշներէն բոլորովին տարբեր ու բացառիկ դիրքի մէջ կը գտնուի: Հայը չունի իր արեւակից ու կրօնակից ազատագրուած երկիրն ու Պետութիւնը, ինչպէս են Յունաստանը, Պուլղարիան, Սերպիան և Ռումանիան՝ իրենց արեւակից ու կրօնակից ժողովուրդներուն համար, որպէսզի հնարաւոր ըլլայ կասկածիլ և ենթադրել թէ Հայն ալ դէպի իր արեւակից ու կրօնակից Պետութիւնը հակելու ձգտումն ունի:

Հայ Ազգը բաժնուած է այնպիսի ազգերու և պետութիւններու մէջ և շրջապատուած է այնպիսի ժողովուրդներով՝ որ անոր համար խելակորոյս ինքնասպանութիւն պիտի ըլլար եթէ յաւակներ Անկախ Հայաստան ստեղծելու:

Հետեւաբար, մաթիմատիքական ճշդութեամբ, Հայերուն ձգտումն ու իտէպն ալ բոլորովին կը տարբերի: Հայուն բարենորոգչական պահանջներուն հիմը, ամբողջ իտէպլը կը կազմէ ստանալ ապրելու հնարաւորութիւնը, կուլ չերթալ և կուլտուրագէտ ու տնտեսագէտ զարգանալու պայմաններու մէջ դրուել:

Այս բացառիկ դրութեան մէջ կը գտնուի նաև ինքը, տիրապետող Թուրք տարրը: Ճակատագրականօրէն Թուրքին և Հայուն գոյութեան ապահովութիւնը, Թուրք գերիշխանութեան պահպանումը՝ Հայկական գոյութեան համար անհրաժեշտութիւններ կը ներկայացնեն, ուստի և Պետութեան կամ Կայսրութեան վերածնունդին համար Թուրք տիրապետող տարրը, ամէնէն առաջ իրեն յենարան և օժան-

դակ պիտի ունենար իր վիճակին ու ճակատագրին գիտակից
չայ տարրը :

Կայսրութեան վարիչները անընդունակ եղան այս անհը-
րաժեշտութիւնը լիովին և կատարեալ անկեղծութեամբ ըմբռու-
նելու , ըստ այնմ ուղղելով նաև իրենց վերաբերմունքը : Ճիշտ է ,
բերանացի ու գրաւոր կերպով հազար անգամ խոսովանած
են այս ճշմարտութիւնը , առանց սակայն խօսքը գործին հետ
համաձայնեցնելու և խօսուածին անկեղծութիւնն ապացուցա-
նելու : Ընդհակառակը , գործը միշտ հակառակը եկած է հաս-
տատել :

Երկրորդ , չորրիւ Հ. Յ. Դաշնակցութեան փրօփա-
կանտին , չորրիւ նոյն Կուսակցութեան կողմէ մակեդոնացի յեղա-
փոխականներու մէջ գործ դրուած տարիներու աշխատութիւննե-
րուն՝ ստեղծուած էր արդէն Մակեդոնական տեղական Յեղափո-
խական Կուսակցութիւնը՝ համանման Հ. Յ. Դաշնակցութեան
քաղաքական դաւանանքին , որ կ'ընդունէր Կայսրութեան ,
Սահմանադրական Թուրքիոյ անբաժանելիութիւնն ու ան-
ձեռնմխելիութիւնը՝ ազգային ինքնուրոյնութիւնները յարգե-
լով և անոնց ինքնազարգացման իրաւունքները ապահովելու
պայմանով :

Այս դաւանութիւնը եղած է նաև Սուրիացիներու դա-
ւանութիւնը , թէև անոնք չէին դիմած յեղափոխական աք-
թիւ գործունէութեան : Նոյն դաւանութիւնը կը փայլայէր
նաև Ալպանիան :

Այս ազգերը իրենց կազմակերպութիւններով՝ այս սահ-
մանափակ ձգտումներուն անվիճելի ապացոյցը տուին .— ինչպէս
արդէն յիշած ենք— 1908 Յուլիս 10ի աքտով ներհնուած յոյ-
սերու ազդեցութեան տակ և 1909 Մարտ 31ի Սահմանա-
դրութեան և Սահմանադրական կառավարութեան դէմ ուղ-
ղուած Պետական Հարուածի և վտանգի օրերուն :

Երրորդ , ժամանակակից քաղաքակրթութիւնը , արտա-
քին աշխարհի հետ շփումները , ստեղծած են այնպիսի դրու-
թիւն , ազգային գիտակցութեան այնպիսի վերազարթնում— ,

նոյն իսկ կիսավայրենի ցեղերու մէջ ,— որ անհնար է բռնի ու-
ժով , ճնշումով ու հայածանքով ջնջել ժողովուրդներու մէջէն
ինքնագոյութեան բնազդը , անգորութեան դատապարտել
ճշուամի ու հայածանքի դէմ ինքնապաշտպանութեան , և դի-
մադրութեան ներքին բնազդական ձգտումն ու ուժը : Մէկ
խօսքով , անհնար է այլևս ազգութիւնները ձուլել , ապազ-
գայնացնել կամ ջնջել :

Ժամանակակից քաղաքակրթութիւնը ցոյց կուտայ որ ազ-
գութիւնները կը մնան , միայն թէ անոնց մէջ կը ստեղծուին
շահերու նոյնութիւններ , և շահերու նոյնութիւններով միացած
քաղաքական ընկերութիւններ , պետութիւններ : Օրինակները
պակաս չեն և ո՛չ ալ անձանօթ մեր Երիտասարդ Թուրք ղե-
կավարներուն : Ահա՛ Զուլիցերիան . շահերու ներդաշնակու-
թիւնն է որ կը պահպանէ Անգլիական Կայսրութիւնը . այդ
սկզբունքին վրայ է հիմնուած միեւնոյն Գերման ազգին պատ-
կանող՝ բայց զանազան ցեղերու բաժնուող Գերմանական
Դաշնակցական Կայսրութիւնը :

Թուրքիոյ մէջ ապրող ազգերը սակայն , այդ չափերուն
և աստիճաններուն հասնելու յաւակնութիւնն ու պահանջները
ցոյց չէին տուած :

Ուստի , բարենորոգչական յաւակնութիւնն ունեցող , իշ-
խանութեան պատասխանատուութիւնը ստանձնող Թուրք ղե-
կավարներու հայրենասիրութիւնը պէտք է թելադրէր , պէտք
է ստիպէր անկարելին կամ անհնարինը չփորձել , այլ տեղի
տալով անխուսափելիին առջեւ՝ փրկել ու պահպանել այն՝ ինչ
որ հնարաւոր է ընել առանց վտանգի ,— այսինքն պահպանել
Թուրք Գերիլխանութիւնը , Կայսրութեան Թուրք ղեկավարը ,
Կայսրութեան անբաժանելիութիւնը՝ կազմուած ու ապահով-
ուած շրջանային ու ազգային վարչութեամբ և օրէնքներով :

Այս անխուսափելին , կեանքի անհրաժեշտութեան այս
հրամայողականն է որ Երիտասարդ Թուրքերը կամ Թուրք ղեկա-
վար ու պատասխանատու տարրերը չկրցան իւրացնել , չկրցան

մարտիկ և շարունակեցին հետեւիլ այն ուղիին՝ որ աւանդա-
կանն ու կորստաբերն էր :

Աւելին կայ : Բացի սակաւաթիւ անձնուէր ղեկավարներէ ,
Երիտասարդ Թուրքերու մեծամասնութիւնը , Թուրք մտաւո-
րականութիւնը կամ բիւրոկրատիան , ծնունդ ու սերունդ դա-
րերու անշարժութեան և մեղկութեան , շաղախուած ճա-
կատագրապաշտութեամբ , լաւագոյն մտքերով ու զգա-
ցունմաներով յափշտակուած վայրկեաններուն մէջ անգամ հազ-
ուադէպօրէն ընդունակ է կամքիւ ու աքտիւ գործունէու-
թեամբ և անձնագործութեամբ՝ բարձր հայրենասիրութեան , ան-
շահախնդրութեան ապացոյցները տալու : Անոնք մեծ մասով
կաշկանդուած են իրենց դէրքին , պաշտօնին շահերովն ու հա-
շիւներովը :

Այս դառն իրականութեան ապացոյցը տրուեցաւ եր-
կու կերպով .— կամ իշխանութեան տիրանալու համար ,
առանց դէմքերն ու էութիւնները փոխուելու , զանա-
զան անուններու տակ իրարու դէմ առելութեան պայ-
քար մղելով , և կամ՝ ուժը որ կուսակցութեան կողմը
որ տեսնուէր՝ նոյն կուսակցութեան յարելով փոխն
ի փոխ :

Բարբերու և նկարագիրներու այս վիճակով միայն կը բա-
ցատրուի անշուշտ ներքին քաղաքական-կուսակցական կռի-
ւներով վատնուած ժամանակները , որոնք թող չէին տար օր-
կանական շինարար աշխատանքով զբաղելու , մինչև որ հասաւ
Պալքանեան Պատերազմը :

Մեր խոր համոզմունքով , եթէ Թուրք մտաւորականութեան
բիւրակրատական ղեկավար ու պատասխանատու տարրերը
հասած ըլլային զարգացման , բարեշրջութեան այն աստիճանին՝
որ կարենային թօթափել աւանդութիւնները և նախապա-
շարունակները և տեղի տային անհրաժեշտութեան առջև ,
ո՛չ միայն բարեկարգութիւնները իրագործելով ազատ կը մնա-
յին արտաքին միջամտութիւններէ , ո՛չ միայն Կայսրութիւնը
փրկած կ'ըլլային , այլ և կը յաջողէր կազմել Պալքանեան

Դաշնակցութիւն մը , որուն գլուխը կանգնելով՝ կրնային ամ-
բողջ Եւրոպային պատկառանք ազդել :

Այս խոր համոզմունքը ունինք , որովհետեւ ժամանակա-
կից քաղաքակրթութիւնը , քաղաքական ըմբռնումներն ու
ուժերու փոխ յարաբերութիւնները ընազդօրէն կ'ըստեղծեն
մէկ կողմէ կեդրոնաձիգ՝ միւս կողմէ կեդրոնախոյս կազ-
մակերպութիւններ . ուրիշ խօսքով՝ պետութիւններու , քաղա-
քական ընկերութիւններու կազմը կը հիմնուի և կը ներդաշ-
նակուի մէկ կողմէ ասպակեդրոնացեալ և միւս կողմէ կեդրո-
նացեալ սկզբունքներու վրայ : Ուստիկա տեղի կ'ունենայ պար-
զապէս այն բնական պատճառով , որ փոքր անհատա-
կանութիւնները անզօր են ուրոյն կերպով պաշտպան-
ուելու՝ մեծ անհատականութիւններու հանդէպ : Իւրաքանչիւր
անհատականութիւն՝ իր անհատականութիւնը պահելով և
զարգացնելով հանդերձ , կը զգայ անհրաժեշտութիւնը դաշ-
նակցելով ստեղծել կեդրոնացեալ , միացեալ խոշոր անհատա-
կանութիւն , որպէս զի միացեալ ուժերով պաշտպանուին
հարեւան կամ այլ խոշոր անհատականութիւններու դէմ :

Այն զինակցութիւնը՝ որ կազմուեցաւ Պալքանեան
փոքր Պետութեանց կողմէ Թուրքիոյ դէմ , եթէ տեղի չտրուէր
Թուրքիոյ դէմ զինակցելու , նոյն Պետութիւնները պատճառ-
ունէին զինակցելու և պաշտպանուելու Ռուսիոյ , Աւաստը-
րիոյ , Գերմանիոյ , Իտալիոյ նպատակներուն , ծրագիրներուն և
միջամտութեանց դէմ : Եւ այդ միութիւնը առաջացնելու
ամենաանշահախնդիր և վստահութիւն ներշնչող Պետութիւնը ,
Թուրքիան միայն կրնար ըլլալ , որ յաջողութեամբ կրնար
կազմել Պալքանեան Պետութեանց Դաշնակցութիւնը և անց-
նիլ գլուխը այդ Դաշնակցութեան : Անա՛ թէ ինչպէ՞ս կը
հասկնայինք մենք Օսմանեան հայրենասիրութիւնը , քաղա-
ցիական պարտականութիւնը , և կը պաշտպանէինք այս մրտ-
քերն ու գաղափարները :

Մեզ լսող չեղաւ : Եւ կատարուեցաւ ճակատագրականը—
Պալքանեան Պատերազմը , որուն մեծ աղէտները ծանօթ են

և որուն հետեւանքը եղող Օսմանեան Կայսրութեան նոր անդամահատութիւնները յայտնի են :

×

Արեւելեան իւրաքանչիւր պատերազմի հաշուկարգարութեան հետ՝ Թուրքիոյ վերապահուած մասերու գոյութեան ու ապահովութեան, այսինքն Բարեկարգութեան Հարցը դարձած է միջազգային և դաւեմագրական հարց : Նոյնը կրկնուեցաւ նաև Պալքանեան Պատերազմին առիթով :

Այս անգամ սակայն, նախընթացներուն նայելով, տարբերութիւնը անոր մէջն էր որ Պալքանեան Փոքր Պետութիւններու պատերազմը չեղաւ Ռուս Կայսրութեան կողմէ մղուելիք պատերազմի մը առաջամարտը : Օսմ. Կայսրութեան ժառանգութեան բաժանումին շուրջ Մեծ Պետութիւնները իրենց մէջ անհամաձայն էին . ու որպէսզի իւրաքանչիւրը իր ցանկացած պատառը առնելու հետամտելով մէկըմէկու հանդէպ կռուելու և այսպէսով համեւորական պատերազմի նման քաղաքակրթութեան դէմ մեծագոյն ու անօրինակ ոճիրը չգործուէր, Անգլիոյ նախաձեռնութեամբ ու առաջնորդութեամբ պայման ընդունեցին անեանախնդիր ըլլալ և թողուլ որ պատերազմող փոքրերը իրենք վայելեն իրենց յաղթութեան դափնիները :

Այս պատճառով է որ Աւստրիա ստիպուած եղաւ մինչև Սելանիկ առաջանալու իր վաղեմի երազներէն հրաժարիլ : Անոր ամենամեծ յաջողութիւնը եղաւ արգելել որ Սերպիան մինչև Ադրիական չհասնի և ստեղծել անկախ Ալպանիա մը՝ որ անկախած պիտի գտնուի Աւստրիոյ և Իտալիոյ քաղաքական ազդեցութեան տակ :

Մեծ Տէրութիւնները իրենց անշահախնդրութիւնն այս նշանաբանին ճշգրտութեամբ հաւատարիմ չգտնուեցան անշուշտ : Անոնք մէկըմէկու և Պալքանեան փոքր Պետութեանց դէմ լարեցին բոլոր հնարաւոր մեքենայութիւնները՝ ապագային

վերապահելով իրենց շահերու կարգադրութիւնը : Եւորօրէն այս դաւերուն՝ եթէ Մեծերը, ոտից ցլուելս զինուած և կազմ ու պատրաստ ըլլալով հանդերձ, իրարու վրայ չյարձակեցան և զիրար չջոշոտեցին, պատերազմիկ Պալքանեան Պետութիւններն էին որ իրենց մէջ բաժանումի կռիւը յարուցին և Ռուսական իր գիշատիչ ազուաւի դերակատարութեամբը միացաւ Սերպիոյ և Յունաստանի, ու յարձակելով Պուլկարիոյ վրայ՝ յաջողեցաւ զինակցութեան նախապայմաններով անոր յատկացուած պատահները խլել : Աւստրիա ստիպուած եղաւ սրտաճմիկ հանդիսատեսի դերին մէջ մնալ և հանդուրժել որ իր կողքին խրուող Սերպիան աւելի ուժեղնայ և իրեն համար աւելի սպառնալից դառնայ :

1913 Յունուար 10ին, Պապը Արիէն ներս բուռ մը Իթիհատականներու խուժումով իրականացած Պետական-Նոր Հարուածը և իշխանութեան խլումը՝ այն առաւելութիւնը առաջ բերաւ որ մինչ հակաթիթիհատական Քեամիլ փաշայի դահլիճը պատրաստ էր Ադրիանուպոլսի անձնատուութեամբը Եւրոպայէն քաշուել և մայրաքաղաքովն ու չրջականերովը բաւականանալ, Իթիհատական կառավարութիւնը իր զիմադրութեան միջոցները սպառելէն յետոյ միայն Ադրիանուպոլսոյ անձնատուութեան և հետեւանքներուն համակերպեցաւ, ստիպելով սակայն թշնամին՝ որ կանգ առնէ Չաթաճայի շղթային առջև : Իրերու այս վիճակին մէջ, երբ նախկին զինակիրները Պուլկարիոյ վրայ յարձակելով կը յօշոտէին զայն, Իթիհատական կառավարութիւնը զիսցաւ առիթէն օգտուել և պատուելով Լոնտոնեան ու Պուքրէշեան Դաշնագրութիւնները՝ առաջացաւ մինչև Ադրիանուպոլիս՝ իր ակամայ զիջած հողամասերէն կարիւր կտոր մը ետ խլելու համար :

Այս յանդուգն ժէսդը, որ միայն Պուլկարիոյ դէմ էր, կը փոխէր միաժամանակ Թուրքիոյ ռազմական դրութիւնը . փչրուած ու պարտուած բանակը արագօրէն մասնակի վերակազմութիւն մը ստանալով՝ իր կորովին ու բարոյական ուժին

վրայ կրթնած՝ ստիպեց երէկի յաղթողները որ առանձին առան-
ձին իրեն հետ բանակցին և հաշտութեան նոր պայմաններուն
վրայ համաձայնին :

Ճիշդ է որ այս բոլորը թէև Թուրքիոյ պատերը մասամբ
փրկեցին , մեծ բան մը չփրկեցին սակայն զիջուած հողամասերէն :

Կայսրութեան մնացեալ մասերուն համար ալ , անկէ ետք ,
իրբև զերազանցապէս Ասիական Պետութիւն , անձեռնմխե-
լիութեան , անբաժանելիութեան նոր բանաձևն է որ առաջ կը
քշէին Մեծ Պետութիւնները՝ Բարեկարգութեան պայմաններով :

Թուրքիա , իր վերքերը դարմանելու , վերակազդուրուե-
լու և Կայսրութիւնը ապահովելու համար՝ այլեւս պէտք ունէր
անվիճելի և անցետաձգելի Բարեկարգութեանց , Եւրոպայի
դրամին , ուղեղին և մասնագիտութեանը . մէկ խօսքով անոր
առաջնորդութեանն ու աջակցութեանը . Եւրոպան պէտք է որ
թէ՛ դրամ տար և թէ՛ մասնագէտներ : Իսկ Եւրոպան իր մա-
տուցանելիք այս ծառայութիւնները բնական է որ ձրի չկա-
տարեր : Պետութիւններէն բոլորն ալ ունին Թուրքիոյ հետ
իրենց առկախ և իրարու հետ փոխադարձ համաձայնութեան
կարօտ խնդիրներ և հաշիւներ : Ու անճանախնդիրները սկսան
իրենց ճանախնդրական բանակցութիւններուն , կանխազարա-
բելով որ մինչև առկախ խնդիրներուն կարգադրուելը ո՛չ մէկ
աջակցութիւն պէտք չէ յուսալ իրենցմէ :

Բանակցութիւններու ընթացքը ցոյց տուաւ որ Ասիա-
կան Թուրքիոյ անձեռնմխելիութիւնն ու անբաժանելիութիւնը
այն արժէքն ունի Մեծ Պետութեանց համար , ինչ արժէք որ
ուճեցեր էր Եւրոպական եւ ամբողջ Թուրքիոյ ամբողջակա-
նութեան պահպանութեան , անձեռնմխելիութեան սկզբունքն
ու յանձնառութիւնները , որոնք դաշնագրերով ալ վա-
ւերացուած էին :

Եւ պէտք է խոստովանիլ որ այս անգամ Պետութիւն-
ները աւելի անկեղծ եղան , ցոյց տալով որ իրենց այս վարդա-
պետութիւնը Բարեկարգութեանց հետ պայմանաւորեալ յե-
տաձգուած մըն է վերջնական հաշուեյարդարութեան , և իբր

Նախազգուշութիւն՝ իրենց շահերու ապահովութեան համար նա-
խամեծար կը համարեն ազդեցութեան սահմաններ կանխագծել :

Իրերու այս դրութեան հանդէպ չէին կրնար անտար-
բեր մնալ և հպատակ ազգերը :

Կայսրութեան վերջին անդամահատութիւնէն , այսինքն
Եւրոպական Թուրքիոյ գրեթէ ամբողջական բաժանումէն յե-
տոյ՝ բազկացուցիչ ազգերու թիւն ալ բնականաբար յապաւ-
ման ենթարկուեցաւ :

Տիրապետող Թուրք Ազգերէն յետոյ՝ հաշուի առնուե-
լիք ազգը Սլաւն էր , որ իր թիւումն ու որակովը առաջին
տեղը կը բռնէ Պետութեան մէջ՝ ըլլալով միաժամանակ տիրապե-
տող Թուրք ազգի համար ալ մտահոգութեան գլխաւոր առարկայ :
Սլաւ ազգը—տարածուած Կարմիր Ծովի , Միջերկրականի ափե-
րէն մինչև Պարսից ծոցի եղերքը—առ ի չգոյէ վիճակազրական
ստոյգ տեղեկութիւններու , Կայսրութեան սահմաններուն
մէջ կարելի է հաշուել , մօտաւորագոյն հաշուվ առնուազն
Թուրք տիրապետող ազգին կրկինը :

Բայց Սլաւ ազգը , որ Հնորիւ իր պատմական բարձր
մշակոյթին իր լեզուովը , գրովն ու գրականութեամբը , առա-
ւելապէս իր կրօնքովը՝ տիրած է տիրապետող ազգին վրայ ,
և առանց հեռացած ըլլալու նաև իր բնավայրէն—կը շարունակէ
պահել իր ազգային դիմագիծը : Անիկա միեւնոյն ատեն ապրած
ըլլալով կրօնքով , անոր մէջ նոյնացած ըլլալով ազգութիւնն ու
կրօնքը , աւելի՛ եւս մնալով հոծ ու անխառն , իրեն մէջ տակաւին
ամբողջովին չէ զարգացած ազգային կեանքի գաղափարը :

Սրաբական շրջաններու մէջ ալ չեն հաստատուած
թուրք անունը կրող էապէս ապազգայնացած մահմետա-
կան գաղթականութիւններ : Սլաւ նոյն շրջաններուն մէջ
Թուրք տարրի և տիրապետութեան գոյութիւնը կը զգացուի
պաշտօնավարող քաղաքային և ղինուորական պաշտօնեանե-
րու ներկայութեամբը :

Այն անդամանքը , որ առհասարակ մահմետական
ազգերու սեփական քաղաքակրթութիւնը դարերէ ի վեր

կանգ առած է, մնալով անհաղորդ Արեւմուտքի քաղաքակրթութեան ու կրօնական պատճառներով մեկուսացած անկէ, և թէ Արարական Կայսրութեան անկումէն յետոյ մանաւանդ պակտած է Արարական Հատուածները ընդհանուր գաղափարով մը շողկապող, քաղաքական ու մշակոյթային ո՛ր և է ազդակ ու իտէպլ—այս հանգամանքը՝ գերազանցապէս նպաստած է որ Արար ազգի հատուածները զանազան ազդեցութեանց ենթարկուին: Այս է պատճառը որ այդ ժողովուրդը Արեւելեան Հարցի ներկայ փուլին ժամանակ անպատրաստ էր Արարական Ընդհանուր Հարցը ձեւակերպելու և պաշտպանելու տեսակէտով: Ասոր հետ մէկտեղ, գոյութիւն ունի Արար իւրաքանչիւր հասուածի հարցը, այսինքն՝ Կայսրութեան սահմաններուն մէջ աշխարհագրական, կլիմայական ու անտեսական տարրեր աստիճաններու ու պայմաններու տակ բնակող արար կամ արաբալսու ժողովուրդներու հարցը: Այդ մասերէն իւրաքանչիւրը ո՛չ այնքան հեռուոր սպագայի մէջ պիտի ստանայ աւելի մեծ կարեւորութիւն՝ քան ինչ որ ստացաւ Մակեդոնականը կամ Հայկականը:

Արդէն Եէմէնի մէջ կիւշխեն կրօնա-քաղաքական աւատականներ, որոնք կրթնած իրենց զիննակ ուժին վրայ՝ երբեք առիթը չին փախցնել Կայսրութեան ներքին ու արտաքին բարդութեանց ենթարկուած վայրկեաններէն օգտուելու և իրրև պատերազմոզ կողմ՝ հաշտութեան պայմաններ կնքելու Օսմ. Կայսրութեան հետ, այսպէսով վաւերացնել և հաստատել տալով իրենց կիսանկախ դրութիւնը: Քովէյթի Շէյխութեան պէս կրօնա-քաղաքական աւատապետութիւններ կան՝ որոնք կ'օգտուին Թուրք-Անգլիական մրցակցութիւններէն և հրապուրանքներէն՝ իրենց կիսանկախ դրութիւնը ամրապնդելու համար: Աւելորդ պիտի ըլլար նաև ո և է յիշատակութիւն՝ Մէքքէի էմիրութեան զբաւած դիրքի մասին, նպատակ չունենալով Արար Ազգի ներկայ կացութեան ամբողջական վերլուծումն ընել:

Անհրաժեշտ է նկատի ունենալ միայն այն՝ որ Կայսրութեան արաբաբնակ երկրամասերէն առաւելագոյն և լայնածա-

ւայ հատուածները կը գտնուին Անգլիոյ գաղթային քաղաքական ծրագիրներուն և ազդեցութեան շրջանակներուն մէջ: Իսկ Սուրիական և Լիբանանեան հատուածի վերաբերմամբ՝ Ֆրանսական Կառավարութիւնը առիթը չի փախցնել հանդիսաւորապէս յայտարարելու թէ Սուրիան և Սուրիական ժողովուրդը իր պաշտպանութեան տակ կը գտնուի:

Եւ արդէն Ֆրանսա տարիներէ ի վեր իր կրթական հիմնարկութիւններովը, իր կրօնական առաքելութիւններովը ու տնտեսական ձեռնարկներովը, ինչպէս նաև գիււանապետական ներկայացուցիչներու կայաններովը՝ ազդեցութեան նուաճումներ գործած և կիսաեւրոպականացուցած է Սուրիան: Իր կրած քաղաքակրթական այս բարեշրջութեան բերմունքովը իսկ՝ Սուրիան հասցուցած է ազգային գիտակցութեան տէր ինտելիգենտ սերունդ, որ գուցէ տեղական առանձնայատուկ պայմաններու բերմամբ՝ նախապատուութիւն է տուած յեղափոխութեան խաղաղ ձանապարհին:

Սուրիոյ Բարեկարգութեան Դատին պաշտպանութեան համար կազմակերպուած և կօմիտէական մասնաճիւղեր հաստատուած էր թէ Երկրին մէջ և թէ Երկրէն դուրս, ինչպէս Պէյրութի նոյնպէս և Բարիզի ու Եգիպտոսի մէջ: Այդ կազմակերպութիւնն էր որ, Պալքանեան Պատերազմի յուսահատական փութիւնն էր որ, 1912 Դեկտեմբերին և 1913 Յունուարին, լերու օրերուն, խարութեան, ժրաջան աշխատութիւնառանց կրօնի խարութեան, ժրաջան աշխատութիւնաներու գնով յաջողեցաւ Պէյրութի նահանգի արաբական բոլոր խաւերու ներկայացուցիչներէն բաղկացած կան Ընդհանուր ժողով մը գումարել և մշակել Սուրիական Նահանգի Բարեկարգութեան Ծրագիր մը, զոր անօրինակինքնալստահութեամբ մը օրէնքի ձեւով քուէարկել տուաւ և քուէարկուած ծրագրի գործադրութիւնը յանձնեց նոյն ժողովէն ընտրուած Գործադիր Մարմնի մը:

Ասիկա այն օրերուն պատահեցաւ, երբ Եւրոպա տակաւին շուարած վիճակի մէջ ըլլալով. չէր գիտեր թէ ինչ պիտի ըլլայ պատերազմի վերջնական ելքը և զբաղած էր Պա-

տերազմը տեղականացնելու, Աւստրիան չէզոքացնելու և Ռուսական զրգոտումներու առաջը առնելու մտահոգութեամբ, յայտարարելով թէ՛ մինչև որ այդ կնճիռները չի լուծուին, Եւրոպան Թուրքիոյ ընդհանուր և Երզնայի Բարեկարգութեանց կամ բաղկացուցիչազգերու հարցերով չպիտի զբաղի:

Սուրբազգիք սրամաղբութիւն ջոյց չառւին սպասելու և իրենց դատը Միջազգային Դիւանագիտութեան սեղանին վրայ դնելու: Լուրջ պատճառներ կան ենթադրելու որ այս խուսափումը հետեւանք է նոյն ինքն Փրանսայի ցանկութիւններուն ու հայեացքներուն: Փրանսա ինքն է որ չուզեր վէճի ու զիջումներու առարկայ դարձնել իր Ազգեցութեան Շրջանակին պատկանող ու է ինդիր, ինչպէս Ռուսիա փորձած է ընել նոյնը Հայաստանի վերաբերմամբ:

Կակամ չկայ որ Ռուսիա նոյն բանն ընել կը փափաքէր. բայց երբեմն մինակ Անգլիա, այժմ՝ Անգլիա և Գերմանիա միանգամայն կը հարկադրեն իրենց համաձայնութիւնը ո՛ր է է քոմպլիէզընտի կամ քոմփրոմիսի համար, որուն տեղի տայ ստիպուած է Ռուսիա:

Իսկ Անգլիա և Գերմանիա միեւնոյն ձգտումներն ու պահանջները չունին հանդէպ Փրանսայի՝ Սուրբոյ վերաբերմամբ: Որոշ բան մը չենք կրնար ըսել: Իրողութիւնն այն է որ Սուրբիան իր Շրջանային Բարեկարգութեան հարցը իր իսկ ձեռքով վճռելու աշխատեցաւ, տարով վերոյիշեալ Ազգային Ընդհանուր Ժողովին օրէնագրական Հիմնադիր ժողովի հանգամանք:

Գործադիր Յանձնախումբին կնիքով չըջարեցուած և մամուլին հաղորդուած ծրագրին բովանդակութեան նայելով՝ Պէյրութի անունով ներկայացուած Սուրբիական Շրջանային Բարեկարգութեան Խնդրին մէջ բարենորոգչականները չէին տարբերէր Հ. Յ. Իսչնակցութեան պաշտպանած հայեցակէտի ընդհանուր գծերէն, գլխաւորապէս Կայսրութեան անբաժանելիութեան հիմնական սկզբունքով:

ՀԱՅԿԱԿԱՆ ԲԱՐԵՆՈՐԳՈՒՄՆԵՐՈՒ ՎԵՐՉԻՆ ՆՈՐ ՁԵՌՆԱՐԿԸ

Պարզեցինք թէ Հայութիւնը Համիտեան Բէթիմի առանձնայատուկ ու բացառիկ դո՞ն էր և թէ Սահմանադրական կառավարութիւնը պարտաւոր էր դարմանել Հայուն կրած մահացու վէրքերը: Այս պարտականութիւնը կը բղխէր մէջ միայն կարգի ու իրաւունքի սկզբունքը ընդունող ու այդ սկզբունքով ղեկավարուող իրաւական պետութեան զաղափարէն՝ այլ և Թուրք տիրապետութեան շահերէն իսկ:

Իթթիհատական կառավարութիւնը ցարդ չկատարեց իր այդ պարտականութիւնը, թէև Հ. Յ. Իսչնակցութեան հետ կնքած համաձայնութեամբ գրաւոր յանձնառութիւններ ունենար: Ընդհակառակը ստեղծուած անհանդուրժելի կացութեան չնորհիւ, Հայ Ժողովուրդի ցաւերն ու տառապանքները կարծես յաւերժական մնալու դատապարտուած էին, ուստի և դժգոհութիւնն ու բողոքներն ալ քրոնիկ և պարբերական էին դարձած հետզհետէ կրկնուող յափշտակութեանց, առեւանգութեանց, սպանութեանց, բռնի ու խարդախ կրօնափոխութեանց ու զբաւումներու դէմ:

Հայոց Պատրիարքարանի կողմէ տրուած բազմաթիւ թագրիրներու իբր լրացումն՝ նախանցեալ տարի յիշատակազիր մը ևս ներկայացուեցաւ Բ. Դրան՝ Պատրիարքարանի կողմէ:

Իթթիհատական Կառավարութեանէն յետոյ, իշխանութեան գլուխ անցնող հակաթթիհատական Մուխթար և Քեաւմիլ փաշաներու կառավարութեանց օրով՝ առհասարակ միւթէղալիպէները և մասնաւորաբար քիւրտ աւատապետները աւելի ևս քաջալերուեցան, որով և Հայաստանի դրութիւնը աւելի ևս բարդացու: Չկարգադրուեցաւ ոչ իսկ Հողային Խնդիրը, որուն մասին բազմաթիւ բողոքներ և խոստումներ եղած էին:

Քեամիլ փաշայի կառավարութիւնը՝ Եւրոպայի և մաս-

նաւորաբար Անգլիոյ ու Յրանսայի բարեկամութիւնը գրաւելու համար, ո՛չ միայն ինքզինքը տրամադիր ցոյց կուտար հաշտութեան համար թեկադրուած պայմանները ընդունելու՝ այլ և Կայսրութեան մէջ տրջանային կամ վարչական ապակեդրոնացումը վրայ հիմնուած ըէժիմ մը ստեղծելու և լայն բարենորոգումներ իրագործելու :

Այս յայտարարութիւններուն համաձայն, Բ. Դրան մէջ կազմուած մասնաւոր Յանձնախումբեր իրարու կը յաջորդէին, որոնց պաշտօն կը յանձնուէր ինդիքը ուսումնասիրել և ծրագրերներ կազմել : Եւ որպէս զի կանխուի Եւրոպայի հաւանականաբար յարուցանելիք Հայկական Հարցը կամ Բարեկարգութեանց Խնդիրը, յատուկ Յանձնախումբ մըն ալ կազմուէր էր Արեւելեան Նահանգներու Բարեկարգութեանց ուսումնասիրութեան և ծրագրի կազմութեան համար : Ու այս նախաձեռնութեան իբր թէ լուրջ ընաւորութիւն ընծայելու համար՝ Քեամիլ փաշայի դահլիճը նպատակայարմար սեպած էր շօշափել նաև Հայոց կարծիքը կամ բաղձանքները, և այդ բանին ընական աղբիւններն էր նկատած ո՛չ թէ Հայ Քաղաքական Կուսակցութիւնները և Պատրիարքարանի պաշտօնական Մարմինը—Վարչութիւնը—այլ անհատներ, վաճառական, կրօնական և հրապարակագիր դասակարգէն, որոնց մէջ, օրինակ, Համիտեան Բէժիմի Հորհրնիկալ նախկին Պատրիարք Օրմանեան Մաղաքիա արքեպիսկոպոսը :

Կուսակցական Մամուլը և Պատրիարքարանը բողոքեցին Բ. Դրան այս վերաբերմունքին դէմ, որ կը կատարուէր Օրմանեանի պատրիարքութեան ժամանակի Ազգ. Վարչութեան Ատենապետ և օրուայ Ազգային Ընդհանուր Ժողովի Ատենապետ Նորատունկեան Գարբիէլ Էֆէնտի ներկայութիւնն իր մէջ ունեցող Նախարարութեան մը կողմէ, որպիսին էր Քեամիլ փաշայի դահլիճը :

Խաղը վիժեցաւ :

Արարներու հետ սկսուած բանակցութեանց ընթացքն ու Հայերու վերաբերմամբ ցոյց տրուած այս վարուելակերպը

կասկած չէին թողուր Քեամիլ փաշայական նախաձեռնութեան էութեան մասին, որ նման պարագաներու մէջ Բ. Դրան կողմէ նուիրագործուած բարքերու կրկնութիւնն էր : Եւ ինչ վստահութիւն կարող էր ներշնչել կառավարութիւն մը իր մտադրութեանց անկեղծութեան մասին՝ երբ նոյն ա դ կառավարութիւնը միեւնոյն ժամանակ Երկրի մէջ յաճախադէպ ոճիրները անպատիժ կը թողուր. ընդհակառակը, ի լրումն այս բողոքին, սկսեւ էր դիւային հալածանք մը ծրագրել Հ. Յ. Դաշնակցութեան դէմ, ուժի մը դէմ՝ որ արդար Դատի մը պաշտպանութեանը նուիրուած էր : Բայց իրերու դրութիւնը այս վիճակին մէջ ալ չմնաց :

Հակա-Իթթիհատական Քեամիլ փաշայի նախարարութիւնը՝ Պալքանեան Պատերազմին առիթով թեկադրուած հաշտութեան պայմանները ընդունելու համար չի համարձակեցաւ պատասխանատուութիւնը միս-մինակը վերցնել. ուստի առ ի չգոյէ Օսմանեան Խորհրդարանին, դիմեց այն միւնեոյն մեթոտին՝ ինչ մեթոտի որ դիմած էր 1876-77ին—Ռուս-Թրքական պատերազմի նախորդակին—Միթհատ փաշան՝ հրաւիրելով Մայրաքաղաքին մէջ գտնուած Պետութեան հեղինակաւոր անձնաւորութիւնները, որպէս զի Պետութեանց կողմէ եղած վերջնական առաջարկները ընդունելու կամ մերժելու շուրջ խորհրդակցին : Նոյնն ըրաւ նաև Քեամիլ փաշան : Պալատին մէջ խորհրդակցութեան հրաւիրուեցան Պետութեան աւագանիներ, բարձրաստիճանաւորներ և ձեռնհաս համարուած անձնաւորութիւններ, որոնք հաստատեցին Կառավարական տեսակէտը : Այդ նիստին շուգեցին մասնակցիլ Իթթիհատական յայտնի դէմքերը, ինչպէս Մամուլ Եէվլէթ փաշան :

Քեամիլ փաշայի նախարարութիւնը դեռ չէր յաջողած այդ ժողովին որոշումները գլուխ հանելու, և ահա՛ Իթթիհատը իրագործեց Յունուարեան Պապը-Ալիի Պետական Հարուածը՝ անցնելով վերատին իշխանութեան գլուխը : Եւ այսպէս՝ Նոր Կառավարութիւն, Նոր Հոսանք :



Մենք արդէն յիշատակեցինք Իթթիհատական նոր Կառավարութեան ցոյց տուած կորովն ու ձեռք բերած յաջողութիւնները, վեր առնելով Անդրիանուպօլսոյ և շրջականերու վերադարձման և պարտուածի պատիւը մասամբ փրկած ըլլալու պարագան :

Բայց այս յաջողութիւններն ինքնին անբաւական էին պատերազմի հետեւանք եղող հաշուեյարդարութիւնները վերջացած նկատելու համար :

Մեծ Պատուիթիւնները թէև հողային անշահախնդրութեան պայմանն ընդունած և յանուն հասարակչութեան, Ասիական Թուրքիոյ բաժանման վտանգը հեռացուցած էին, բայց ատոր փոխարէն երկաթուղիներու շինութեան և այլ քոնսէսիտններու ձեւին տակ՝ Գովէյթի, Միջագետքի, Տրքրիսի նաւարկութեան, Պաղտատի երկաթուղիի, Օսմ. Ընդհանուր Պարտուց վարչութեան, փոխատուութեանց, բարեկարգութեանց և նման ինքիբներ էին յարուցուած, որոնց այս կամ այն կերպ լուծումը կապուած էր Կայսրութեան բազդին հետ :

Ահա այդ ժամանակ է որ ձեռք առնուեցաւ նաև Հայկական Բարեկորդմանց Հարցը :

Բայց այս անգամ Թուրքիոյ Հայոց Պատրիարքարանը կամ Պատրիարքը չէր որ խնդրին մղում տալու նախաձեռնութիւնն ստանձնեց, այլ՝ էջմիածնի Հայոց Ընդհանրական Կաթողիկոսն էր, որ, անշուշտ տեղի ունեցած մասնաւոր թելադրութեամբ, իր կողմէն պատուիրակութիւն մը զրկեց Բեթրսպուրի՝ Ռուս Կառավարութեան տրամադրութիւնները իմանալու համար, թէ՛ արդեօք պիտի ընդունէ՞ր Հայկական Դատի պաշտպանութիւնը Միջագետքին Դիւանագիտութեան առջև :

Բաջալերուած Կովկասեան Փոխարքայութեան և Բեթրսպուրի Կեդրոնական Կառավարութեան համակիր վերաբերմունքէն՝ Կաթողիկոսը իր կողմէն Եւրոպական Պատուիրակութեան անդամներ նշանակեց իրեն առաջարկուած թեկնածուները, որոնց գլուխը կը գտնուէր Եգիպտոսի հռչա-

կաւոր պետական մարդուն, հանգուցեալ Նուպար փաշայի որդին՝ մեծահարուստ Պօղոս Նուպար փաշան, որ արդէն յայտնի դէմք մըն է Եւրոպական Ֆինանսական աշխարհին և Անգլիական ու Ֆրանսական դաշխիճներուն համար : Պատուիրակութեան միւս անուանական անդամներն էին՝ Եգիպտոսէն ուրիշ ականաւոր հայ մը՝ Եագուպ Արթին փաշա, Իւթիւձեան Գէորգ Եպիսկոպոս, Ղալաթիոյ Կեդրոնական վարժարանի երբեմնի տեսուչ Պ. Մոստիչեան և Պ. Մինաս Չլրազ :

Այս Պատուիրակութեան դերը պիտի ըլլար Եւրոպական Դաշխիճներուն մօտ պաշտպանել Հայկական Դատը և Լոնտոնի մէջ գումարուած դեսպաններու Խորհրդաժողովին քննութեան առարկայ դարձնելու աշխատիլ : Իրականութեան մէջ սակայն Պատուիրակութեան միւս անդամակիցները մնացին անուանական և իւրաքանչիւրը իւր սեփական գործին գլուխը : Պօղոս Նուպար փաշան ինքն էր ամէն ինչ, ստեղծելով իր շուրջը բացակայող անդամակիցներուն փոխարէն այլ անձնաւորութիւններէ բազկացած Խորհրդակցական Բիւրօ մը : Այս Բիւրօն եւս գործօն դեր մը չունեցաւ և իրերու բերմունքով նոյնքան անուանական մնաց՝ որքան Պատուիրակութեան միւս Հաւաքական Մարմինը :

Պօղոս փաշանախ աշխատեցաւ Անգլիոյ Արտաքին գործոց Նախարարին, Սըր Էտուրդ Կրէյի, — Լոնտոնի Դեսպաններու Խորհրդաժողովին նախագահը միանգամայն — տրամադրութիւնը պատրաստել Հայաստանի Բարեկորդմանց Հարցը Խորհրդաժողովին նիւթ դարձնելու համար : Այդ տրամադրութիւնը բացասական եղաւ նախ այն առարկութեամբ որ մինչև Բարիզի մէջ գումարելի Ֆինանսական Խորհրդաժողովի աշխատանքներուն վերջնայալը՝ Լոնտոնի Խորհրդաժողովը ուրիշ ոչ մէկ կողմնակի հարցերով պիտի զբաղի :

Բայց Լոնտոնի Խորհրդաժողովը աւելի երկար կեանք չունեցաւ, ինչպէս և Բարիզինը : Պատերազմող կողմերու լիազօրներն այլ — մէկ կողմը՝ Պալքանեան Դաշնակիցները և միւս կողմը՝ Օսմանեան Պետութիւնը ներկայացնող — Լոնտոնի մէջ

գումարուած էին հաշտութեան բանակցութիւնները վարելու համար: Ու բանակցութիւնները վերջանալուն և Լոնտոնի անունով մկրտուած Դաշնագիրը ստորագրուելուն պէս—որով Սեւ Լեռան կառավարութիւնը կը պարտադրուէր Շքոտրան նորաստեղծ Արլանիոյ թողուլ—արձակուրդով ցրուեցաւ՝ այլ եւս չգումարուելու համար:

Բայց Ռուս Կառավարութիւնը ինք ստանձնեց նախաձեռնութիւնը՝ Հայկական Հարցը միջդատարկայն բանակցութեանց առարկայ դարձնելու համար:

Անգլիական կառավարութիւնը առաջարկեց խնդիրին քննութիւնը կեդրոնացնել Լոնտոնի մէջ, բայց Ռուսիոյ պահանջումով որոշուեցաւ կեդրոնացնել Թուրքիոյ մայրաքաղաքին մէջ: Ու այդպէս ալ եղաւ:

Այդպէսով, Պերլինի Վեհաժողովին կողմէ կամ Պերլինի Դաշնագրութեան 61րդ յօդուածով Հայկական Հարցը միջազգային դաշնագրական խնդիր դառնալէ յետոյ՝ երրորդ անգամն ըլլալով Հայաստանի բարեկարգութեանց խնդիրը պաշտօնապէս կը դրուէր Միջազգային Սեղանին վրայ:

Դժբաղդութիւնը հոն է սակայն որ, ո՛չ բարեկարգութիւն պահանջողը որոշապէս գիտէր թէ ի՞նչ տեսակ բարեկարգութիւն է իր փափաքածը, և ո՛չ ալ տուողը՝ թէ ի՞նչ և ո՞րքան պիտի տայ:

Ընդհանուր բառերով Հայը կը պահանջէր որ իրեն արուելի կեանքի, ինչքի և պատուի ապահովութիւն և մշակոյթով ու անտեսապէս զարգանալու հնարաւորութիւն: Եւրոպան ալ նոյն բանը կը կրկնէր: Բ. Դուռը՝ նոյնպէս ո՛չ նուազ հաւաստիացումներ է որ կուտար, ըսելով թէ ապահովութիւնը պիտի հաստատէ, խորութիւնները պիտի ջնջէ և ազգերու համաբաշխութիւնը գլուխ պիտի բերէ, սամհանելով նաև երկրին մէջ բնակող բոլոր ազգութեանց տնտեսական ու քաղաքակրթական զարգացումը դիւրացնող կարգեր:

Բայց ի՞նչպէս և որո՞ւ միջոցով:

Ու մինք տեսանք թէ այս փափաքները իրագործելու

արգելք եղող ո՛րպիսի պատճառներ ու բարդութիւններ կան: Ամէն անգամ որ Բարեկարգութեանց Հարցը կը շօշափուի, մէջտեղ կը ցցուին. ա) Ընդհանուր Բարեկարգութեան, բ) Շրջանային Բարեկարգութեան, գ) Ազգերու գոյութեան կամ անհատականութեան հարցերը, ու վերջապէս՝ դ) Կեդրոնացումի և ապակեդրոնացումի սխաէմները: Ասոնց բոլորին գլուխը կեցած է նաև իրագործել կարենալու անլոյծ հանգոյցը:

Չէ՞ որ ի՛նչ ծրագիր, ի՛նչ սխաէմ, ի՛նչ օրէնք ալ որ մշակուելի, այդ ընդունուածը իւրացնող, իր գիտակցութեան ու համոզումներուն մէջ տեղաւորող և իր հոգիէն բղխող գործադրիչներու պէտքն է կարեւորը:

Այս բոլոր հարցերուն պատասխանները նոր պիտի գտնուէր, հանգոյցի լուծումը նոր պիտի ուսումնասիրուէր:

Ու Կովկասէն մինչև Ամերիկայանձնաժողովներ, պատուիրակութիւններ է որ կազմուեցան, պաշտօնական ու անպաշտօն բոլոր տարրերը, ձեռնհաս ու անձեռնհաս, բոլորը, բոլորը դիւանագէտներ ու ազգասէրներ դարձան: Կաթողիկոսական Եւրոպայի Պատուիրակութիւն, Թիֆլիսի Յանձնաժողով եւ այլն սկսան անջատ, մէկզմէկէ անտեղեակ ծրագիրներ մշակել: Ասոնց հետ՝ տակաւին պատմութեան կը մնայ լոյս աշխարհ բերել թէ ի՞նչ դեր կատարած են Հայ Գաղաքական Կուսակցութիւնները հաւաքաբար թէ առանձնապէս և ի՞նչ չափով. կամ ի՞նչպէս եղած է որ Հայ Պատուիրակութեան պաշտպանած նախագիծը դարձած է Երրեակ Համաձայնութեան, կամ աւելի ճիշտ՝ Ռուս Դիւանագիտութեան առաջարկած ծրագրի հիմք: Տեղի ունեցած իրադարձութիւնները աչքի առջև բերելով՝ կարելի է որոշապէս ըսել թէ հայկական իրականութեան մէջ ամենէն աւելի քաղաքական հաստունութիւն ունեցող որոշ տարր մը իր ազդեցութիւնն ունեցեր և անոր նախաձեռնութիւնով ծրագրուածն է նախապատուութիւն ստացեր, դառնալով սեփականութիւնը Ազգային Պաշտօնական Մարմիններուն և Կաթողիկոսական Պատուիրակութեան:

Դիւանագիտական շատ իրադարձութիւններ անծանօթ են. ծանօթ եղածներուն անգամ պատմութիւնն ու վերլուծումը լիովին տալ վաղաժամ ու անհար է. ուստի կը մնայ բաւականանալ այն չափով՝ ինչ չափով որ հնարաւոր է :

Մեր սուած պատմական ընդհանուր բայց ամբողջ ուսումնասիրութեամբ պարզած ըլլալ կը կարծենք այն որ՝ Թուրքիոյ Բարեկարգութեան Հարցը, իրերու բնական ընտանացումով, առաջ էր բերած կեդրոնացումը եւ ապակեդրոնացումի, ընդհանուր և Երջանային բարեկարգութեանց ու ազգային անհասկանութեանց պահպանման եւ զարգացման հարցերը :

Հայկական Բարենորոգմանց Խնդիրը, ըստ ինքեան, Երջանային և ազգային անհասկանութեան բնոյթը ունէր, ուստի և ծրագիրը միայն այդ նպատակը կարող էր նկատի ունենալ :

Ո՞րը պիտի ըլլար այդ շրջանը :

Պետութեանց 1895ին ծրագրած և Օտմ. Կառավարութեան նոյն տարին հրատարակած Հայկական Բարենորոգմանց օրէնքը ստեղծած էր արդէն այդ շրջանը— Վեց Նահանգներ, Էրզրում, Բաղէշ, Վան, Տիգրանակերտ, Խարբերդ և Սերասուիա :

Բայց այդ նահանգներուն մէջ իրագործուելիք բարեկարգութիւնները իրականապէս Երջանային ըլլալու և ազգային անհասկանութիւնները ապահովելու համար՝ անհրաժեշտ էր Համիտեան նպատակաւոր կոտորակումները ջնջել և ընդհանուր նահանգի մը վերածել, գտելով անկէ ո՛չ-հայկական դիտումնաւոր խառնուրդները :

Այդ եղաւ ծրագրի առաջին հիմնաւորութիւնը :

Ատոր անմիջական ու բնական հետեւութիւնը պիտի ըլլար անշուշտ, որ այդ ընդհանուր մէկ Նահանգը ունենայ և մէկ Ընդհանուր Նահանգապետ :

Ընդհանուր Նահանգը և Ընդհանուր Նահանգապետութիւնը ընդունուելէ յետոյ, պահելով հանդերձ գաւառային

(սամնագ), գաւառակային (գալգա) և գիւղախմբական (նահիլէ) վարչական ստորաբաժանումները, դժուար էր ըլլար այդ ստորաբաժանումները ենթարկել նոր շրջանակարաչխումներու, հնարաւորութիւն տալու համար, ըստ կարելոյն, միատարր անտեսական ու կուլտուրական համախմբումներու :

Շրջանային Վարչութիւն ստեղծելու թկադրիչ նպատակն է այն՝ որ իւրաքանչիւր Երջան իր պէտքերն ու անհրաժեշտութիւնները աւելի կ'իմանայ՝ քան Կեդրոնը, և իր նախաձեռնութեամբը աւելի շուտ իւր պահանջներուն բաւականութիւն տալու կը հետամտի՝ քան Կեդրոնը :

Հետեւաբար ծրագրի երկրորդ հիմնական պայմանը պիտի ըլլար տալ Շրջանային Վարչութեան այնպիսի իրաւասութիւններ և պարտադրութիւններ, որոնցմով կարողանար որոշել ինքն իր պէտքերն ու անոնց դարմանները :

Մինչև և ո՞ր կրնային հասնիլ այդ իրաւասութեանց և պարտաւորութեանց սահմանները :

Որպէսզի թիւրիմացութիւններէ և համապետական ամբողջ կանուրեան շահերուն հակառակ միտումներէ, ու կասկածներէ ազատ ըլլար ծրագիրը, ըսենք անմիջապէս որ, այդ իրաւասութիւններն ու պարտաւորութիւնները չպիտի կրէին քաղաքական ո՛ր եւ է բնոյթ և սահմանափակուած պիտի ըլլային զուտ Երջանային-Տեղական-Վարչական, Տնտեսական և կուլտուրական կեանքով :

Ու այսպէս, հետեւողականօրէն, երրորդ հիմնակէտը պիտի ըլլար որոշել այն օրինանք՝ որուն մէջ կեդրոնացած պիտի ըլլային շրջանային այդ սահմանափակ իրաւասութիւններն ու պարտականութիւնները : Այդ օրինանք ըլլալու դերը արուեստաւ Ընդհանուր Նահանգապետութեան Ընդհանուր Ժողովին, տալով միաժամանակ Գործադիր Իշխանութեան պետին, Ընդհանուր Նահանգապետին՝ լայն իրաւասութիւններ քաղաքային, դատական և ոստիկանական պաշտօնեաները ընտրելու և պաշտօնանկ ընելու և կամ զանոնք պատասխանատուութեան ենթարկելու վերաբերմամբ :

Նահանգային Ընդհանուր Ժողովներ (Մեկիսի Ումումիի Վիլայեթ) անունով օրկաններ ստեղծուած էին արդէն Պետութեան նախկին Նահանգային Ընդհանուր Օրէնքներով :

Ու քանի որ կոտորակումները ջնջուելով մէկ Ընդհանուր Նահանգ կը կազմէր չրջանը, բնականաբար ջնջուող, կոտորակուած նահանգներու Ընդհանուր Ժողովներն ալ պիտի վերածուէին մէկ Ընդհանուր Ժողովի :

Կը մնար որոշել թէ ի՞նչ կերպով պիտի կազմուէր Նահանգային Ընդհանուր Ժողովը :

Դժուարալոյծ կնճիւր հոս էր անա :

Դժուարութիւնը գլխաւորաբար հոն չէ թէ՛ ընտրութեանները, այսինքն քուէարկութիւնները, մէկ սասիմանի, ուղղակի ձայնասուութեամբ տեղի պիտի ունենային թէ երկասիմանի, այլ հոն՝ թէ անխտիր քաղաքացիական թէ ազգային պիտի ըլլային ընտրութիւնները, ի՞նչ ցեկզ պիտի ունենային ընտրութիւնները :

Ո՛չ միայն Երզանը՝ այլ և միեւնոյն Երզանի մէջ ապրող ազգերն ու դասակարգերը, համաձայն իրենց կրօնական ու ընկերային ըմբռնումներուն, համաձայն իրենց դասակարգային շահերուն՝ ուրոյն պահանջներ կը զգան, ունին ուրոյն հոգեբանութիւններ և ուրոյն ձգտումներ : Հայկական Շրջանին մէջ կան մահմետական թուրքեր, մանաւանդ մահմետական քիւրտեր, կան քրիստոնեայ փոքրաթիւ ասորիներ և այլ փոքրաթիւ ցեղեր ու աղանդաւորներ : Այս բոլորին վրայ կ'իշխեն և վարչական մեքենային վրայ կ'ազդեն այսօր՝ աւատականներն ու միւլթիլիալիպէ ըսուած հարստահարիչ դասակարգերը : Այս բոլորին շահերը մէկ կողմէ կը հակասեն Պետութեան ընդհանուր շահերուն՝ միւս կողմէ չրջանի կենսական շահերուն :

Ի՞նչ աստիճանի քուէարկութեան ձեւ ալ որ ընդունուէր, ընդհանուր քաղաքացիներու ընտրութեան սիստէմն ընդունելով անխտիր՝ այդ նոյն տարրերը իրենց ազդեցութեամբ ապահովաբար ջախջախիչ մեծամասնութիւն պիտի կազմէին, ինչ-

պէս՝ Խորհրդարանի մէջ կ'ունենան, և իրենց շահերուն ընդմուտը իսկ պիտի առաջնորդուէին . անոնց դատողութիւնները և անոնց քուէներու գերակշռող արդիւնքը պիտի յանգէր միմիայն իրենց շահերը պաշտպանելու՝ ի վնաս Երզանի կենսական շահերուն և հայկական ազգային անհասկանութեան :

Քանի դեռ Վարչութիւնը կամ պետական օրկանիզմը Երզանային ապակեդրոնացման հիման վրայ դրուած չէ՝ այդ հարստահարիչ տարրերու սանձարձակութեանց ու կամայականութեանց դէմ Կեդրոնի սանձահարիչ միջամտութեան յոյսը կայ . մինչդեռ՝ Վարչութիւնը ապակեդրոնացման վերածուելէ յետոյ եթէ նոյն տարրերը անորոգ դառնան նոյն այդ Ապակեդրոնացեալ Վարչութեան մէջ՝ Կեդրոնացեալ Վարչութեան օրով ապօրէն կերպով տեղի ունեցածները՝ Ապակեդրոնացեալ Վարչութեամբ օրինականութեան ձեւ կը ստանան և այլևս սանձահարող օրինական ուժ կամ իշխանութիւն չմնար :

Այս անխտասիկի վտանգին առջեւ առնելու և միւսնոյն ժամանակ Հայութեան ալ առանձնաշնորհեալ կամ գերակշռող դերք մը սուած չըլլալու համար՝ առ այժմ միակ նպատակաբար միջոցը նկատուած է Նահանգային Ընդհանուր Ժողովին մէջ քրիստոնեայ և մահմետական ազգերու կէս առ կէս, հաւասար, մասնակցութիւնը առաջարկուած ծրագրով :

Ասով անշուշտ լիովին բաւականութիւն չէր ստանար Հայկական Շրջանի մէջ բնակող զանազան ազգութեանց անհատականութեան իրաւունքը : Բնական է որ պիտի ծագէր իւրաքանչիւր ազգի համեմատական մասնակցութեան խնդիր . բայց այքի առջև ունենալով որ զանազան ազգեր ըսուածներէն շատերը, ինչպէս օրինակ՝ Զազա, Ղրղըլպաշ, Եէզիտի, Լազ, Բոշա, Պարսիկ, Գիւրա, Չէրքէզ անուններով ծանօթ եղածները աւելի ցեղեր և աղանդաւորութիւններ են քան ազգութիւններ, որոնք մեծ մասամբ գուրկ են ուրոյն հասարակական կազմակերպութեան և քաղաքական-քաղաքակրթական հիմնարկութեան, այս իսկ պատճառով՝

դժուար չպիտի ըլլար Շրջանային Ապակեդրոնացեալ բարեկարգ Վարչութեան տակ անոնց կրթութեանն ու ինքնագիտակցութեանը նպաստելով և ուժ տալով՝ ստեղծել իւրաքանչիւրին համար ուրոյն հասարակական կազմակերպութիւններ : Այս աշխատանքին լրացումէն յետոյ միայն, ժամանակի ընթացքին, կրնային ծագել համեմատական մասնակցութեան իրաւունքի խնդիրը, և այդ պարագային՝ պահպանելով քրիստոնեայ և մասնատական ազգերու հաւասար մասնակցութեան սկզբունքը, քրիստոնեաներուն իրենց մէջ, համեմատակամներուն ալ իրենց մէջ՝ համեմատական թիւով բաշխում կատարել տալ :

Առաջարկուած ծրագրին մէջ նոյն հաւասար մասնակցութեան սկզբունքը ընդունուած է քաղաքային, ոստիկանական, դատական և բոլոր ուրիշ ճիւղերու վարչութեանց մէջ :

Ակնարկուած ծրագրին յաջորդ գլխաւոր հիմքերն էին նաև՝ լեզուի ու կրթական խնդիրները :

Որովհետև օրէնքները ժողովուրդին համար են՝ և ո՛չ թէ ժողովուրդները օրէնքի համար, որպէս զի իւրաքանչիւր ժողովուրդ ընդունակ ըլլայ հասկնալ դրուած օրէնքները և կարենայ անոնց հետեւիլ, որպէս զի իր գանգատներն ու ցաւերը, իր պահանջներն ու կարիքները կարողանայ ճշգրտութեամբ, իր ըմբռնումներուն չափերովը արտայայտել, բնական անհրաժեշտութիւն է որ իր իսկ լեզուովը լսէ, կարգայ և արտայայտուի : Ուստի, նախատեսուած է որ պէտական քուրբեքէն լեզուին հետ հաւասարապէս բանաւոր թէ գրաւոր լսելի և ընդունելի ըլլան օրջանի գլխաւոր լեզուները և օրէնքներն ու կառավարական կարգադրութիւնները հրատարակուին միանգամայն նոյն լեզուներով :

Գալով կրթութեան գործին, նպատակայարմար համարուած է որ մասնատական ու քրիստոնեայ իւրաքանչիւր ազգ իր նախնական ու միջնակարգ կրթութեան գործին տէրն ու ինքնավարն ըլլայ, իրեն համար տուրք սահմանէ ու գանձէ, առանց Շրջանային Վարչութեան և Պիւտձէին սիջամսութեան :

Շրջանային Վարչութեան բոլոր ճիւղերուն մէջ մասնատական և քրիստոնեայ ազգերու կէս առ կէս — հաւասար — մասնակցութիւնը հիմ ընդունելով հանդերձ՝ բնական էր նկատի ունենալ թէ երկրի մշակութային ներկայ պայմաններուն մէջ, այդ բոլոր ճիւղերուն բաւականութիւն տուող պատրաստուած կարող պաշտօնեաներ պիտի կրնային տալ տեղական ազգաբնակչութիւնները : Եւ որովհետև այս հարցին պատասխանը բացասական է, ինքնրստինքեան պէտք զգացուեր է իբր հիմ ընդունելու այն՝ որ վարչական բոլոր ճիւղերը դուռէին օտար մասնագէտներու տեսչութեան կամ խորհրդականութեան տակ :

Իբր հիմնական կէտ ընդունուած է նաև ուղղակի տուրքերու նախընտրութիւնը, ատոնց միօրինակ սխառմի վրայ հիմնաւորումը, և Շրջանային Պիւտձէի ապահովումը՝ այդ տուրքերով, ի պահանջել հարկին՝ Պետական ընդհանուր պիւտձէով չըջանային պիւտձէին օժանդակելու պարագան, ևն . : Այս բոլորէն յետոյ, աւելորդ պիտի ըլլար մեր կողմէն յիշատակել դատական վերակազմութեան, վազըֆներու, հողային բռնահագրաւումներու և նման անլոյծ մնացած խնդիրներու կարգադրման և ուրիշ հարցերու վերաբերեալ տրամադրութիւններն ու մանրամասնութիւնները : Աւելորդ պիտի ըլլար, որովհետև կարեւորը հիմնագիծերն են, որոնց վրայ պիտի կառուցուէր Շրջանային Վարչութիւնը : Այդ հիմնագիծերը ընդունուելէն յետոյ՝ մնացեալը հետևութիւններ միայն կրնային ըլլալ :

Բաց ի այդ մասերէն, իբր հիմնագիծ՝ առաջարկուած ծրագրին մէջ նկատի առնուած էր նաև ուրիշ պարագայ մը : — Ի՞նչ պէտք է ըլլար Հայաստանի Վեց Նահանգներու շրջանակէն դուրս, Կայսրութեան միւս վայրերուն մէջ ապրող Հայ ազգաբնակչութեան դրութիւնը :

Ասոր համար ալ առաջարկուած էր երկու հիմնակէտ, — առաջինը՝ այն որ Կլիկիոյ Շրջանն ալ, իբր ուրոյն շրջան, վայելէր Արեւելեան Շրջանի համար նախատեսուած ապակեդրոնացեալ վարչութեան դրութիւնը, և երկրորդ՝ այն որ կայրութեան

բոլոր մասերուն մէջ ալ Հայ ազգաբնակութիւնը աւելի լայնօրէն շարունակէ վայելի Աղգ. Սահմանադրութեամբ ունեցած մշակութային ներքին ինքնավարութեան իրաւունքները :

Այս բոլորին հանդէպ ցցուած պիտի մնար անշուտ այն աւելի հիմնական խնդիրը՝ թէ ծրագրային այս Նախագիծը կամ անոր հիմունքները, եթէ երբէք ընդունուէին իսկ Օսմանեան Կառավարութեան, ի՞նչ ապահովութիւն որ ճշտութեամբ պիտի գործադրուէին կամ ի՞նչ վստահութիւն որ — միջամտութեան չպիտի ենթարկուէին անոնք. Օսմանեան Պետութեան աւագանիներէն ո՞վ պիտի ըլլար այն ձեռնհաս, անկախ նկարագրի ու կամքի ուժն ունեցող անձը, որուն կարելի ըլլար վստահիլ Շրջանային Վարչութեան իրաւունքները, կամ՝ եթէ գտնուէր այդ մեծ մարդը, ի՞նչ ապահովութիւն որ անկախ իր ենթարկուելիք դժուարութեանց ու բարդութեանց մէջ պիտի պաշտպանուէր պատկանեալ Իշխանութիւնէն :

Այս հարցերուն պատասխանը շատ շատոնց, ներքին ու արտաքին աշխարհին մէջ զանազան առիթներով յղացուած և նոյն իսկ Կայսրութեան ղեկավար շրջանակներէն անոր կարեւորութիւնը թեր ու դէմ կարծիքներու առարկայ դարձած բանաձեւին մէջն էր — այն՝ որ ընդհանուր նահանգապետը ըլլայ Եւրոպացի Պետութիւններու կողմէ ներկայացուած, բայց ենթարկուելով Սուլթանական վաւերացման. ընտրուելիքին պաշտօնավարութիւնը տեւէ հինգ կամ տասը տարի, և վերջապէս՝ Պետութիւնները հսկին Շրջանային Վարչութեան օրէնքներուն ճշդիւ գործադրութեան վրայ :

Այս բանաձեւը ներմուծուած է նաև այս անգամուան առաջարկուած Ծրագիր-Նախագիծին մէջ ևս :

Եւ մենք՝ եղած հրատարակութիւններէն օգտուելով, կարող ենք հետեւեալ կերպով ամփոփել Հայկական Բարենորոգմանց այս վերջին անգամ առաջարկուած Ծրագիր-Նախագիծի հիմնակէտերը. —

1. — Էրզրում, Բաղէշ, Վան, Խարբերդ, Տիարպէքիր և Սերաստիա Հայաբնակ Նահանգները կը վերածուին Ընդհանուր Նահանգապետութեան մը :

Ընդհանուր նահանգապետութեան սահմաններէն դուրս կը ձգուին վերոյիշեալ նախկին Վեց Նահանգներու սահմանաեզերային այն մասերը՝ որոնց մէջ Հայ ազգաբնակութիւնը չափազանց փոքրաթիւ է : Այդ մասերն են՝ Վանի նահանգի քրտաբնակ Հէքեարի գաւառը, Բաղէշի նահանգին մէջ՝ Սղերդի հարաւային մասը. Տիարպէքիրի նահանգին հարաւային մասը, Խարբերդի նահանգին մէջ՝ Մալաթիայի հարաւային մասը և Սերաստիոյ նահանգին հիւսիս-արեւմտեան ու արեւմտեան մասերը :

2. — Ընդհանուր նահանգը ունի մէկ ընդհանուր նահանգապետ՝ որ Եւրոպացի է և կ'ընտրուի Սուլթանական իրատէով, Պետութիւններու ներկայացուցած թեկնածուներէն, հինգական տարուայ համար :

3. — Ընդհանուր Նահանգը կ'ստորաբաժանուի գաւառներու, գաւառակներու և գիւղախմբերու, որոնք կը վերակազմուին, հնարաւորութեան չափով միատարր միութիւններ կազմելու հոգ տանելով :

4. — Ընդհանուր նահանգապետը նահանգի գործադիր իշխանութեան պետն է, որուն իրաւասութեան կը պատկանին Նահանգային Վարչութեան բոլոր ճիւղերուն տեսուչներու, գաւառապետներու, գաւառակապետներու ընտրութիւնն ու պաշտօնանկութիւնը, ինչպէս նաև Սուլթանական իրատէով վաւերացուելիք պաշտօնեաներու ընտրութիւնը՝ իրատէի ենթարկելու թէութեամբ : Նահանգի ոստիկանական և ժանտարմըրիի ուժերը ենթակայ են ուղղակի իր բարձր հեղինակութեանը : Իր պահանջին վրայ զինուորական ուժերը եւս իր տրամադրութեան տակ կը դրուին :

5. — Ընդհանուր նահանգապետութեան վարչութիւնը

կը կեդրոնանայ Ընդհանուր Ժողովին մէջ, որուն պատասխանատու է Նահանգային Գործադիր Իշխանութիւնը:

6.— Ընդհանուր Նահանգապետութեան Ընդհանուր Ժողովին իրաւունքն է կազմել նահանգային պիւտձէն՝ անոր գործադրութիւնը յանձնելով Նահանգային Գործադիր Իշխանութեան, տարեկան ելեւմուտքը վերաքննութեան ենթարկել, հանրային շինութեանց վերաբերեալ պայմանագրութիւններ և փոխառութիւններ կնքել ու տեղային պահանջներուն գոհացում տալ, սնտեսական, վարչական և դատական օրէնքները նախագծել:

7.— Ընդհանուր Ժողովը կը կազմուի քրիստոնեայ և մահմետական ազգութիւններու հաւասար թիւով, այսինքն կէս առ կէս մասնակցութեամբ: Իւրաքանչիւր ազգ առանձնապէս կ'ընտրէ իր պատգամաւորները:

8.— Վաչկատուն, այսինքն հաստատ ընակութիւնն չունեցող ցեղերը և իրենց հարստահարութիւններովը ծանօթ աւատապետներն ու միւթէղալիպէները ընտրելու և ընտրուելու իրաւունք չեն կրնար ունենալ:

9.— Նահանգային Վարչութեան բոլոր ճիւղերու պաշտօնեաները կ'ընտրուին հաւասար թիւով— կէս առ կէս—քրիստոնեայ և մահմետական ազգութիւններէ:

10.— Նահանգային Վարչութեան բոլոր ճիւղերուն տեսչութիւնները կամ խորհրդականութիւնները, ինչպէսև օստիկանական գլխաւոր հրամանատարութիւնը ժամանակաւորապէս կը յանձնուին Եւրոպացիներու:

11.— Պետական լեզուին հետ նաև հայերէն լեզուի հաւասարապէս գործածութիւնն՝ նահանգային վարչութեան բոլոր ճիւղերուն մէջ: Օրէնքներն ու հրահանգները կը հրատարակուին միայնգամայն տեղական լեզուներով:

12.— Դատարաններու վերակազմութիւն, կը հաստատուին չրջուն և հաշտարար դատարաններ: Շէրիի դատարան-

ները պիտի դատեն և վճռեն միմիայն մահմետականներու կրօնական վէճերը:

13.— Խաղաղութեան ժամանակ զինուորական ծառայութիւնները կը կատարուին տեղւոյն վրայ: Ձնջում Համալիյէ գունդերուն:

14.— Տուրքերը կը վերածուին ազգաբնակչութեան բոլոր դասակարգերու համար հաւասարապէս միօրինակ սիստէմի: Կը ջնջուին աշարն ու աղնամը:

15.— Առնուազն 1890էն սկսած բոլոր բռնագրաւուած հողերու և սեփականութիւններու վերադարձում իրենց տէրերուն: Ընդհանուր Նահանգապետութեան սահմաններուն մէջ գաղթականներ չեն զետեղուիր:

16.— Իւրաքանչիւր ազգ լիակատար իրաւունքն ունի, իրրեւ ներքին կուլտուրական ինքնավարութեան գործ, սնօքինել և վարել իր կրթական գործը. ըստ իր հայեցողութեան, և իր կրթական գործին բաւարար տուրք սահմանել, գանձել ու մատակարարել:

17.— Ընդհանուր Նահանգապետութեանն զուրս գտնուած Կայսրութեան բոլոր մասերուն, մասնաւորապէս Կիլիկիոյ Հայ ազգաբնակչութեան կեանքին, ինչքին և պատուին ապահովութիւնը՝ այս հիմնական օրէնքներով գծուած իսկ պայմաններուն համաձայն: Հայոց Ազգային Սահմանադրութեան անվթար պահպանումը և անոր կիրառումը աւելի լայն ոգևով՝ կայսրութեան բոլոր մասերուն մէջ ապրող Հայերու վրայ:

18.— Պետութիւնները պիտի հսկեն, իրենց յարմար տեսած ձևով, այս օրէնքներուն բարուօք գործադրութեանը:

Ինչպէս ըսինք, վերոյիշեալ յօդուածները չեն ներկայացնիր խնդրոյ առարկայ նախագիծ ծրագրին բուն բնագրին պատճէնը. բայց հիմնուելով պաշտօնական կամ կիսապաշտօնական

զանազան հրատարակութեանց վրայ, կրնանք վստահացնել որ վերոյիշեալ 18 յօդուածները գրեթէ հաւատարիմ ամփոփումն են 29 յօդուածներէ բաղկացած Նախագծին, զոր իւրաքանչիւր Ռուս Դիւանագիտութիւնը:

Բայց մեզ անծանօթ կը մնայ թէ՛ ի՞նչպէս յանկարծ Ընդհանուր Նահանգապետի պաշտօնը փոխուեցաւ « Ընդհանուր Քօմիտէր » ութեան, որ անհամապատասխան է նոյնիսկ առաջադրուած պաշտօնի բնոյթին:

Այդ Նախագիծը ապահովաբար խմբագրական ձեւափոխութեանց ենթարկուած ըլլալու է եւրոպական դիւանագիտութեան սեղանին վրայ դրուելէն առաջ, բայց կասկածելու ոչ մէկ պատճառ կայ որ հիմնական գծերը փոխուած ըլլան:

Ճիշդ է որ, թէև Ազգային Շրջանակներ, Բաղաքական Կազմակերպութիւն, Կաթողիկոսական Պատուիրակութիւն և Դիւանագիտութիւն նոր սկսան ծրագիր մշակելու, սակայն՝ բարեկարգութեանց համար անհրաժեշտ դատուած էական կէտեր, հիմնական սկզբունքներ հինէն ծեծուած և հասունցած էին, կար, օրինակ, 1880ի Պետութեանց և Օսմանեան Կառավարութեան կողմէ Մակեդոնիոյ համար մշակուած ու ընդունուած Ծրագիրը, կար 1895ին Պետութեանց մշակած Մայիսեան Ծրագիրը և Օսմանեան Կառավարութեան մշակած և հրատարակած Հայկական Նահանգներու Բարեկարգութեան հոկտեմբերեան Ծրագիրն ու՝ Օրէնքը, ինչպէս նաև՝ 1878ին Հայոց Պատրիարքարանի կողմէ Պերլինի Վեհաժողովին մատուցած Բարեկարգութեանց Նախագիծ-Յիշատակագիրը:

Կարծէ ծանօթանալ նաև 1878ի այդ Նախագծի ընդհանուր գծերուն:

Այն ժամանակ, որովհետև տակաւին Թրքահայաստանի—Մեծ Հայքի—վարչական շրջանակներու այժմեան կոտորակումները չկային, սանձազները նահանգներու չէին վերածուած, ուստի Վեց Նահանգներու փոխարէն կը յիշատակուին երեք ընդարձակածաւալ նահանգներ—Էրզրում, Վան, Տիգրանա-

կերտ, աւելցնելով ծովային ելք մը Սև ծովու վրայ, Բիզէ գիւղաքաղաքը:

Այն ժամանակ ալ կ'առաջարկուէր.

1. — Մեծ Հայքի Շրջանը վերածել Ընդհանուր Նահանգապետութեան և նշանակել Հայ Ընդհանուր Նահանգապետ մը՝ ընտրուած Բ. Դրան կողմէ և Պետութիւններու հաւանութեամբ, հինգ տարի պայմանաժամով և առանց Պետութիւններու համաձայնութեան պաշտօնանկ չըլլալու պայմանով:

2. — Տուրքերու սահմանումն ու բաշխումը ենթարկել Ընդհանուր Նահանգապետութեան Ընդհանուր Ժողովին, եւ զանձուած տուրքերէն 20% ըր յանձնել Կայսրութեան Եւմրատական Գանձարանին, իսկ մնացորդով՝ Ընդհանուր Նահանգապետութեան վարչական, դատական և ոստիկանական, միլիտարի ծախքերը հոգացուելէ յետոյ՝ յաւելեալ մասին 8% ըր յատկացնել հաղորդակցութեանց միջոցներու և այլ հասարակաց շինութեանց, իսկ 20% ալ կրթական ծախքերուն:

3. — Դատարանները վերակազմել և քաղաքային օրէնքներ հրատարակել համաձայն Եւրոպայի արդարադատութեան սկզբունքներուն և դատաւորները ընտրել Ընդհանուր Նահանգապետի կողմէն:

4. — Լիակատար ազատութիւն կրօնքի: Իւրաքանչիւր համայնքի կրօնական հիմնարկութեանց նիւթական հոգածութիւնն ու պարտականութիւնը պատկանեալ իւրաքանչիւր հասարակութեան իրաւունքն ըլլալու պայմանով:

5. — Հանրային ապահովութեան ուժը բաղկանալով ժանտարմըրիյէ ու միլիտէ, անոնց մէջ մասնակցելու իրաւունքը չպիտի վայելէին վաչկատուն ցեղերը:

6. — Ընդհանուր Ժողովը պիտի բաղկանար քրիստոնեայ ու մահմետականներէ հաւասար թիւով և երկաստի-

ճան ընտրութեամբ: Առաջին աստիճանին՝ իւրաքանչիւր աստիճանին իւրաքանչիւր գաւառակ պիտի ընտրէր մէկ հայ և մէկ մահմետական պատուիրակ: Այս պատուիրակները գաւառներու (սանճագ) կեդրոններուն մէջ հաւաքուելով՝ պիտի ընտրէին մէկ քրիստոնեայ և մէկ մահմետական պատգամաւոր անդամ Նահանգային Ընդհանուր Ժողովին:

Այս բոլոր ծրագիրներու պատրաստութեան միջոցին՝ թէ Օսմանեան Կառավարութեան և թէ Պետութեանց կողմէ գլխաւոր նկատառութեան և վէճի առարկայ եղած է Հայ ազգաբնակչութեան քիւր, մասնաւորաբար նահանգային օրկանիզմի բոլոր ճիւղերուն, ինչպէս և Նահանգային Ընդհանուր Ժողովին մասնակցելու իրաւունքներուն թուական սահմանը որոշելու համար:

Ինչպէս անցեալին մէջ, նոյնպէս նաև այս վերջին անգամ քիւր խնդիրը հիմնական տարակարծութեանց նիւթ կազմած է, որովհետեւ, առ ի չգոյէ վաւերական ու ճշգրիտ մարդահամարի, Կառավարութիւնը իր անկատար վիճակագրական թիւերը կը մատնանշէ, մինչ Հայ Ազգը, հիմնուած համեմատաբար աւելի համոզիչ և չէզոք աղբիւրներու վրայ՝ իր թիւերը կը պաշտպանէ:

Չեմ գիտեր թէ պաշտօնական բանակցութեանց և Նախագծի հիմունքները որոշելու ժամանակ թեր ու դէմ ի՛նչ տեսութիւններ և պատճառաբանութիւններ պաշտպանուած են, բայց կը խորհիմ թէ բարուօք վարչութեան համար հասարակական ծառայութեան մէջ դեր ստանձնելու իրաւունքը ո՛չ թէ միայն թիւի վրայ՝ այլ նաև մշակոյթի նկարագրի, մասնագիտութեանց ու փորձառութեանց վրայ հիմնուած պէտք է ըլլայ:

Ու այդ տեսակէտէն դատելով՝ կասկած չկայ որ Հայութիւնը, իր մտաւորականներովն ու կրթութեան և զարգացման աստիճանովը, մահմետական ազգաբնակչութեան վրամ նշանակելի առաւելութիւն ունեցող կուլտուրական տարր մըն է. հետեւաբար, անկախ ազգային տեսակէտէն, մեկնելով

սոսկ Պետութեան ընդհանուր և ճշմարիտ շահերու պահանջներէն, Պետութիւնը ինք է որ նախանձախնդիր պիտի ըլլայ բաղձացուած բարուօք վարչութիւնը հիմնելու և ապահովելու, որպէսզի Երկիրը առաւելապէս օգտուի իր քաղաքացիներու այդ կուլտուրական տարրէն:

Ու եթէ թիւերն են որ արժէք պէտք է ունենան արդարութեան գերագոյն սկզբունքին. ապրելու ամէնատարրական ու բնական իրաւունքին, ինչպէս և իրաւական պետութեան գաղափարին գոհացում տալու տեսակէտին, — այն ատեն սուսջին հիմնական կարեւորութիւն ներկայացնող պարագան էր քննել ու որոշել թէ՛ ո՞ր թիւերն են որ պիտի ծառային իրաւունքի կիրառութեան համար:

Դեռ 1880ին, ինչպէս այս անգամ, առաջնորդուելով բոլորովին տարբեր տեսակէտներէ, Բ. Դուռը պնդեց թէ Կայսրութեան ինը մահանգներուն մէջ Հայութիւնը 726,750 թիւ մը կը ներկայացնէ՝ աւելի քան $3\frac{1}{2}$ միլիոն մահմետականութեան հանդէպ, մինչդեռ նոյն 1884ին, Երուսաղէմի պարտուց բարձրան համար Բ. Դրան գանձած տարեկան 15,000 ոսկի գումարներուն վրայ հաշուելով, և ընդունելով որ այդ սուրբը ըստ օրինի կը գանձուէր միայն 15 տարեկանէն վեր և 60 տարեկանէն վար արուանհատներէն, հիմնուելով նաև 1298ի սալնամէին մէջ հրատարակուած 1296ի պիւտճէին և Նախարարական Խորհուրդի մազպարայի բովանդակութեան ու խոստովանութեան վրայ՝ թէ զինուորական սուրբը ազգաբնակչութեան կէսէն միայն կարելի կ'ըլլար գանձել, — ուստի և նոյն թուականներու թուրքիոյ Հայ ազգաբնակչութեան ընդհանուր թիւը, կառավարութեան իսկ խոստովանութեամբ, պէտք է ըլլար աւելի քան 3 միլիոն:

Եւ սակայն, ճնայելով այս դրական հաշուին, Հայոց Պատրիարքարանը, չենք գիտեր ինչո՞ւ համար, 1882ին կազմած իր վիճակացոյցով թուրքիոյ հայոց թիւը 2,660,000 ցոյց տուած է, որուն 1,630,000ը՝ վեց Նահանգներուն մէջ,

380,000ը՝ Կիլիկիոյ, 455,000ը՝ Ասիական Թուրքիոյ մնացեալ մասերուն մէջ և 195,000ը՝ Եւրոպական Թուրքիոյ :

Այս անգամուայ Բարեկարգութեանց Նախագծին կցուած ցուցակ-տախտակին մէջ Հայոց ընդհանուր թիւ ցոյց կը տրբուի 2,100,000, իսկ միայն Արեւելեան Վեց Նահանքներուն մէջ՝ 1,0180,000 :

Պետական ընդհանուր և Շրջանային բարեկարգութեան հարցին և պատմական իրադարձութեանց վերլուծումէն ակներև է արդէն, որ կրօնքը թուական հաշուի համար իբր հիմ չկրնար կազմել, այլ ազգութիւնը. իսկ Հայկական շրջաններու մէջ կ'ապրին աւելի քան 800 հիւնգ կրօնքներու, աղանդներու ցեղերու և ազգութիւններու պատկանող ժողովուրդներ, որոնք են՝ — Թուրք, Չէրքէզ, Պարսիկ, Լազ, Բոշա, վաչկատուն, Քիւրտ, բնիկ Քիւրտ, Ղըզլուպաշ, Չաղա, Եէզիտի, Նեստորական, Եագուպի, Քաղդէացի (Քիլտանի), Յոյն, Հայ :

Ըստ այդ տախտակին, որ զանազան հեղինակութիւններու, պաշտօնական ու անպաշտօն աղբիւրներու տեղեկագրութիւններովն ու վիճակագրութիւններովը վերատուգուած և պատճառաբանուած ըլլալու առաւելութիւնն ունի, Վեց Նահանգներու բնակչութեան ընդհանուր թիւը 2,615,000 ցոյց կը տրուի, ուրիկ գեղջերով Հայոց 1,018,000 թիւը, մնացեալ բոլոր ազգերու ընդհանուր թիւը կը հասնի 1,178,000ի՝ որ իր կարգին կոտորաբաժնուի հետեւեալ կերպով .

Թուրք	666,000
Քիւրտ	424,000
Մահմետական այլ ցեղեր	88,000
	<hr/>
	= 1,178,000

Քրիստոնեաներու ընդհանուր թիւն է 1,183,000, որ նոյնպէս հետեւեալ ստորաբաժանումներն ունի .

Հայ	1,018,000
Նեստորական	123,000
Յոյն	42,000
	<hr/>
	= 1,183,000

Այլ կրօնքներու պատկանողներ .

Ղըզլուպաշ	140,000
Չաղա	77,000
Եէզիտի	37,000
	<hr/>
	= 254,000

Արդ, այս թիւերը համեմատութեան դնելով՝ Քրիստոնեաները կը կազմեն 45,2%, մահմետականները՝ 45,1%, զանազան կրօնքներ կամ աղանդներ՝ 9,7% : Մասնաւորաբար քրիստոնեաներու շարքին մէջ Հայը կը կազմէ 38,9% համեմատական մաս :

Այս թիւերուն մէջ էականն ու ուշադրաւ այն է որ՝ մինչ 1884ին Թուրքիոյ Հայոց ընդհանուր թիւը աւելի քան 3 միլիոն, կամ ըստ Պատրիարքարանի 1882ի վիճակագրութեան՝ 2,660,000 էր, որուն 1,630,000ը՝ Վեց Նահանգներուն մէջ, իսկ 1882-84ի և 1913ի վիճակագրական տեղեկութեանց համեմատութիւններէն ակնյայտնի կերեւայ, որ երեսուն տարուայ ընթացքին Թուրքիոյ Հայ ազգաբնակչութիւնը ո՛չ միայն ո՛ր և է աճում չէ ստացած, այլ և մօտ 1,000,000ի նուազում կրած է :

Այս նուազման թիւին և համեմատութեանը մէջ չեն մտնիր 1882էն առաջ տեղի ունեցած նուազումները : Չենք խօսիր ու կշիռքին մէջ չենք դներ նաեւ վերջին Ռուս-Թրքական պատերազմի միջոցին՝ Ալաշկերտ-Պայազիտի մէջ տեղի ունեցած մասսայական կոտորածը, բանակէն փախչող կամ պարտուած վերադարձողներու, ինչպէս նաև քիւրտ պաշիպօզուքներու պատճառած աւերները :

Եթէ միմիայն վերոյիշեալ թիւերը աչքի առջև ունենալով, նկատենք որ 30 տարիներու ընթացքին Հայ Ազգաբնակչութիւնը առնուազն մեկ միլիոն աճում ունենալու տեղ՝ ընդհակառակը դրամազլիւէն, այսինքն 3,000,000 կամ 2,660,000էն ալ մօտ մեկ միլիոն պակասած է, ակամայ պիտի հասնինք այն եզրակացութեան և սահմուկեցնող իրականութեան թէ՛ 30

տարուայ մէջ Հայ Ազգը Թուրքիոյ մէջ կրած է երկու միլիոնի սպառում:

Տարաբաղտարար չունինք ձեռքի տակ 50 տարուայ, մանաւանդ վերջին 30 տարիներու ընթացքին Հայկական Շրջաններուն մէջ զետեղուած մահմետական դաղթականութեան թիւերը: Բաւական է միայն հաշուի առնել այն պարագան, որ այդ Գաղթականութիւնները կը զետեղուէին ո՛չ միայն սպառուողներուն բնակավայրերուն մէջ՝ անոնց տեղը բռնելու, այլ և մնացողներն ալ տեղահան ընկու համար:

Անա՛ թէ ինչո՞ւ համար բարեկրօնաւորներ ըսելով Հայութիւնը ուրիշ բան չի հասկնար, բայց եթէ Յեղին գոյութիւնը վստահե՛ եւ սպառու է ազատելու ու ապահովելու հարց:

Ապրելու իրաւունք, — կա՛յ աւելի բնական ու տարրական իրաւունք անհատի մը, քաղաքացիի մը և ցեղի մը համար: Եւ իրաւական պետութեան նախնական ու հիմնական պարտականութիւնը այդ իրաւունքը երաշխաւորելուն և իրագործելուն մէջն է:

Բայց մենք արդէն տեսանք պատմական հայեցողութեամբ՝ թէ ի՞նչ ըմբռնումներէ և փուլերէ անցաւ այս պարտականութեան և իրաւունքի կիրառութիւնը, որ Պետութեան գոյութեան հետ հոմանիշ դարձաւ, որ Պետութեան հսկայ կառուցուածքը բազմիցս ցնցեց իր հիմքերէն և փլուզումներուն թարկեց:

Արդ, եթէ Բոնապետութիւնը փակած էր իր աղետաւոր շրջանը, և եթէ իրաւական Պետութեան հիմնարկէքը զնկուանդդուելի կամքը կար, ու եթէ ազգաբնակչութեանց թիւերը ուշադրութեան արժանի պիտի դառնային՝ բնական պիտի ըլլար հետեւցնել թէ այդ թիւերը պիտի ըլլային սպառման ենթարկուած թիւերը, որպէսզի փոխարինուէին այդ կորուստները, արգիլուէին նոր սպառումները և ապահովէին ազգերու գոյութեան իրաւունքը:

Եւ այդ պարագային՝ նոյն այդ նպատակին ծառայող միակ միջոցը պիտի ընդունուէր Նահանգային Վարչութեան և Ընդ-

հանուր Ժողովին մէջ Հայ տարրին կէս ու կէս և հաւասար մասնակցութիւնը, մանաւանդ որ, հակառակ սպառման համար գործ դրուած ծանօթ միջոցներուն ու կոտորակումներուն, Հայութիւնը՝ իր բնաշխարհին մէջ, համեմատաբար միւս ցեղերուն, տակաւին կը ներկայացնէ 38,9% գերակշռող թիւը. իսկ Գրիստոնեայ և Մահմետական թիւերը համեմատութեան դնելով՝ 45, 1%ի հանդէպ 45, 2%ի քրիստոնէից գերակշռութիւնն է որ կը պատկերանայ:

Բայց ինչպէս արդէն տեսանք, Սահմանադրական Կառավարութիւնն ալ իր հայեցակէտերն ունէր, մէջտեղ կը դրուէր ազգային խնդիրը, ինչպէս նաև կեդրոնացման և ապսկեդրոնացման անլոյծ հանգույցը: Անդին դիւանագիտութիւնը, պետութեանց Երրեակ Զինակցութեան և Երրեակ Համաձայնութեան խրմբակցութիւններէն իւրաքանչիւրը, կամ երկու խմբակցութիւններուն ալ իւրաքանչիւր անդամը՝ իր սեփական շահերու թիկադրութիւնովը կը դիտէր ու կը դատէր ակամայ կերպով իր սեղանին վրայ դրուած Հայկական Բարեկրօնաբանաց այս հարցն ու ծրագիրը:

Իր կարգին յիշած էինք որ Անգլիական Կառավարութիւնը Ռուսիոյ ցանկութեան և նախաձեռնութեան վերաբերմամբ այն կարծիքն էր յայտնած թէ՛ Խնդրին քննութիւնը Լոնտոնի մէջ կատարուի: Ռուս Կառավարութիւնը մերժած ըլլաւ այս առաջարկը՝ Պետութիւնները համաձայնեցան որ Ռուսական Ծրագիրը քննութեան ենթարկուի Պօլսոյ Դեսպանական Մարմին կողմէն: Դեսպանատունները իրենց առաջին թարգմանները ներկայացուցիչ կարգելով՝ կազմուեցաւ առաջարկուած Ծրագրին ուսումնասիրութեան պաշտօնն ունեցող Յանձնաժողով մը:

Մամուլի տեղեկատուութիւններէն որոշապէս յստնուեցաւ որ առաջին նիստին իսկ Գերման ներկայացուցիչը տարակարծիք և անհամաձայն գտնուեցաւ ներկայացուած ծրագրին ընդհանուր գծերուն: Ընդհանուր Նահանգ, Ընդհանուր Նահանգապետութեան համար Պետութիւններու կողմէ թիկնածուներու նշանա-

կում և նման պայմաններու և առաջարկներու մասին Գերմանիա լսել չէր փափաքեր: Միւս կողմէ՝ Ռուս դիւանագիտութեան դաշնակից Ֆրանսան և Անգլիան լուրթեամբ միայն կը քալէին անոր քովէն: Շատ չանցաւ՝ Անգլիական ու Գերմանական դիւանագիտութիւնները առիթն ունեցան ի լուր աշխարհի յայտնելու որ Արեւելեան Խնդրոյն մէջ փոխադարձ համաձայնութեամբ պիտի ընթանան...

Բանաւոր էին արդեօք Գերմանիոյ առարկութիւնները:— Պատասխանը, անաչառ ըլլալու համար, կարելի է տալ և՛ բացասական, և՛ դրական:— 1) Բանաւոր էին Գերմանական շահերու տեսակէտէն, որովհետև՝ ակներև էր որ Գերմանիա ինքզինքը բաւական ուժեղ կը զգար Արեւելքի մէջ և ամէն տեղ Ռուսական պտամոքսին մէջ քար ձգելու և Ռուսիոյ տեղը գրաւելու կ'աշխատէր: 2) Բանաւոր չէին Գերմանիոյ առարկութիւնները հարցի էութեան տեսակէտէն, որովհետև, եթէ Ընդհանուր Նահանգ և Նահանգապետութիւն բառերը կամ բացատրութիւնները կը գործածուին, այդ բառերն ու բացատրութիւնները սակայն չէին ներկայացնէր ընդհանուր բառը իր խոշոր և ընդարձակ իմաստին մէջ:

Աւելի պարզենք մտքերնիս:

Մէկէ աւելի առիթներով կրկնեցինք թէ՛ Հայկական Վեց Նահանգներ ըստաճները իրականութեան մէջ իրենց ծաւալովը ու ընդարձակութեամբը նահանգներ կազմելու արժանի տարածութիւններ չեն, այլ յատուկ և յայտնի նպատակով արուեստականորէն ստեղծուած կոտորակումներ են՝ որոնք արդէն կոտորակուած են երբեմնի Էրմենիսթան Էտալիքիէն: Համոզուելու համար մեր այս պնդումին՝ տանք աւելի համողիչ փաստը:— Պատրայի նահանգին տարածութիւնը 138,000 քառակուսի քիլոմէթր է, Պարտատինը՝ 141,000, Մուսուլինը՝ 91,000: Այս ընդարձակ տարածութիւններուն հանդէպ՝ Բաղէշի նահանգին տարածութեանը 29,000 քառակուսի քիլոմէթր է, Վանինը՝ 47,000, Տիգրանակերտինը՝ 37,000: Այս հաշուով Բաղէշի, Վանի և Տիգրանակերտի նահանգները միասին առ-

նելով՝ Պատրայի նահանգէն շատ աւելի փոքր տարածութիւն մը կ'ունենան:

Արդ, պարզ է որ անբնական կոտորակումներու սրբաբութիւնը, կամ՝ Վեց Նահանգները մէկ ընդհանուր նահանգի վերածուելէն առաջանալիք հողային տարածութիւնը քաղաքական ո՛չ մէկ նշանակութիւն կրնար ունենալ: Քաղաքական նշանակութիւն ստանալիքը, ընդհակառակը, ի նպաստ կայսրութեան հաստատուելիք բարուոք վարչութիւնն էր: Իսկ Ռուսիոյ նախաձեռնութեան դէմ իր ունեցած կասկածը փարատելու կամ իր նախտեսած անպատաս մէկ հետեւանքը արգելելու համար՝ Գերմանիա, փոխանակ Ընդհանուր Նահանգապետութեան գաղափարին դէմ գնալու՝ կրնար և իրաւունք ունէր չեզոք թեկնածուի մը վրայ պնդելու և ջանալու որ անիկա Ռուսիոյ ազդեցութեան ենթարկուող մէկը չըլլայ: Գիւստապիտութեան մէջ սակայն՝ ուր թագուն շահերը կը գերիշխեն՝ առողջ դատողութիւնն ու տրամաբանութիւնը չեն որ դեր կը կատարեն, ուստի և յարուցուած պատրուակներուն դէմ սըրուած բանաւոր առարկութիւնները չէին որ պիտի կարենային համոզում առաջ բերել և արգելքները ջնջել:

Այս բոլորին հետ մէկտեղ, եթէ Գերմանիա կը հետամտէր Ռուսիոյ տեղը բռնել՝ դիւանագիտական անթաքտութիւն պիտի ըլլար մնալ չոր ու ցամաք ընդդիմադիրի դերին մէջ: Տնտեսական ու քաղաքական ազդեցութեան և նուաճման հող պատրաստելու հետամուտ եղողներուն համար անհրաժեշտութիւն կը համարուի հրապուրել տեղական ազգաբնակչութիւնը և անոնց բարեկամն ու ազատարարը կրենալ: Եւ Գերմանիա կրկնապէս կարօտ էր այդպիսի պիտակի մը. առաջին՝ որովհետև Հայերը անհամակիր վերաբերում ունէին դէպի ինքը և վրդովուած զգացումներ, չնորիւ այն ընթացքին՝ որուն հետեւեցան Գերման Գիւստապիտութիւնն ու Քալզերը Համիտեան Շրջանին, երկրորդ՝ որովհետև այսանգամ ալ Բարենորոգմանց Մրազըին դէմ իր բռնած անտրամադիր դիրքը պատճառ պիտի ըլլար Հայերու անհամակրութիւնը և ատելութեան փոխելու:

Երրորդ, և աւելի՛ կարեւորը, ժամանակի ընթացքին մէջ, Գերման Դիւանագիտութիւնն ալ այն համոզման սկսած էր գալ որ արեւելքի մէջ հայերը լաւագոյն և միակ տարրն են Եւրոպական քաղաքակրթութիւնը—անոր հետ նաև գերմանականը—ընդգրկելու կարող և ընդունակ, որոնցմէ մեծապէս պիտի կրնայ օգտուիլ Գերմանիա:

Գերմանական Դիւանագիտութիւնը այս պարագաներուն գիտակցելով՝ եթէ մէկ կողմէն իր ընդդիմադրութեան մէջ կը յամառէր, միւս կողմէ համաձայնութեան եզր մը գտնելով՝ բարեկարգութիւններ իրագործել տալու և դէպի Հայերը Գերմանական վերաբերմունքը փոխուած ըլլալու հաւաստիքներով վստահութիւն գրաւելու միտումն ունէր:

Անսպասելի միջադէպ մը եկաւ բաղդաւոր Գերմանիոյ այս հաւաստիացումներուն ուժ տալու:— Այդ օրերուն իսկ Կիլիկիոյ մէջ Հայերու կողմէ շարժումի մը և նոր կոտորածներու պատրաստութեան շտկաները չըջնալով սկսան: Կիլիկիայէն հասած սեղեկութիւնները յուսահատական էին ու Միջերկրականի Գերմանական նաւատորմէն հատուած մը կ'երթայ խարսխելու Մէրսինի նաւահանգիստը: Նաւատորմին հրամանատարը ամենայն հանդիսաւորութեամբ ներկայանալով Ատանայի Նահանգապետին՝ վտանգը զգուշացնող ազդարարութիւններ կ'ընէ, միաժամանակ՝ Հայոց կրօնական ներկայացուցիչներուն ևս անվերապահօրէն կը յայտնէ իր ձեռնարկը և կը սրտապնդէ զանոնք: Այս իրողութենէն զատ՝ Պատմութեան կը մնայ նաև իր մանրամասնութիւններով լոյս աշխարհ բերել Տօքթ. Լէփսիւսներու—սոսկական միսիոնարի հանգամանքով—ըրած ձամբորդութիւններուն նպատակն ու անպաշտօն հողի վրայ անոնց կատարած դերը, որ յանգեցաւ Ռուս և Գերման դեսպաններու փոխադարձ համաձայնութեամբ Հայկական Բարենորոգմանց Հարցին ու և է ձեւով վերջ տալու իրողութեան:

Չենք կրնար չյիշել, որ այդ միեւնոյն ատենները, նոյն Պատմութիւնները թէ՛ ուղղակի Օսմանեան Կառավարութեան և թէ՛ մէկզմէկու հետ բանակցութիւններ կը կատարէին իրենց

չին ու նոր առկախ խնդիրները կարգադրելու, հաշուեյարդարումներն ընելու, ազդեցութեանց սահմանները գծելու, երկաթուղիական քոնսէսիոնները ապահովելու ու վերջապէս իրենց ապագայ ծրագիրները հիմնադրելու:

Ի՞նչ կը մտածէին Անգլիա և Ֆրանսա, Աւստրիա և Իտալիա անդին, առաջնութիւնը տալով և գրեթէ բովանդակ դերակատարութիւնը յանձնելով այսպէս Գերմանիոյ և Ռուսիոյ:

Կը թուի թէ Անգլիա դժգոհ չէր Ռուսիոյ հանդէպ իր երբեմնի վարած դերը Գերմանիոյ յանձնելով, որովհետև ատով մէկ կողմէ Անգլիա իր դաշնակից Ռուսիոյ հակառակ յայտնապէս դիրք բռնելու անախորժութենէն կ'ազատուէր, միւս կողմէ՝ յանձնառութիւններով կապուելու հարկադրութենէն զերծ կը մնար. ասկէ զատ՝ մէկ կամ միւս կողմը հակելու համար իր բռնելիք դիրքը աւելի եւս արժէք կը ստանար և ըստ այնմ սակարկութեան մէջ յաջողութեան շանսերն ալ կ'աւելնային: Ու սխալած չենք ըլլար ենթադրելով որ, այս դիրքին շնորհիւ էր որ Անգլիա կարողացաւ իր առկախ մնացած մէկ քանի խնդիրները կարգադրել թուրքիոյ հետ՝ իր փափաքած կերպով և համաձայնութեամբ Գերմանիոյ:

Ֆրանսա, որ կը զգուշանար Սուրիական Հարցը բարձրացնելէ, Հայաստանի մէջ երկաթուղիներու քոնսէսիոնը հետապնդելով թէ՛ Անգլիական հայեացքներուն հետ կը համաձայնէր և թէ՛ Ռուսիոյ հետ իբրև դաշնակից՝ Գերմանական նախաձեռնութեան դէմ հաւասարակշռութիւն մտցնողի դերը կը ստանար:

Իտալիա, որուն գաղթային քաղաքականութեան ախորժակներն էին սրուած, ըստ երեւոյթին լռելեայն կը հետեւէր սակարկութիւններուն՝ իր բաժինը ընտրելու և Գոնիա-Ատալիայի փոքրիկ շրջանին մէջ Ասիական Ազդեցութեան սահման մըն ալ իրեն յատկացնել տալու նպատակով: Աւստրիա գլխաւորապէս իր Ալպանիայովն ու ներքին հարցերովն էր զբաղած, բայց Աւստրիոյ ճարպիկ դիւանագիտութիւնը մի՛շտ մթութեան

մէջ պատրաստուած անակնկալներ շատ տուած ըլլալով՝ դժուար պիտի ըլլար անոր ևս վերագրել կրաւորական դեր Բաբենորդու մեներու խնդիրին մէջ :

Եւ այս բոլորը մեզ համար կարեւորութիւն չպիտի ունենային ու բնաւ պէտք չպիտի զգայինք զանոնք մեր ուսումնասիրութեան նիւթին կապելով անոնց վրայ ուշադրութիւն դարձնել՝ եթէ Օսմանեան Կառավարութիւնն ալ մեր հայեացքն ունենալով՝ «osարը osար է, եւ osարի բարեացակամութիւնը չէ՛ որ մեզ բարի պիտի բերէ» ըսելով, փոխանակ Պետութեանց հետ զիւնաագիտութեան բազմահնչիւն լարերու վրայ թափելու իր ճարտարութիւնը և տրամադրելու անոնցմէ իւրաքանչիւրին ճաշակին գոհացում տուող խաղեր, Բարեկարգութեանց Հարցին դիմէր՝ ուղղակի պատմութեան և ուղիղ բանադատութեան ճանապարհով :

Տարաբախտաբար վրայ հասաւ նոր հիսաթափութիւն մը :

Անշուշտ հաղորդակից զիւնաագիտական այդ բոլոր մեքենայութեանց եւ իրադարձութեանց, Կառավարութիւնը կանխեց հրատարակութիւնը Նահանգային Օրէնքին յաւելուածական եօթ յօդուածներէ բաղկացած Օրէնքը, Յուլիս 20 թուականով և անոնց հետեւող Հրահանգը :

Այդ յաւելուածով Կայսրութիւնը կը բաժնուէր մէկ քանի շրջանակներու և իւրաքանչիւր Շրջանակ կ'ենթարկուէր Ընդհանուր Քննիչի հսկողութեանը . իսկ իւրաքանչիւր Ընդհանուր Քննիչի տրամադրութեան տակ կ'որոշուէր զնեղ տեղացի կամ օտար Մասնագէտներ : Համաձայն այդ Յաւելուածական Օրէնքին՝ Ընդհանուր Քննիչները պիտի ընտրուին հինգ տարի պայմանաժամով, իսկ Մասնագէտ Խորհրդականները՝ Ընդհ. Քննիչներու ընտրութեամբ և հաւանութեամբ. Մասնագէտ Խորհրդականներու թիւը պիտի որոշուի Ընդհանուր Քննչական Շրջանակներու ընդարձակութեան և պէտքերուն համեմատութեամբ : Նոյն այդ յաւելուածական յօդուածներով նախատեսուած է նաև որ Ընդհանուր Քննիչներու իրաւասութեանց ու պարտականու-

թեանց սահմանները ճշգույն ընդհանուր հրահանգով և Ընդհանուր Քննիչներու և անոնց շրջանակի կեդրոնի (Նահանգապետութեան) մէջ ծագելիք անհամաձայնութիւնները քննուին ու յարգարուին Նախարարական Խորհուրդին կողմէ :

Ծանօթ է արդէն որ կառավարութիւնը Երկրին ընդհանուր բարեկարգութեան համար հիմք ընդունեց իր հրատարակած Նահանգային Ընդհանուր Օրէնքը, որուն մասին խօսած ենք արդէն : Խնդրոյ առարկայ Յաւելուածով՝ Կառավարութիւնը կը լուծէր Շրջանային Բարեկարգութեան հարցը : Ուրեմն Շրջանային Բարեկարգութիւնը ըսելով՝ Նոր Կառավարութիւնը կ'ըմբռնէր ո՛չ թէ իւրաքանչիւր շրջանակի աշխարհաբարական, տնտեսական, մշակոյթի և ցեղային պայմաններու համաձայն առանձնաշատուկ վարչութիւն, այլ Ընդհանուր Քննչական հսկողութիւն մը՝ Նահանգային Ընդհանուր Օրէնքներու բարուք գործադրութեան համար : Եւ որպէսզի հսկողութիւնը մասնագիտական հմտութեամբ կատարուի, Ընդհանուր Քննիչներուն կուտար տեղացի կամ օտար մասնագէտ խորհրդականներ :

Կառավարութիւնը, գիտակ իրադարձութեանց, հրատարակելով այս Յաւելուածական Օրէնքը, ամենանուրբ քաղաքագիտութեամբ կանխազդարարած եղաւ Դիւնաագիտութեան՝ թէ մինչև ո՛ւր պիտի հասնին իւր զիջումները Պետութիւններու զբաղած Հայկական Բարենորոգումներու Ծրագրային պահանջներուն փոխարէն :

Եւ արդարև, Առաջին Թարգմաններէն բաղկացած Խորհրդակցական Ժողովներուն մէջ՝ Գերմանիոյ պաշտպանած հայեցակէտները, ինչպէս տեղական և օտար մամուլի հրատարակութիւններէն երևցան, գրեթէ նոյնն էին՝ ինչ որ էր Օսմանեան Կառավարութեանը, որ կը մնար միշտ հրատարակուած Յաւելուածական Օրէնքներու սահմանին մէջ :

Առաջին Թարգմաններու Խորհրդակցական Ժողովը դրական արդիւնքի մը չի յանգելով՝ Դեսպանատուները հաղորդած էին իրողութիւնը իրենց պատկանած Կառավարութեանց,

որուն վրայ մէկ կողմէն Պետութեանց Դահլիճներուն՝ միւս կողմէ Պոսոյ Գերման և Ռուսական դեսպանատանց միջև կրկին բանակցութիւնները շարունակուեցան՝ համաձայնութեան եզր մը գտնելու համար :

Ամիսներ տեւեցին այդ բանակցութիւնները, ու միշտ նորանոր նահանջներով նոր համաձայնութիւններ կայացան:—

Նախ լքուեցաւ Ընդհանուր Նահանգի գաղափարը, հաշտուելով Օսմանեան Կառավարութեան օրէնսդրած Ընդհանուր Քննչական Շրջանակներուն հետ, — պահուեցաւ Վեց Նահանգներէն իւրաքանչիւրը իր ներկայ բաշխման ու կազմին մէջ :

Անկէ վերջ՝ ամիսներով ձեռուեցաւ Ընդհանուր Քննիչներու իրաւասութեան խնդիրը : Այս հարցին մէջ ալ, թէև Ընդհանուր Քննիչներուն լիազօրութիւն տրուած ըլլալու հաւատախաջումներ եղան, բայց ըստ երեւոյթին լուելեայն համակերպեցան Օսմ. Կառավարութեան օրէնսդրած ձևին :

Ու երբ Ընդհանուր Նահանգի, Ընդհանուր նահանգապետի վերաբերեալ առաջարկները Գերմանիոյ և Բ. Դրան ընդդիմութեանը չտրհիւ ետ մղուեցան, բնական հետեւութեամբ ալ պիտի վիժէր նաև Ընդհանուր Նահանգային Ընդհանուր ժողովի և անոր իրաւասութեանց սահմաններու գաղափարը :

Կառավարութիւնը վերոյիշեալ Յաւելուածական եօթ Յօդուածներէն յետոյ հրատարակեց նաև հրահանգ մը՝ որով Ընդհանուր Քննիչներու շրջանակները կը բաժնէր և Ընդհանուր Քննիչներու ու Մասնագէտ Խորհրդականներու իրաւասութեանց սահմանները կ'որոշէր : Համաձայն այդ հրահանգին՝ Կայսրութիւնը բաժանուած է Վեց Ընդհանուր Քննչական Շրջանակներու, որոնց մէջ Հայկական նահանգներուն կցելով նաև Տրապիզոնի նահանգը՝ կը կազմէր երկու Ընդհանուր Քննչական շրջանակ. այս երկու շրջանակներուն Ընդհանուր Քննիչները պիտի կարողանան ընտրուել նաև օտարականներէ :

Ասով ալ Կառավարութիւնը մէկ կողմէն կանխած եղաւ Ընդհանուր Քննիչներուն վերագրուելիք իրաւասութեանց սահ-

մանքերը, միւս կողմէն՝ զուտ Հայկական Նահանգներու ուրոյն չըջանակ կազմելու գաղափարը ջնջած նկատեց : Բայց իմ կարծիքով, այս երկրորդ պարագային մէջ իր դիւանագիտական նրբութեան մէջ սխալեցաւ, որովհետև, Տրապիզոնը կցելով Վեց Նահանգներուն՝ Ռուսիոյ պաշտպանած շրջանակը լայնցուց : Ասկէ զատ՝ օրջանակներու բաժանումը անժխտելիօրէն հիմնուած ըլլալու էր, ինչպէս ըսած ենք, աշխարհագրական, տնտեսական, մշակոյթային ու ցեղային ուրոյն պայմաններուն վրայ : Այդ տեսակետով Տրապիզոնի Նահանգի աշխարհագրական, տնտեսական և այլ պայմանները ո՛չ մէկ նմանութիւն ունին միւս Վեց Նահանգներու պայմաններուն հետ :

Ռուս Դիւանագիտութեան պաշտպանած Բարեկարգութեան Մրաքրի հիմնական պահանջներէն մէկն ալ, ինչպէս տեսանք, այն էր որ Ընդհանուր Նահանգապետը պետութիւններու կողմէ ներկայացուելիք թեկնածուներու վրայէն ընտրուէր, Պետութիւններու հսկողութեամբ, ինչ որ դիւանագիտական բացատրութեամբ, փոխաբերելի համազօր էր :

Միջանկեալ ըսենք որ, Սուրիացիք, իրենց ծրագրով, դիւանագիտական նրբութեամբ նախագծած էին այս պարագան : Սուրիական Շրջանի Շրջանային Վարչութիւնը կեղերնացած ըլլալով հանդերձ Շրջանային Ընդհանուր ժողովի մէջ՝ Նահանգապետի իրաւասութիւնները սահմանափակուած, վարչական բոլոր ճիւղերու պաշտօնէութեանց անուանման և պաշտօնանկութեանց որոշումը, ինչպէս նաև անոնց փոխ-յարաբերութեանց և այլնի վերաբերեալ վէճերուն վերջնական վճռի իրաւունքը յանձնուած է այն Խորհուրդին՝ որ կազմուած պիտի ըլլար վարչական ճիւղերը վարելու կոչուելիք Օտար Տեսուչներէն, որոնց անուանումն ու պաշտօնանկութիւնը չպիտի ըլլար պատահականութեանց ենթակայ : Սուրիացիք նրբամտութիւնն էին ունեցեր չի գործածել «Պետութիւններու կողմէ թեկնածու ներկայացուելու», «անոնց քօնթրօլի իրաւունք տալու» նման բացատրութիւնները. բայց օտարականներէն ընտրուելիք Տեսուչներու Խորհուրդին տալով Գործադիր Իշխանութեան

վէթոյի իրաւունք՝ լուելայն կը ստեղծէին երաշխիքը՝ պաշտօնէութեանց ընտրութիւնները կամայականութիւններէ կամ կողմնակի նկատումներէ ազատելու :

Եթէ այսպիսի սխառէմ մը առաջարկուած ըլլար Հայկական Նահանգներուն համար՝ կ'ընդունուէր արդեօք :— Կասկածելի է, որովհետեւ Շրջանային Վարչութեան և Ապակեդրոնացման սկզբունքին ու դրութեան համաձայնութիւն յայտնուած անհրաժեշտութեանը համոզուած ըլլալու տրամադրութիւն չէր տեսնուեր Կեդրոնական Իշխանութեան մօտ, ուստի և՛ աւելի անհաշտ պիտի ըլլար Պետութեանց կողմէ թեկնածուներկայացուելու, ինչպէս նաև քօնթրօլի գաղափարներուն ու պահանջներուն հետ :

Ընդհանուր Նահանգապետութեան գաղափարը վիժելէ յետոյ, Ռուս Իււանագիտութիւնը պահանջ դրած էր որ Դեպանատուններու կամ Պետութեանց Դաշինքներուն կողմէն ներկայացուելիք թեկնածուն ընտրելու սկզբունքը գոնէ կիրարկուի Ընդհանուր Քննիչներու համար : Ինչպէս սպասելի էր, Բ. Դուռը այս առաջարկը եւս մերժեց : Եւ որովհետեւ այս պահանջին մասին յամառութիւն ցոյց կը տրուէր, երեսոյթները փրկելու համար, Բ. Դրան իսկ առաջարկութեամբ ընդունուեցաւ բանաձև մը, որ սակայն, էական նշանակութիւն և արժէք չունէր առանձնապէս :

Յայտնի է որ, Օսմանեան Կառավարութիւնը անցեալի մէջ ալ Պետութեանց ղեկավար ժամագէտներ պահանջած է իր ծառայութեան մէջ ընդունելու համար : Եւ արդէն ցամաքային բանակին մէջ Դերման, և նաւատորմին մէջ Անգլիական առաջնակարգ մասնագէտներ չին պակսիր, ինչպէս նաև մաքսային և երեւմտական խորհրդակալներ, մանաւանդ՝ Հանրային Շինութեանց Վարչութեան մէջ մասնագէտ օտար պաշտօնեաները փոքր թիւ չեն կազմեր :

Այս անգամ ալ, Բ. Դուռը ընդունելով որ բարենորոգումները իրագործելու համար օտար մասնագէտներու կամ վարիչներու կարօտութիւնն ունի, մասնաւորաբար ղեկմեց

Անգլիական Կառավարութեան, որպէս զի իր առաջնակարգ պետական գործիչներէն մէկը տայ Հայկական Նահանգներու Ընդհանուր Քննչութեան պաշտօնին համար :

Պարզ է որ կառավարութեան կողմէ Պետութեանց եղած այս կարգի ղեկմումները քաղաքական նշանակութիւն չունին որովհետեւ պարտաւորիչ յանձնառութիւններու բնոյթը չունին. և արդէն Պետութեանց կողմէն ցոյց տրուած թեկնածուները ընդունելը կամ մերժելը կախուած է նոյնինքն Օսմ. Կառավարութեան բարեհայեցողութենէն, մինչ ընդունուածներն ալ բառին բովանդակ իմաստով օսմանեան պաշտօնեաներ են :

Կ'արժէ ղեկել տալ որ, Բ. Դրան կողմէ ղեկմանագիտական աքա մըն էր, երբ անիկա կը ղեկմէր Անգլիոյ՝ Հայկական Նահանգներու ընդհանուր քննչութեան կոչելու համար առաջնակարգ պետական գործիչ մը ուղղելով անկէ : Այս ղեկմումը եղած ժամանակ քաղաքական դրութիւնը շատ աւելի բարդ ու մուռլ էր :— Էտիրնէի վերագրումն նոր ու ցնցող իրականութիւնը, ինչպէս նաև Պուլկարիոյ կրած պարտութիւնը իր դաշնակիցներէն՝ քաղաքական միջնորդարը վերստին ալեկոծած էին և այդ պատճառով Իթիթիհատեան նոր Կառավարութիւնը դեռ չէր գրաւած յստակատես, ինքնավստահ դիրք մը՝ հանդէպ Եւրոպայի և Պալքանեան Պետութիւններու : Կիւրոսի Դաշնագրով Անգլիա յանձնառութիւնն ունէր պաշտպանել Հայաստանի անձեռնմխելիութիւնը՝ Բարենորոգումներու գործադրութեան պայմանով : Այդ մուռլ օրերուն՝ Բ. Դուռը, յանուն Բարենորոգումներուն, այդ ղեկմումն ընելով Անգլիոյ մօտ, անոր դաշնագրական յանձնառութիւնն էր որ ապահոված կ'ըլլար. իսկ Անգլիա, որ առաջին պատեհութեամբ այս ղեկմումին ընդառաջ երթալու տրամադրութիւններ ցոյց տալ սկսաւ, մինչեւ անգամ մամուլի մէջ թեկնածուներու անուններու յիշատակութեամբ, — ինչպէս օրինակ Լօրտ Մորլէ Էյն, — պարագաներու փոփոխութեան բերմամբ սակայն՝ մերժեց բաւականութիւն տալ Բ. Դրան այս փափաքին, ինչ որ տեղի տուաւ Օսմ.

Կառավարութեան դժգոհութեան և գանգատին Անգլիոյ զէմ, թէ մէկ կողմէն Բարենորոգումներու գործադրութիւն կը պահանջուի, մինչ միւս կողմէ այդ Բարենորոգումներու գործադրութեանը նպաստել կը մերժուի:

Բայց պարագաներու այլ դասաւորումներ իրենց կարգին պատճառ եղան որ Օսմ.Կառավարութիւնն ալ իր կողմէն այլեւս այդ դիւանագիտական միջոցին դիմելու հարկադրութենէն ազատի, այնպէս որ Ռուսական Մրազրի վիճարանութեան վերջին ֆազի ժամանակ՝ Բ. Դուռը միայն օտար Մասնագէտ Խորհրդականներ հրաւիրելու պահանջը կը զգար, առանց սակայն պարտադիր յանձնառութիւն ստանձնելու:

Ահա ս'յս պայմաններուն տակ՝ Բ. Դուռը, իր տեսակէտով մեծագոյն զիջումը ըրած եղաւ առաջարկելով և ընդունելով այն բանաձեւը թէ՛ Արեւելեան Նահանգներու շրջանակին ընդհանուր ընկնութեան համար իր հրաւիրելիք Եւրոպացի պաշտօնեան հրաժարելու կամ տեղը բաց մնալու պարագային՝ յաջորդին ընտրութեան համար Բ. Դուռը պիտի կարողանայ օգտուիլ Պետութիւններու բարեհաճ օժանդակութենէն:

Նոյն այդ օրերուն Կառավարութիւնը հրատարակեց Նահանգային Օրէնքի 81 յօդուածի Ե.րդ պարբերութեան փոխարինող և Զ.րդ պարբերութիւն մը եւս աւելցնող՝ ինչպէս և 103րդ յօդուածին փոխարինող Առժամեայ Յաւելուածական նոր Օրէնքը, զոր առաջ կը բերենք նոյնութեամբ:—

81 Յօդ. Ե. պարբերութիւն.— «Նահանգներու պաշտօնեաները, որոնք պիտի նշանակուին մասնաւոր օրէնքներուն և կանոնադիրներուն համաձայն, պիտի անուանուին նախապատուութիւն տրուելով անոնց՝ որ ծանօթ են սեղական լեզուին ¹⁾: Նոյնպէս, կառավարութեան կողմէ մասնաւորապէս նշանակուած կարգ մը վայրերու դատարաններուն առջև՝ տեղին գլխաւոր լեզուն պիտի կարենայ գործածուիլ դատավա-

¹⁾ Բոլոր ստորագծուածները մերն են, անոնց ուշագրաւ նշանակութեան անդրադառնալու համար; Ծ. 2.

րութեան միջոցին, պաշտօնական լեզուին հետ համընթաց կերպով: Դատական թուղթերն ու վճիռները պիտի կարենան հաղորդուիլ երկու հակառակորդ կողմերուն՝ սեղական լեզուին քարգանուելի ետ: Վերոյիշեալ վայրերու ժամտարմաներն ու ուստիկանները պիտի առնուին իսլամ եւ ո՛չ իսլամ սարբերէն՝ անոնց թիւին համեմատութեամբ: Պետական օրէնքներն ու կանոնադիրները, ինչպէս նաև կառավարութեան այն որոշումները որոնք հանրութեան յատկացուած են, պիտի կարենան հրատարակուիլ՝ նաև մեծամասնութեան լեզուով, պաշտօնական լեզուով եղած հրատարակութեան հետ միաժամանակ:»

Զ.— «Նահանգներու պիւսեցներուն մէջ նախակրթեան համար նշանակուած գումարներ պիտի որոշուին ու բաժնուին գանազան հասարակութեանց միջեւ, մարդահամարներու տարներուն վրայ արձանագրուած բնակիչներու թիւին համեմատութեամբ, կամ այն պարագային՝ երբ իսլամ նախակրթութեան համար նահանգային պիւսեցներուն մէջ նպաստներ նշանակուին, նպաստներ պիտի յատկացուին նաև ո՛չ-իսլամ նախակրթարաններուն համար:»

103 Յօդուածին փոխարինող յօդուածը.— «Իւրաքանչիւր նահանգ Ընդհանուր Ժողով մը ունի. Ընդհանուր Ժողովի անդամները կ'ընտրուին գաւառակներու վրայ: 12500 արու բնակիչներու վրայ մէկ անդամ կ'ընտրուի: Նահանգին Վարչական Ժողովը միանգամընդմիջ պիտի որոշէ Ընդհանուր Ժողովի իսլամ եւ ո՛չ-իսլամ անդամներուն թիւը, նկատի առնելով բնակիչներուն թիւը եւ բնակչութիւնը կազմող գանազաններով բնակիչներուն թիւը եւ բնակչութեան հետ ո՛չ-սարբերու համեմատութիւնը: Պիտի նշանակէ նաև այն ո՛չ-իսլամ հասարակութիւնը՝ որուն պիտի պատկանին ո՛չ-իսլամ անդամները և այն գաւառակները՝ ուրկէ պիտի ընտրուին անոնք: Ընտրութիւնները պիտի կատարուին վերոյիշեալ որոշման համաձայն:

«Կուսակալը ստիպուած է ընտրութեանց ձեռնարկել՝ ներկայ օրէնքով նշանակուած պայմանաժամներուն մէջ: ¹⁾»

¹⁾ Մեր այս աշխատութիւնը մամուլի տակ էր՝ երբ նահանգային Առժամեայ Օրէնքի մէկ քանի այլ յօդուածներուն հետ նաև

Նահանգային Առժամայ Օրէնքին այս փոփոխուած կամ յաւելուածական տրամադրութիւնները հրատարակուեցան 1913 2/15 Դեկտեմբերին, մինչ Բարենորոգումներու դիւանագիտական բանակցութիւնները վերջացած և համաձայնութիւնը գոյացած յայտնուեցաւ 1914 ի 13/26 Յունուարին :

Ակնբերև է որ Բ. Դուռը վերոյիշեալ օրինական տրամադրութիւնները հրատարակելով՝ նուրբ դիւանագիտութեամբ ցոյց տալ կ'ուզէր համաձայնելիք վերջնական դիվուսները :

Եւ այդպէս ալ եղաւ :

Թէ որքա՛ն համապատասխան է այս դատողութիւնը իրականութեան, առաջ կը բերենք Ազգ. պաշտօնական շրջանակներէն մեր ձեռք բերած համաձայնագրի հարազատ թարգմանութիւնը, որ կը սկսի հետեւեալ նախաբանով .—

Նորին բարձուրեան Մեծ Վեզիր եւ Արսափն գործոց Նախարար Սայիս Հալիմ փառան Վեց Մեծ Պետութիւններուն պիտի հաղորդէ հետեւեալ ծանուցագիրը, միաժամանակ այն ծանուցման հետ՝ որով պիտի հաղորդէ երկու Ընդհանուր Քննիչներու անուանումը :

Ծ Ա Ն Ո Ւ Յ Ա Գ Ի Բ

« Երկու օտար Ընդհանուր Քննիչներ պիտի դրուին Արեւելեան Անաստուլի երկու շրջանակներուն գլուխը. Պ. ... այն շրջանակին համար որ կը պարունակէ Էրզրումի, Տրա-

վերոյիշեալ 81 եւ 103 յօդուածներն ալ նոր բարեփոխութեան ենթարկուած՝ պաշտօնապէս հրատարակուեցան: Բայց այդ բարեփոխութիւնները մեր քննադատական հայեցակէտերը սրբադրել տուող նոր բան մը չեն բովանդակեր: Վերոյիշեալ բարեփոխուած 103 յօդուածով մանաւանդ՝ Նահանգային Ընդհանուր Ժողովներու մասնատական եւ ո՛չ մասնատական անդամներու ընտրութեան համեմատականութիւնը, ըստ համաձայնագրի, հաստատած ըլլալով՝ այդ համեմատութիւնէն ծագելիք անպատեհութեանց եւ երկրի իրական շահերուն դէմ առաջ գալիք չարքներու մասին մեր տեսութիւնները կը մնան իրենց արժէքին մէջ:

պիզոնի եւ Սվազի նահանգները, եւ Պ. ... այն շրջանակին համար, որ բաղկացած է Վանի, Պիթիւսի, Խարբերդի եւ Տիարպէքիի նահանգներէն :

« Ընդհանուր Քննիչները քոնթրոլ ի գործ պիտի դնեն իրենց շրջանակին վարչութեան, դատական իշխանութեան եւ ժանտարմըրիին վրայ :

« Այն պարագային՝ երբ հանրային ապահովութեան պահպանման ծառայող ուժերը անբաւական ըլլան, Ընդհանուր Քննիչին պահանջումով զինուորական ուժեր պիտի դրուին իր տրամադրութեան տակ՝ գործադրելու հաւար իր իրաւասութեան սահմաններուն մէջ գտնուող միջոցները 1) :

« Ընդհ. Քննիչները պարագային համեմատ պաշտօնանկ կ'ընեն այն բոլոր պաշտօնեաները՝ որոնց անբաւականութիւնը կամ յոռի ընթացքը հաստատած են, դատարանի յանձնելով անոնք որ օրէնքով պատիժի արժանի ընթացքի մը մէջ կը գտնուին. պաշտօնակ եղած usorարաս պաշտօնակներուն տեղ կը նշանակեն ուրիշներ, որոնք պէտք է լրացնեն օրէնքներով ու կանոնագիրներով որոշուած ընդունելութեան եւ կարողութեան պայմանները: Անոնք իրաւունք ունին Վ. Սուրբսիկի Կառավարութեան անուանեալ ներկայացուցչու թոշոր պաշտօնակները: Կատարուած բոլոր պաշտօնանկութիւններուն մասին անմիջապէս հեռագրով տեղեկութիւն պիտի տան պատկանող նախարարութիւններուն՝ համառօտ պատճառաբանութիւններով, ուրկէ ետք մինչեւ ութը օր այդ պաշտօնեաներուն տօսիէն եւ պատճառաբանեալ մանրամասն տեղեկագիր մըն ալ պէտք է դրկեն :

« Ծանրակշիւ պարագաներու մէջ, որոնք ստիպողական կարգադրութիւններ կը պահանջեն, Ընդհանուր Քննիչները իրաւունք պիտի ունենան անմիջապէս կախակայելու դատական այն պաշտօնեաները՝ որոնք պաշտօնանկ չեն

1) Բոլոր ընդգծումները մերն են, առանձնապատուկ ուշագրաւ նշանակութեանց վրայ անդրադառնալու համար Մ. Հ.

կրնար ըլլալ ըստ օրինի, պայմանով որ իրողութիւնը անմիջապէս հաղորդեն դատական պաշտօնատան:

«Եթէ տեսուի որ կուսակալները այնպիսի ընթացքներու մէջ կը գտնուին, որոնք խիստ միջոցներու գործադրութիւնը կը պահանջեն ստիպողաբար, Ընդհանուր Քննիչները խնդիրը հետագրով պիտի հաղորդեն Ներքին Գործերու Նախարարութեան, որ իսկոյն պիտի ներկայացնէ Նախարարական Խորհուրդին եւ այս վերջինն ալ իր կարգին որոշում մը պիտի տայ Ընդհանուր Քննիչի հետագրի ստացուելէն առ առաւելն մինչև չորս օր:

«Հողային վէճերը պիտի լուծուին Ընդհանուր Քննիչներուն ուղղակի հսկողութեան տակ:

«Ընդհանուր Քննիչներու պարտականութեանց եւ իրաւատրեանց մասին աւելի մանրամասն հրահանգներ պիտի պատրաստին անոնց անուանումէն ետք ու անոնց աջակցութեամբ:

«Այն պարագային՝ երբ Տասր Տարուան Ժանանակալիչոցի մէջ, Ընդհանուր Քննիչի պաշտօնները թափուր մնան, Բ. Դուռը նոր Ընդհանուր Քննիչներու ընտրութեան հասար, յոյս կը դնէ մեծ տէրութեանց բարեացակամ աջակցութեան վրայ:

«Օրէնքները, հրամանագիրները եւ պաշտօնական ազդեբը իւրաքանչիւր շրջանի մէջ պիտի հրատարակուին տեղական լեզուներով: Դասարանի եւ վարչութեան դիւանդ կողմերը իրաւունք պիտի ունենան իրենց շեզուն գործածելու՝ երբ Ընդհանուր Քննիչը այդ բանը հնարաւոր գտնէ: Դատարաններու վճիռները պիտի խնայագրուին թուրքերէնով, եւ եթէ կարելի ըլլայ անոնց պիտի կցուի երկու կողմերուն շեզունով բարգամուտիւն մը:

«Իւրաքանչիւր նահանգի կրթական պիւտնէին մէջ, իւրաքանչիւր տարրի (ուսուր) բաժինը պիտի ուղղուի կրթական տուրքին մէջ անոր մասնակցութեան համեմատութեամբ: Կայսերական Կառավարութիւնը ո՛չ մէկ արգելք պիտի յարու-

ցանէ, եթէ հասարակութեանց մէջ կրօնակիցները նպաստեն իրենց դպրոցներուն պահպանման:

«Ամէն օսմանցի խաղաղութեան եւ անդորրութեան ատեն իր զինուորական ծառայութիւնը պիտի կատարէ նոյն զինուորական քննչութեան շրջանակին մէջ ուր կը բռնակի: Սակայն Կայսերական Կառավարութիւնը մինչև ցնոր տնօրինութիւն ելմէն, Ասիի եւ Նէհտի նման հեռաւոր վայրերը պիտի դրկէ ցամաքային զինուորական ուժեր, զորս պիտի առնէ Օսմանեան Կայսրութեան բոլոր մասերէն՝ անոնց բնակչութեան թիւին համեմատութեամբ, ասկէ զատ ծովային բանակին համար զէնքի տակ պիտի կանչէ ամբողջ Կայսրութեան մէջէն առնուած նորակոչեր:

«Համիտիյէ գունդերը պիտի վերածուին պահեստի հեծերազօրի. անոնց զէնքերը պիտի պահուին զինուորական մթերանոցներուն մէջ եւ զօրաշարժի կամ ռազմափորձի ատեն միայն պիտի բաժնուին անոնց: Այդ գունդերը պիտի գտնուին իրենց պատկանած շրջանակին զօրաբանակի հրամանատարներուն հրամանին տակ: Խաղաղութեան ասեն գունդերուն, լիաշերտուն եւ գունասակներուն հրամանատարները պիտի առնուին Օսմ. Կայսերական գործօն բանակի սպաներէ: Այդ գունդերուն զինուորները մէկ տարի զինուորական ծառայութեան ենթակայ պիտի ըլլան: Հոն ընդունուելու համար պէտք է իրենք հայթայթեն իրենց ծիւրը անոնց բոլոր կազմածներով միասին: Այս գունդերուն մէջ պիտի կարենայ մեկը առանց ցեղի եւ կրօնի խտրութեան նոյն զինուորական շրջանակէն առնել մարդ որ կը համակերպի այդ պահանջներուն: Երբ զօրաշարժի կամ ռազմափորձի համար հաւաքուին, այս զինուորները ենթակայ պիտի ըլլան կանոնաւոր զօրքին համար գործադրուող կարգապահական նոյն կանոններուն:

«Նահանգային ընդհանուր ժողովներուն իրաւասութիւնը նշուած է 13 մարտ 1329 (1913) օրէնքին սկզբունքներուն համաձայն:

«Վերջնական մարդահամար մը, — որուն պիտի ձեռնարկուի Ընդհանուր Քննիչներու հսկողութեան տակ, հնարաւոր եղածին չափ շուտով, եւ եթէ կարելի ըլլայ, մէկ տարին չանցնելու պայմանով — պիտի ճշդէ զանազան կրօնքներու, ազգութեանց եւ շէնքներու ճիշտ համեմատութիւնը երկու շրջանակներուն մէջ: Մինչեւ այն ատեն Վանի եւ Պիթլիզի Նահանգային ընդհանուր ժողովներուն (Մէճիսը Ումումի) եւ Էնճիւմէններուն ընտրովի անդամներուն կեար խաղաւ եւ կեար ո՛չ խաղաւ պիտի ըլլայ: Էրզրումի նահանգին մէջ, եթէ վերջնական մարդահամարը կատարուած չըլլայ մինչեւ մեկ տարի, նահանգային ընդհանուր ժողովի անդամները նոյնպէս հաւասարութեան հիման վրայ պիտի ընտրուին, ինչպէս վերոյիշեալ երկու նահանգներուն մէջ: Սվազի, Խարբերդի եւ Տիարպէքիի նահանգներուն մէջ, ընդհանուր ժողովներուն անդամները այժմէն պիտի ընտրուին համեմատականութեան սկզբունքին վրայ: Ասոր համար մինչեւ վերջնական մարդահամարը, իսլամ ընտրութիւններուն թիւը պիտի որոշուի համաձայն վերջին ընտրութեանց հիմ ծառայող ցուցակներուն, իսկ ո՛չ իսլամներու թիւը պիտի որոշուի իրենց հասարակութիւններուն կողմէ ներկայացուելիք ցանկերուն համաձայն: Եթէ սակայն, նիւթական դժուարութիւններ ընտրական այս առժամեայ դրութեան գործարարութիւնը անհետ դարձնեն, ընդհանուր քննիչները իրաւունք պիտի ունենան Սըվազի Խարբերդի եւ Տիարպէքիի երեք նահանգներուն ընդհանուր ժողովներու արտուներուն բաշխման հասար ուրիշ համեմատութիւն մը առաջարկելու, որ աւելի համապատասխան ըլլայ նոյն նահանգներու ներկայ պէտքերուն եւ պայմաններուն:

«Այն բոլոր նահանգներուն մէջ՝ ուր ընդհանուր ժողովները պիտի ընտրուին համեմատական սկզբունքին հիման վրայ, փոքրամասնութիւնը ներկայացուցիչ պիտի ունենայ նահանգային խորհուրդներուն (Էնճիւմէնի) մէջ:

«Վարչային խորհուրդներու (մէճիսը իտարէ) ընտ-

րովի անդամները ըստ առաջնոյն կէս առ կէս խաղաւ եւ ո՛չ-խաղաւ պիտի ըլլան:

«Եթէ Ընդհանուր Քննիչները անպատեհութիւն մը չտեսնեն, իսլամներու եւ ո՛չ-իսլամներու միջեւ հաւասարութեան սկզբունքը պիտի գործադրուի երկու շրջանակներու ոստիկանութեան եւ ժամտարմըրիի զինուորագրման մէջ, քանի թափուր պաշտօններ մնան:

«Հաւասարութեան նոյն սկզբունքը կարելի եղածին չափ պիտի գործարարուի նաեւ երկու շրջանակներուն մէջ հանրային միւս բոլոր պաշտօններուն բաշխման ատեն:»

Այս անպաշտօն կամ կիսապաշտօնական տօքլումանի թուականէն մօտ երեք շաբաթ յետոյ, թուրք թերթերը անպաշտօն կերպով հրատարակեցին միեւնոյնը, միայն առաջին մասը հետեւեալ կերպով փոխուած.

«Օսմանեան Կայսրութիւնը աշխարհագրական դիրքերու տեսակէտով վեց շրջանակի պիտի բաժնուի, իւրաքանչիւր շրջանակի համար Օսմանեան Կառավարութեան կողմէ Ընդհանուր Քննիչ մը պիտի նշանակուի: Արեւելեան Անատոլի նահանգներուն համար, որոնք երկու քննչական շրջանակ պիտի պարունակեն, երկու ընդհանուր քննիչները պիտի առնուին փոքր տէրութեանց հպատակներէն:»

Ընդունուած վերոյիշեալ կէտերը թէեւ դեռ օրէնքի ուժ չեն ստացած, բայց աչքի առաջ ունենալով որ տեղական և օտար, նոյն իսկ կիսապաշտօնական մամուլը միեւնոյնը հաստատած է, առանց պաշտօնական հերքումի տեղի սալու, և մանաւանդ՝ դիւանագիտական բանակցութիւնները փակուած են վերոյիշեալ կէտերու շուրջ կայացած համաձայնութիւնը յայտարարելով, իբրեւ կատարուած իրողութիւն՝ ըստ այնմ ալ կը հիմնաւորեմ իմ դատողութիւններս:

Արդ, վերադառնալով վերստին իմ տեսակէտիս, կը կարծեմ որ վերոյիշեալ մէջբերումները բաւական են համոզուելու համար որ՝ Անատոլիի Արեւելեան նահանգներու Բարեկար-

գութեան համար ընդունուած հիմունքները նոր և բացառիկ բան մը չեն պարունակեր :

Ինչպէս կ'երեւայ Համաձայնագրի նախարանէն, Ընդհանուր Քննիչներու ընտրութեան պարագային՝ Վեց Մեծ Պետութեանց հաղորդուելիք ծանուցագիրը յանուն Օսմանեան Կառավարութեան եղած յանձնառութիւն մը չէ, այլ յանուն Մեծ Վէզիր և Արտաքին Գործերու Նախարար Սայիտ Հալիմ փաշայի : Իլւանագիտութեան մէջ «յանուն կառավարութեան» և «յանուն նախարարի» յանձնառութեանց միջև եղած տարբերութիւնն ու արժէքը բաւական մեծ է :

Անցնելով բուն իսկ Համաձայնագրի բովանդակութեանը, կը տեսնենք որ Տրապիզոնն ալ միասին ըլլալով՝ Արեւելեան Նահանգները կը բաժնուին երկու Ընդհանուր Քննչական Շրջանակներու :— Եւ արդէն ամբողջ Կայսրութիւնը Ընդհանուր Քննչական շրջանակներու բաժանման պարտադրութիւնը Յաւելուածական Օրէնքներու առաջին իսկ տրամադրութիւնն է :

Յաւելուածական Օրէնքներու երկրորդ տրամադրութիւնն է որ Ընդհանուր Քննիչներու իրաւասութեանց սահմանները որոշուին ընդհանուր հրահանգով մը :— Ու հոս ալ արդէն հրատարակուած ընդհանուր հրահանգին մէկ յօդուածը կը տրամադրէ այն միւսոյն իրաւասութիւնները՝ զորս կը բովանդակէ Համաձայնագիրը :

Ընդհանուր Քննիչները իրաւունք ունին նահանգային գլխաւոր և ստորադասեալ պաշտօնեաները օրէնքի սահմանին մէջ պաշտօնանկ ընելու կամ դատարանին յանձնելու :— Այս տրամադրութենէն կարելի չէ սակայն եզրակացնել որ պաշտօնանկութիւնը վերջնական և անդառնալի է. Ընդհանուր Քննիչները պաշտօնանկութեանց համար պարտաւոր են անմիջապէս հեռագրով եւ մինչեւ ութ օրէն մանրամասն տեղեկագրութեամբ իմաց տալ պատկանեալ Նախարարութեան, իսկ նախարարութիւնը Նահանգային Օրէնքին 11 և 12 յօդուածներով օրինական իրաւունքն ունի պաշտօնանկութեան արդարացի և օրինական ըլլալը հաստատելու կամ ժխտելու :

Ընդհանուր Քննիչները իրաւունք ունին պաշտօնանկ եղած Կայսերական վաւերացման ու Ֆէրմանի կարօտ գլխաւոր պաշտօնեաներ նշանակելու և Կայսերական վաւերացման ենթարկելու :— Բայց չէ՞ որ Կայսերական վաւերացումը կ'ըլլայ միմիայն Նախարարութեան պատասխանատուութեամբն ու առաջարկով և ի զօրու կը մնան Նահանգային Օրէնքի 8 և 9րդ յօդուածները. այս այսպէս ըլլալէ յետոյ՝ Ընդհանուր Քննիչներուն կողմէ եղած անուանումները վերջնական չեն կրնար ըլլալ բնականաբար : Գալով Կայսերական վաւերացման կարօտ չեղած պաշտօնէից անուանումին, ըստ վերոյիշեալ 9րդ և յաջորդ 10րդ յօդուածներու տրամադրութեանց, կը պատկանի Նահանգապետին, Կառավարիչին և Գաւառապետին իրաւասութեանց : Ուստի՝ ցորչալի օրէնքի այդ տրամադրութիւնները կան ու կը մնան՝ բոլոր պաշտօնանկութեանց և ընտրութեանց մէջ, ըստ կարգի՝ նախարարին, նահանգապետին, կառավարիչին ու գաւառապետին հաւանութիւնն ու համաձայնութիւնը պայմանադրեալ է : Նոյն պայմանն ու դրութիւնը կայ նաեւ դատական պաշտօնէութեան համար, և Ընդհանուր Քննիչներուն իրաւունք չի տրուիր զանոնք պաշտօնանկ ընելու, այլ միայն կախակայելու :

Ու բռնեք նաեւ՝ Համաձայնագրին տրամադրութեանց համաձայն իսկ՝ Ընդհանուր Քննիչներուն պաշտօնն է. — «Ընդհանուր Քննիչները քօնթօլ ի գործ պիտի զննեն իրենց չրջանակին վարչութեան, դատական իշխանութեան, ոստիկանութեան ու ժանտարմըրիին վրայ» : Քօնթօլը չի նշանակեր վարչական հեղինակութիւն՝ այլ գոյութիւն ունեցող հեղինակութեան, իշխանութեան բարուք կիրառութեան վրայ հակողութիւն : Իւրաքանչիւր նահանգի հեղինակութիւնն ու իշխանութիւնը կեդրոնացած է, ըստ օրինի, Նահանգապետին վրայ, համաձայն Նահանգային Օրէնքի 20րդ յօդուածին :

— «Նահանգապետը նահանգին մէջ Գործադիր Իշխանութեան ամենաբարձր պաշտօնեան է և բոլոր նախարարութիւններու ներկայացուցիչն ու փոխանորդը, և իբր այդ՝ պատասխանատու է նահանգին ընդհանուր վարչութեան համար :

«Նահանգապետը պաշտօն ունի նահանգին մէջ հրատարակելու օրէնքներն ու կանոնադրները, ապահովելու անոնց ամբողջական գործադրութիւնը, կատարելու և գործադրելու անոնցմով իրեն տրուած բոլոր պարտականութիւններն ու իրաւասութիւնները, պահպանելու Պետութեան և ժողովուրդին իրաւունքները և գործադրելու Նախարարութիւններու հրամաններն ու հրահանգները :

«Պետութեան կողմէ հրատարակուելիք բոլոր օրէնքներն ու կանոնադրները և անոնց մասին Նախարարութիւններու կողմէ տրուելիք որոշումներն ու հրահանգները միայն Կուսակալներու միջոցով կը հաղորդուին վարչութեան զանազան ճիւղերուն...»

Ըստ նոյն օրէնքի 23րդ յօդուածին՝ — «Նահանգի բոլոր պաշտօնատուներն ու ճիւղերը Կուսակալին հսկողութեան տակ կը գտնուին :»

Վերջապէս, դարձեալ համաձայն նոյն օրէնքի 24, 25, 26 և 27րդ յօդուածներուն՝ Նահանգապետն է պատասխանատուն նահանգին անդորրութեան և ապահովութեան, օստիկանական, ժանտարմըրիական և ի պահանջիկ հարկին ղինուորական ուժերը ուղղակի անոր իրաւասութեան և տրամադրութեան տակ կը գտնուին :

Սրդ, քանի այս հեղինակութիւնն ու իշխանութիւնը գոյութիւն ունի, և կարելի չէ որ չունենայ, Ընդհանուր Քրինիչներու բոլոր կարգադրութիւններն ու որոշումները ենթակայ են անպայման Նահանգապետի հեղինակութեանն ու համաձայնութեանը, բայց ի այն պարագայէն՝ երբ այս կամ այն Նահանգապետը իր հակօրինական արարքովը ինքն ալ կ'ենթարկուի Ընդհանուր Քրինիչի ամբաստանութեանը : Այդ պարագային ալ՝ Ընդհանուր Քրինիչը ինքնուրոյն ոչինչ կրնայ ընել Նահանգապետին դէմ, բայց եթէ՝ ամբաստանութիւնը ներկայացնել Նախարարութեան, որ «իսկոյն պիտի ներկայացնէ Նախարարական Խորհուրդին և այս վերջինն ալ իր կարգին որոշում մը պիտի տայ Ընդհանուր Քրինիչի հեռագրին ստաց-

ուելէն մինչև չորս օր» : Այդպիսի պարագայի մը մէջ, եթէ մինչև և իսկ Նախարարական որոշումը Նահանգապետին պաշտօնակութիւնը որոշէ, յամենայն դէպս նահանգին գլխաւոր իշխանութիւնը բնականաբար կամ պիտի փոխանցուի կարգուելիք փոխանորդի մը և կամ Նահանգապետի յաջորդին. ուստի, դարձեալ Ընդհանուր Քրինիչը չի կրնար Ընդհանուր Նահանգապետէն անկախ, անոր կամքին ու համաձայնութեանը հակառակ ո'ւնէ հեղինակութիւն, իշխանութիւն գործ ընել :

Ասոնցմէ զատ՝ նահանգի պատասխանատուն ըլլալով Նահանգապետը, ո'ւնէ պաշտօնեայի պաշտօնակութեան և անուանման վերաբերմամբ եթէ Նահանգապետին և Նախարարին միջեւ տարակարծութիւն ծագի, Նախարարն անգամ իրաւունք չունի վերջին խօսքն ըսելու, այլ ըստ Նահանգային Օրէնքի 12րդ յօդուածին՝ — «Նախարարութիւնները եթէ բաւարար չի նկատեն նահանգապետներու ցոյց տուած պատճառները, թուղթերը անոնց ժամանումէն առ առաւելն մինչև մէկ ամիս կը յղեն Պետական Խորհուրդին, պէտք եղած քննութիւնները կատարելու և ըլլալիք գործողութիւնը որոշելու համար, և անմիջապէս հեռագրով տեղեկութիւն կուտան Նահանգապետներուն : Պետական Խորհուրդին մէջ այս քննութիւնները առ առաւելն մինչև երկու ամիսէն կաւարտին և թուղթերը կը վերադարձուին պատկանեալ Նախարարութեան : Եթէ կեղտնի պաշտօնատուները մինչև մէկ ամիս պատասխան չտան այն պաշտօնեաներու մասին, որոնց պաշտօնակութիւնը կամ փոփոխութիւնը առաջարկուած է, կուսակալները իրաւունք ունին, պատասխանատուութիւնը իրենց վրայ առնելով, զանոնք պաշտօնանկ ընելու և փոխելու...» :

Նահանգապետներու վերաբերեալ օրինական այս իրաւասութիւններն ու տրամադրութիւնները ցորչափ կան ու կը մնան, Ընդհանուր Քրինիչներու, իրիւր քօնդրօլ, տրուած բոլոր իրաւասութիւններն ու կարգադրութիւնները անպայման ենթակայ պիտի ըլլան Նահանգապետներու իրաւասութեանն ու համաձայնութեանը. հակառակը՝ իրար չէզոքացնող երկու հակադիր ուժերու գոյութիւնը կենթադրէ :

«Երբ հանրային ապահովութեան պահպանման ծառայող ւժիբը անբաւական ըլլան, կը նախատեսէ Համաձայնագիրը, ունդհանուր Քննիչին պահանջուով զինուորական ուժեր պիտի դրուին իր տրամադրութեան տակ՝ գործադրելու համար իր իրաւասութեան սահմաններուն մէջ զտնուող միջոցները»։—Մինչդեռ Նահանգային Օրէնքի 24րդ և 25րդ յօդուածներու զօրութեամբ ալ Նահանգապետներուն է որ կը պատկանի այդ իրաւասութիւնը. հարց է թէ այժմ անոնցմէ որո՞ւն է որ պիտի տրուի այդ իրաւասութիւնը :

«Հողային վէճերը պիտի լուծուին Ընդհանուր Քննիչներուն ուղղակի հսկողութեան տակ», կ'ըսէ Համաձայնագիրը :—Մինչդեռ հողային վէճերու լուծման համար ալ յատուկ ԱռժամեայՕրէնք հրատարակուեցաւ ասկէ ամիսներ առաջ, որուն համաձայն՝ տեղական Քննիչ-Վարչական մարմիններն են որ վարչական եղանակով քննութիւններու և կարգադրութեան իրաւունք ունին. այդ Քննիչ Մարմիններու որոշումներն ալ վերջնական չըլլալով՝ վերջին խօսքը կը մնայ դատարաններուն, որոնց գործելակերպն ու վերաբերմունքն է որ ծնունդ կուտայ արդէն սուարկութեանց և գանգատներու :

Համաձայնագիրը կը նախատեսէ նաև Ընդհանուր Քննիչներու պարտականութեանց ու իրաւասութեանց մասին աւելի մանրամասն հրահանգներու պատրաստութիւնը, որ պիտի խմբագրուին Ընդհանուր Քննիչներու անուանումէն յետոյ :— Նախատեսուած հրահանգի մանրամասնութիւնները անշուշտ հիմնուած պիտի ըլլան խնդրոյ առարկայ Համաձայնագրով և Նահանգային Յաւելուածական Առժամեայ Օրէնքին կցուած ընդհանուր հրահանգով սահմանուած հիմունքներուն վրայ : Հոս սակայն մանրամասնութիւնները չեն որ առանձին արժէք ունին, այլ այն հիմքը՝ որոնց վրայ պիտի ձեւուին յիշեալ մանրամասնութիւնները : Մեր այս աշխատութեան ընթացքին՝ մենք արդէն վեր առինք այդ հիմքերուն իրական արժէքը :

Լեզուներու վերաբերեալ հատուածին գալով, կարժէ նըկատել որ, Համաձայնագրի այդ հատուածին տրամադրու-

թիւնները աւելի սահմանափակ ու սեղմ են՝ քան Նահանգային Օրէնքի Յաւելուածական յօդուածինը :

Համաձայնագրին յօդուածը կ'ըսէ,— «Օրէնքները, հրահանգիրները և պաշտօնական ազդերը իւրաքանչիւր չըջանի մէջ պիտի հրատարակուին տեղական լեզուներով : Դատարանին և վարչութեան դիմող կողմերը իրաւունք պիտի ունենան իրենց լեզուն գործածելու, կըր Ընդհանուր Քննիչը այդ բանը հնարաւոր գտնէ. Դատարաններու վճիռները պիտի խմբագրուին թուրքերէնով, և եթէ կարելի ըլլայ. անոնց պիտի կցուի երկու կողմերուն լեզուով բարգմանութիւն մը :

Նահանգային Օրէնքի 81րդ (?) յօդուածին երգ տարբերութեան փոխարինող տրամադրութիւններն ալ հետեւեալներն են,— «Կառավարութեան կողմէ նշանակուած կարգ մը վայրերու դատարաններուն առջև, տեղւոյն գլխաւոր լեզուն պիտի կարենայ գործածուիլ դատավարութեան միջոցին պաշտօնական լեզուին հետ համընթաց կերպով : Դատական թղթերն ու վճիռ պիտի կարենան հաղորդուիլ երկու հակառակորդ կողմերուն՝ տեղական լեզուին թարգմանուելէն ետք... Պետական օրէնքներն ու կանոնադիրները, ինչպէս նաև կառավարութեան այն որոշումները՝ որոնք հանրութեան յատկացուած են, պիտի կարենան հրատարակուիլ նաև մեծամասնութեան լեզուով, պաշտօնական լեզուով եղած հրատարակութեան հետ միաժամանակ » :

Ինչպէս կը տեսնուի, Օրէնքը կը տրամադրէ որ մասնաւորապէս նշանակուած վայրերու, ուստի և երկու Քննչական Շրջանախերու բաժնուած Արեւելեան Նահանգներուն մէջ դատարաններու առջև տեղւոյն գլխաւոր լեզուն պիտի կրնայ գործածուիլ դատավարութեան միջոցին, ինչպէս նաև դատական թուղթերն ու վճիռները պիտի կրնան երկու հակառակորդ կողմերուն հաղորդուիլ տեղական լեզուին թարգմանուելէն ետք : Օրէնքի այս տրամադրութեանց մէջ անորոշ ու վիճելի կը մնան «կրնայ» և «տեղական լեզու» բառերը. նոյնպէս «կրնայ» կամ «կարենան» բառերուն իմաստն ալ պարտաւորիչ չէ, թէև

արգելիչ ալ չէ: Վիճելի կրնայ ըլլալ նաև «սեղական գլխաւոր» եւ «մեծամասնութեան լեզուն» բառերուն տակ պահուած իմաստները: Եւ իրօք, վերոյիշեալ Նահանգներուն մէջ տեղական լեզուները որո՞նք պիտի ըլլային: Սակայն որովհետև խօսքը կը վերաբերի վերոյիշեալ նահանգներուն մէջ լեզուներու մասին, պաշտօնական լեզուէն դուրս եղած իւրաքանչիւր տեղի մէջ պիտի զանազանուին այդ լեզուները. այսպէս օրինակ՝ մէկ քանի վայրերու մէջ հայերէնը, ոմանց մէջ քրդերէնը եւ այլոց մէջ արաբերէնն ըլլալու մրցումն ու պահանջն է որ առաջ պիտի գայ: Իսկ ի՞նչ պիտի ըսուի քիւրտերուն համար՝ որ գլր ու գրականութիւնն չունին գրաւոր թարգմանութեանց համար:

Օրէնքի այս թիրուխեանց կամ անորոշութեանց հանդէպ Համաձայնագիրը օրէնքի այս պարտադրութեան փոխարէն՝ Ընդհանուր Գննիչին հայեցողութիւնն ունի, որ, եթէ նաքաւոր գտնէ, «վարչութեան եւ դատարանի դիմող կողմերը իրաւունք պիտի ունենան իրենց լեզուն գործածելու»։ Իսկ դատարաններու վճիռները երկու լեզունով թարգմանուելու պարագան ալ կ'ենթարկուի «եթէ կարելի ըլլայ» ի թէական պայմանին: Ո՞վ կամ ի՞նչ բան պիտի որոյժ այդ կարելիութիւնը, — յայտնի չէ:

Նահանգային Օրէնքի 81րդ (?) յօդուածին Զրդ պարբերութեամբ՝ «Նահանգներու պիւտճէներուն մէջ նախակրթութեան համար նշանակուած գումարները պիտի որոշուին ու բաժնուին զանազան հասարակութեանց միջեւ, մարդահամարի տուձարներուն մէջ արձանագրուած քնակիչներու թիւին համեմատութեամբ. կամ այն պարագային՝ երբ իսլամ նախակրթարաններուն համար Նահանգային պիւտճէներուն մէջ նպաստներ նշանակուին, նպաստներ պիտի յատկացուին նաև ոչ-իսլամ նախակրթարաններուն համար»:

Հոս ալ սակայն օրէնքը անորոշ եւ վիճելի կը թողու այն պարագան թէ՛ ի՞նչ կուզուի հասկցնել «իսլամ վարժարաններուն համար նպաստներ նշանակուիլն» բացատրութեամբ. — արդե՞օք Նահանգային Օրէնքի 80րդ յօդուածով Նահանգային սովորական

պիւտճէօ՞վ սահմանուածը, թէ այս նոր յօդուածին ուժով Պետական պիւտճէով նպաստ պիտի յատկացուի: Իսլամ վարժարանները ըսելով առ այժմ կը հասկցուի պետական անունը կրող վարժարանները, որոնք պետական ընդհանուր կամ նահանգային պիւտճէներով ապահովուած են: Այդ պիւտճէներով իսլամ վարժարաններու յատկացուածները նպաստ պիտի համարուին թէ՛ ո՛չ: Եթէ այո՞, ինչո՞ւ «Եթէ նպաստ նշանակուիլն» բացատրութեամբ թէական պայման դրուած է. իսկ եթէ պիւտճէներով ապահովուածները նպաստ չեն սեպուիր, այդ պարագային ալ արդէն իսկ ապահովուած վարժարաններուն համար նպաստի պէտք չըլլար. ուրեմն երբ իսլամ նախակրթարանները այս ձևով ապահովուած են, ո՛չ-իսլամ նախակրթարանները առանց նպաստի՞ պիտի ձգուին:

Օրէնքի այս անորոշութեան եւ միեւնոյն ժամանակ Նահանգային պիւտճէով իւրաքանչիւր հասարակութեան թիւին համեմատութեամբ նպաստի գումարներու բաշխման պայմանին հանդէպ՝ Համաձայնագիրը կը նախատեսէ — «Իւրաքանչիւր նահանգի կրթական պիւտճէին մէջ՝ իւրաքանչիւր տարրի բաժինը կը սահմանուի կրթական սուրբին մէջ անոր մասնակցութեան համեմատութեամբ»։ այսինքն բաշխման հիմը իւրաքանչիւր հասարակութեան թիւը կազմելու տեղ՝ կ'ընդունուի սուրբի մասնակցութեան գումարին համեմատութիւնը:

Բայց խնդիրը ասով չի լուծուիր, որովհետև թէ Նահանգային Օրէնքը եւ թէ Համաձայնագիրը իսկական պահանջին բաւականութիւն չեն տար: Իսկական պահանջը այն է որ իւրաքանչիւր ազգի առնուազն նախակրթութիւնը ապահովուի: Այս տեսակէտով իսլամ վարժարանները ապահովուած են կրթական նախարարութեան հաստատած պիւտճէներով: Այդ ապահովութիւնը Պետական Ընդհանուր Պիւտճէով ըլլայ թէ Նահանգային Պիւտճէով՝ միեւնոյնն է: Իրականութիւնը անոր մէջն է որ իսլամ վարժարանները պետական անունը կրելով՝ Պետութենէն կամ Նահանգէն կ'ապահովուին, իսկ ոչ-իսլամները զրկուած կը մնան այդ ապահովութենէն:

Պետական համարուած վարժարաններու ապահովութիւնը չեն-
թի գումարին . մինչդեռ ո՛չ-Իսլամները ենթարկելով թիւի-
կամ տուրքի համեմատութեանը՝ անոնց նախակրթարանները
ներկայ նիւթական աննպաստ և անապահով դրութեանէն բնաւ
չեն ազատիր :

Նախ քան Նահանգային Օրէնքի վերոյիշեալ պարբերութեան
հրատարակութիւնն ու նախ քան Համաձայնագիրը՝ ո՛չ-Իս-
լամ վարժարանները Սահմանադրական Ռէփուբլիկայ շրջանին
մէջ Պետական կամ Նահանգային պիւտճէէն բաժին կը ստանա-
յին , միայն թէ այս բաժիններուն բաշխումը չունէր օրինական
կամ արդար հիմ մը : Այդ հիմն էր որ պիտի դրուէր և օրինա-
կանանար : Ըլլայ Նահանգային Օրէնքը , ըլլայ Համաձայնագիրը՝
չտուլին սակայն այդ անհրաժեշտ ապահովութիւնը : Իսլամ և ո՛չ-
Իսլամ բոլոր քաղաքացիներու կրթութիւնը հաւասար անհրա-
ժեշտութիւն եւ հաւասար պարտականութիւն մըն է Պետու-
թեան համար , ինչպէս որ տուրքի պարտականութեանց մէջ
հաւասարակէս կը պարտադրուին անոնք :

Կրթական ծախք սահմանելու ժամանակ ո՛չ ծնողներու
թիւը և ո՛չ ալ անոնց տուրքի քանակութիւնը հաշուի կառ-
նուի , այլ միայն կրթական ծրագրի պահանջը . հետեւաբար այդ
ծրագրին գործադրութեան ապահովութիւնն ալ հաւասար
պէտք է ըլլայ ինչպէս Իսլամին՝ նոյնպէս եւ ո՛չ-Իսլամին համար :

Այս բայցը կամ թերութիւնը լրացնելու համար , Համա-
ձայնագիրը կ'ըսէ նաև թէ՝ «Կայսերական Կառավարութիւնը
ո՛չ մէկ արգելք պիտի յարուցանէ , եթէ հասարակութեանց
մէջ կրօնակիցները նպատակն իրենց դպրոցներուն պահպան-
ման» : — Բայց այդ արգելքը արդէն գոյութիւն չունի : Հայ
ազգը , ինչպէս միւս քրիստոնեայ ազգերը , Պետութեան Օրէն-
քին մաս կազմող իր Ազգային Սահմանադրութեամբ՝ իր ներքին
կուտուրական ինքնավարութիւնն ունի և համաձայն այդ օրէն-
քին՝ իր վարժարաններուն համար ինքն իր մէջ տուրք և նուէ-
կը սահմանէ ու կը ծախսէ : Օրէնքով վայելուած այս իրար
ուռնքին նպաստաւոր կիրառութիւնն ապահովելու համար Կա-

ռավարութեան աւելի լայն աջակցութիւնն էր կարեւորը Հայ
Ազգին համար :

Միեւնոյն ժամանակ Հայ Ազգը կրթութեան համար
տուրք կը վճարէ Պետական Գանձին . ուստի իր իրաւունքն
էր այս կրկնակ բեռէն ազատիլ՝ Պետական կամ Նահանգային
պիւտճէներէն ապահովուելով վերջնապէս և կամ իր տուած
տուրքը միմիայն իր վարժարաններուն վրայ գործածելով ,
պակասն ալ ի հարկէ ինք իր մէջ լրացնելու լիակատար ,
պարտադրիչ իրաւունքով : Այս պայմաններուն մէջ Համա-
ձայնագիրը «եթէ հասարակութեանց մէջ կրօնակիցները նպաս-
տեն իրենց դպրոցներուն պահպանման» բացատրութիւնը
ո՛չ միայն այդ լիազօրութիւնը կամ ապահովութիւնը չընծայէր ,
այլ կը թուցնէ հասարակութեանց արդէն վայելած իրաւուն-
քին ուժը : Հայ Ազգը պէտք ունէ՞ր արդեօք Դիւանագիտական
միջամտութեան պարգեւած այս տարօրինակ և անսպասելի
«չնորհին» ալ . . .

Իւրաքանչիւր քաղաքացի իր ղինուորական ծառայու-
թիւնը իր իսկ ղինուորական քննչութեան շրջանակին մէջ կա-
տարելու տրամադրութիւնը՝ առանց Դիւանագիտական մի-
ջամտութեան ալ , արդէն Պետութեան կողմէ արտայայտուած
և ղինուորական վերակազմութեան ծրագրին մէջ մտած էր :

Նոյնպէս Համիտիյէ գունդերը արդէն ո՛չ թէ պիտի
վերածուին պահեստի հեծելազօրքի , այլ այդ դրութեան մէջ
դրուած են յատուկ կանոնագրով : Այդ գունդերուն վերա-
բերեալ տրամադրութիւնները ո՛չ մէկ նորութիւն կը պարու-
նակեն արդէն գործադրութեան մէջ եղող պայմաններէն :
Այդ գունդերը այժմ այն չեն՝ ինչ որ էին Համիտեան Շրջա-
նին , — որպէս իսկական Համիտեան գունդ : Եղած պահան-
ջը այդ գունդերու ջնջման մասին էր , որուն հաւանած
չըլլալով Բ . Դուռը՝ Դիւանագիտութիւնը իր պարտութիւնը
պարտկիր է արդէն իսկ կիրարկուող պայմանները իբրեւ նոր
համաձայնութեան կէտ ընդունելով : Միակ նորութիւնը այն
տրամադրութիւնն է , որուն համաձայն քիւրտ աւատականնե-

րուն յատուկ եղող այդ գնդերուն մէջ, առանց ցեղի և կրօնի խարճութեան, իրաւունք ունին մտնելու «նոյն զինուորական շրջանակէն ամէն մարդ որ կը համակերպի այդ պահանջներուն», որ կը կայանայ իրենց ձեռքը բոլոր կազմածներով միասին հայթայթելուն մէջ:—Հայերուն համար սակայն այդ բանը ոչ մէկ հրապոյր ունի, որովհետեւ արդէն իսկ քիւրտ աւատապետներէ կազմուած այդ գունդերուն մէջ Հայերը իրենց համար հրապուրիչ ոչինչ պիտի գտնեն, որպէս զի իրենց ձին ու կազմածն ալ հայթայթելու զոհողութեամբ այդ գունդերուն մասնակցելու փափաքը սնուցանեն:

Դիւանագիտութեան կամաւոր ինքնախափ պարծանքներէն մէկն ալ Նահանգային Ընդհանուր Ժողովներուն մասնակցութեան վերաբերեալ տրամադրութիւններն են:—Նահանգային Ժողովը, Համաձայն Նահանգային Առժամեայ Օրէնքի 111րդ. յօդուածին, տարին մէկ անգամ կը գումարուի. առաջին թուականը կորոշուի կուսակալին կողմէ՝ ըստ 112րդ. յօդուածին. Ժողովին նստաշրջանը 40 օր է միայն: Իսկ նոյն Օրէնքի բարեփոխուած 103րդ. յօդուածին համաձայն, ինչպէս տեսանք, «Նահանգային Վարչական Ժողովը է որ մի անգամ ընդ միշտ պիտի որոշէ Ընդհանուր Ժողովի իսլամ և ոչ-իսլամ անդամներուն թիւը. նկատի առնելով բնակիչներուն թիւը և բնակչութիւնը կազմող զանազան տարրերու համեմատութիւնը՝ պիտի նշանակէ նաև այն ո՛չ-իսլամ հասարակութիւնը որուն պիտի պատկանին ո՛չ-իսլամ անդամներ և այն գաւառակները ուրկէ պիտի ընտրուին անոնք:»

Իսկ Համաձայնագիրը ի՞նչ կ'ուտայ:—Տրուածը ուրիշ բան չէ՛, բայց եթէ այն՝ որ համեմատական թիւերը որոշուելու համար մինչեւ մէկ տարի, «հնար եղածին չափ շուտով», Ընդհ. Քննիչներու հսկողութեան տակ վերջնական մարդահամար կատարուի: Ուրեմն Համաձայնագիրը կը հաստատէ այն՝ ինչ որ Օրէնքը տրամադրած է արդէն: Նորութիւնը միայն հոն է, որ եթէ մարդահամարը կատարուելէն կամ թիւերը ճշդուելէն առաջ, Ընդհանուր Ժողովներ հրաւիրուին, Վանի, Պիթիլիսի, ինչպէս

և էրզրումի նահանգներուն «ընտրովի անդամներուն կէսը իսլամ և կէսը ո՛չ-իսլամ պիտի ըլլան»: Բայց կա՞յ ո և է պարտադրութիւն որ նախ քան վերջնական մարդահամար կատարուիլը անպատճառ Նահանգային Ընդհանուր Ժողովները գումարուին: Ենթադրենք որ, մինչեւ իսկ առանց սպասելու մարդահամարին, առաջին տարուայ մէջ, մէկ անգամի համար, կէս առ կէսով կազմուին Նահանգային Ժողովները. ի՞նչ արժէք ունին սակայն ժողովրդական շահերու տեսակէտով այն ընտրութիւնները, նոյն իսկ կէս առ կէսով, որ իւրաքանչիւր ազգի կամ հասարակութեան քուէի արդիւնքովը պիտի ըլլան: Ազգային մասնակցութեան նպատակը միայն այն չէ որ իւրաքանչիւր ազգէ ընտրուածներ ըլլան, այլ նաև այն՝ որ իւրաքանչիւրը իր իսկ կողմէն ընտրուածներ ունենայ:

Դիւանագիտութեան վերջին խափուսիկ պատրանքն է նաև Համաձայնագրի հետևեալ տրամադրութիւնը.— «Եթէ Ընդհանուր Քննիչները անպատահութիւն չտեսնեն, իսլամներու և ո՛չ-իսլամներու միջև հաւասարութեան սկզբունքը պիտի գործադրուի երկու շրջանակներու ստորկանութեան և ժանտարմբիի զինուորագրման մէջ, քանի քափուր պատճեններ մնան».— «հաւասարութեան նոյն սկզբունքը կարելի եղածին չափ պիտի գործադրուի նաև երկու Երջանակներուն մէջ հանրային միւս բոլոր պաշտօններուն բաշխման ատեն»:—Հասկա, եթէ Ընդհանուր Քննիչները անպատահութիւն տեսնեն, այդ անպատահութեան պատճառներն ու պարագաները որոշող, ճշդող ու՛ժը ով պիտի ըլլայ, ինչո՞վ պիտի որոշուի, կարելի եղածին սահմանը. ու երբ քանի քափուր պատճեններ մնան պէս առանձնական պայման մըն է գրուած, թափուր չմտալու պարագային ի՞նչ պիտի ըլլայ, և կամ հաւասարութեան այս կարևոր սկզբունքը ներկայացած մասնակի պատահականութիւններէն միայն օգտուելով ի կատար ածելու համար քանի քանի տարիներու պէտք կայ: Ու վերջապէս, ի՞նչ արժէք ունին այն ամէնը՝ որ Ընդհանուր Քննիչներու բարեհայեցողութենէն է կախուած և ո՛չ թէ օրէնքի պարտադրութենէն: Բարեհայեցողութեանց հեռ կապուած այս-

պիտի նախադասութիւններ չեն կրնար չէղոքացնել պաշտօնէութեան ընտրութեան համար գոյութիւն ունեցող օրինական տրամադրութիւնները, որոնց վերջին դրուագը երեւան եկաւ Նահանգային Օրէնքի 81 (?) յօդուածի է. որդ պարբերութեան փոփոխութեամբ, որ կը տրամադրէ թէ՛ «Նահանգներու պաշտօնեաները, որոնք պիտի նշանակուին մասնաւոր օրէնքներուն և կանոնադիրներուն համաձայն, պիտի անուանուին նախապատուութիւն տրուելով անոնց՝ որ ծանօթ են տեղական լեզուին»։ Տեղական լեզուին ծանօթ ըլլալ սակայն ազգերու հաւասարութեան սկզբունքին գործադրութիւնը չի նշանակեր։

Ահա՛ ամէնքը։

Թո՛ղ դէւանագիտութիւնն ալ մեզի հետ խոստովանի թէ իր ձեռք բերած այս արդիւնքը, որ տեսակ մը ընդհատուած էր, ի թիֆիստական Կառավարութեան դիւանագիտական ամենանուրը և ճարպիկ յաղթանակներէն մէկն է։ Նոր Կառավարութիւնը՝ Դիւանագիտութեան միայն տուաւ այն՝ ինչ որ իր հրատարակած օրէնքները կը թողատրէին, ստիպելով նոյն այդ Դիւանագիտութիւնը՝ որ արդէն իսկ օրինադրուածները իբրեւ դիւանագիտական յաջողութիւններ ու նորութիւններ մարտէ։

Ու այժմ քանի մը խօսք՝ իբր եզրակացութիւն։

Մեր այս աշխատութեան միակ նպատակն է՝ Օսմանեան Կայսրութեան վերանորոգման և Հայրենիքին վերածննդեան գործը հետապնդել։

Տարով պետական վերակազմութեան, բարեկարգութեանց անհրաժեշտութիւնը ծնցնող և ստիպող պատճառները, վեր առնելով այդ վերակազմութեան եւ բարեկարգութեանց գործին զանազան փուլերն ու անցուցած շրջանները և հետևաբար իրադարձութեանց ամիոփ պատմութիւնը վերլուծօրէն՝ — իմ նպատակս է եղած պատմութեան դասը ներկայացնել եւ ապացուցանել, որ համապետական վերակազմութիւնն ու բարեկարգութիւնը պայմանադրուած է Շրջանային Բարեկարգութեամբ։

Նպատակս է եղած ապացուցանել անհեթեթութիւնը՝ օտարին միջամտութեամբ և օտարին բարեացակամութեամբ բարեկարգութեանց արժանանալու յոյսերուն ու նախապաշարուամբերուն։ Ու մենք տեսանք թէ Դիւանագիտութիւնը ի՛նչ տուաւ, ուրկէ աւելին սպասել, իմ կարծիքով, անբնական ու անհետեւողական պիտի ըլլար։

Նպատակս է եղած նաեւ՝ փաստերու և պատմութեան վրայ հիմնուելով ապացուցանել, որ իւրաքանչիւր պետութեան կամ ազգի վերածնունդը, բարեկարգութիւնն ու բարեկեցութիւնը միմիայն իր սեփական պահանջին, ընդունակութեան և աշխատանքին արդիւնքովը կրնայ ըլլալ։

Մէջ բերուած փաստերէն մենք տեսանք որ Կայսրութեան վերակազմութեան ու բարեկարգութեան պահանջը նախ զգացուած է Գահէն եւ յետոյ նաեւ փոքրաթիւ Աւագանիէն։ Պետութիւնը վերացական էութիւն մը չէ, այլ որոշ աշխարհագրական սահմաններու մէջ ապրող ժողովուրդներու կամ ազգերու բազմութիւնն ու ինքնատիրութիւնն է։ Ազգերու պատմութիւնը

արձանագրած է միշտ կուր ու պայքար բռնապետութեանց դէմ: Պետութիւնները եւ հետեւաբար անոնց բաղադրուալ ազգերը զարգացեր ու բարգաւաճեր են այն համեմատութեամբ՝ ինչ համեմատութեամբ և աստիճանով որ տիրող բռնապետութեան դէմ մղուած կռիւով ու պայքարով իրաւունքներ են նուաճած իրենց բաղդին ու ճակատագրին տէրը բլլալու համար:

Արդ, մինչ ուրիշ պետութեանց մէջ ժողովուրդն է որ տիրող բռնապետութեան դէմ ըմբոստանալով բարեկարգութիւն ձեռք կը բերէ, Թուրքիոյ պատմութեան մէջ Գահէն է սկսած բարեկարգութեան պահանջը: Ու վիժած է սկզբնական բարեկարգութիւնը, որովհետեւ Գահին ցանկութիւնը միայն բաւական չէր, որովհետեւ բարեկարգութեան պահանջն զգացող և գայն իրագործելու ընդունակ ժողովուրդ է տարր կը բացակայէր:

Ասոր հակառակ, մենք պատմութեան ընթացքին տեսանք, որ Թուրքիոյ Բարեկարգութեան գործը վիժեց երկու պատճառով.— մէկ կողմէն՝ բարեկարգութեան տենչացող երջանկայիշատակ Սուլթաններու յաջորդոյ հակաբարեկարգչական բռնապետներու գահակալութեամբ, միւս կողմէն՝ բարեկարգութիւն պահանջող եւ նոյն այդ պահանջին հակառակող ժողովուրդներու բաժանումով, որ կը ընտրուի տիրողներու և տիրապետողներու ըմբռնումով և նախապաշարունակութեամբ:

Ահա այս վիճակն է ստեղծեր նաև Արեւելեան Հարցը, որ ուրիշ բան չի նշանակեր՝ բայց եթէ Արեւմուտքի բարգաւաճումն ու գերակշռութիւնը Արեւելքի վրայ, — քայքայող Արեւելքի վրայ Արեւմուտքի Մեծ Պետութիւններ ըստաճներուն տիրապետութիւնը, անոնց սնտեսական և քաղաքական նուաճման ցանկութիւններն ու ծրագիրները: Ու եթէ ցանկութիւնները չեն իրագործուիր ամբողջութեամբ կամ մէկ անգամէն, ատիկա հետեւանք է միայն աւարի բաշխման մէջ գոյացող անհամաձայնութեան և անոնց հակադիր ուժերու փոխ-յարաբերութեան: Ի՞նչ աւելի անբնական ուրեմն՝ յուսալ և սպասել որ այդ ցան-

կութիւններով ու ծրագրներով առաջնորդող Պետութիւնները բարերար հանդիսանան Օսմանեան Կայսրութեան կամ մեզ ու անկեղծօրէն աշխատին ստեղծել իրապէս բարեկարգ դրութիւն:

Այս հակադիր շահերու թիկադրած քաղաքականութեան ծնունդն ու արդիւնքն է նաև Հայկական Բարեկարգմանց իբրեւ ի նպատ «ընդունուած Ծրագրին» անունով առաջացած ներկայ վիճակը, որ Պետութեանց համար, իմ կարծիքով, ուրիշ բան չէ՝ բայց եթէ կնճռին լուծումը յետաձգելով ապագայ միջամտութեան դռները բաց պահելու նոր աքտ մը, որ ապահովուած է իրենց ստացած յարակից սնտեսական ու քաղաքական քօնսէսիօններով:

Բայց, կը կրկնեմ, որ մեզ համար Հայկական Բարեկարգութիւնը մէկ մասն է Կայսրութեան Համապետական Բարեկարգութեան, հիմնուած «Շրջանային Բարեկարգութեան» սկզբունքին ու անհրաժեշտութեան վրայ:

Աշխատելով պարզել ստեղծուած դրութեան և ստացուած արդիւնքին իրական արժէքը, զիս առաջնորդող փափաքն է եղած թողնելու հոգեբանութեան յատկանիշը եղող նախապաշարունակներն ու անհեթեթ յոյսերը ցրուելով՝ ծառայել Կայսրութեան համապետական ուստի եւ միևնոյն ժամանակ Պետութեան բաղադրիչը եղող Երջանային կամ ազգային բարեկարգութեան, վերածննդեան ու բարգաւաճման գործին, որ քաղաքացիական պարտականութիւն մըն է ամենէն առաջ:

Բարեկարգութեանց ինչդրին ստացած վերջին փուլով, իմ կարծիքով, Թուրքիոյ Բարեկարգութեան—համապետական եւ Երջանային—վերջին շրջանը փակուած չի համարուիր, ընդհակառակը այդ շրջանը մտած է նոր փուլի մը մէջ:

Բարեկարգութեանց անհրաժեշտութիւնը այլ ևս վիճելի չէ: Եւ արդէն Թուրքիոյ տիրող տարրին մէջ առաջ է եկած բարեկարգութեան կամ վերանորոգման հետամուտ դաս մը, որ Երիտասարդ Թուրք անունով ծանօթ է և որ իշխանութիւնը իր ձեռքին մէջ ունի այժմ: Անիկա բարեկարգութիւնը պիտի գործադրէ՝ անկախ և հակառակ Պետութեանց ձգտումներուն, բայց


այն չափով ու ձեւով, ինչ չափով ու ձեւով ու իր դասային ու ազգային ըմբռնումները և շահերը կը թելադրեն: Խնդիրը հոն է որ անոր ջանքերը չպիտի կրնան իր ցանկութիւնները պսակել և պատմութեան ու քաղաքակրթութեան օրէնքը չըջել:

Թուրքիոյ, ինչպէս և բոլոր պետութեանց բարեկարգութեան յաջողութիւնը կախուած ու պայմանաւորուած է ժողովուրդներու կամ ազգերու իրաւատիրութեամբ, իսկ իրաւատիրութիւնը պայմանաւորած է իւրաքանչիւրին գիտակցութեան և ընդունակութեան աստիճանով:

Ահա՛ այս աստիճաններու սահմանաւորման փուլին մէջն է որ մտած ենք: Թուրքիոյ համապետական և քաղաքային բարեկարգութիւնը, վերածնունդն ու բարգաւաճումը իրականացման քաղաքի մէջ մտնելու համար անհրաժեշտ է որ Թուրքիոյ բազմազան ազգերը, տիրող և տիրապետողները միանգամայն, մտնեն բարեշրջութեան ճամբուն մէջ, իրենց ճակատագրին յոյսը՝ իրենց սեփական ջանքերուն, իրենց սեփական կարողութեան և ուժին վրայ դնելն և ըստ այնմ առաջնորդուելով գործելու գիտակցութիւնն ու ընդունակութիւնը ստանան:—

Ո՛ւժ քաղաքական հասունութեան, ո՛ւժ գիտական պաշարի, ո՛ւժ վարչական ընդունակութեան, ուժ տնտեսական նախաձեռնութեան, ո՛ւժ քաղաքակրթական դերի, ու կոչումի, բայց ո՛չ անհատական, այլ հաւաքական ու կազմակերպուած նկարագրի ու բարոյականի—ահա՛ այն ամէնը՝ որոնցմէ կախուած են Կայսրութեան, ուստի և մասնաւորաբար Հայութեան փրկութիւնն ու ապագան:

Ռ Ա Մ Կ Ա Վ Ա Ր Ո Ի Թ Ի Ի Ն



2013

« Ազգային գրադարան »



NL0039519

5852

